

MECLİS-i MEŞÂYİH DEFTERLERİ

6

PROJE YÜRÜTÜCÜSÜ

HASAN KAMİL YILMAZ

EDİTÖRLER

HASAN KAMİL YILMAZ

AYHAN IŞIK

MELİHA AYDINLI



Türkiye Diyanet Vakfı Yayınları Yayın No. 1567
İSAM Yayınları 277
Başvuru Eserleri Dizisi 55
© Her hakkı mahfuzdur.

MECLİS-i MEŞÂYİH DEFTERLERİ 6. Cilt

Proje yürütücüsü Hasan Kamil Yılmaz
Editör Hasan Kamil Yılmaz, Ayhan Işık, Meliha Aydın
Yayın danışmanı İsmail Kara, Bilgin Aydın



TDV İslam Araştırmaları Merkezi (İSAM)
tarafından yayına hazırlanmıştır.
İcadiye-Bağlarbaşı Cad. 38 Üsküdar / İstanbul
Tel. 0216. 474 08 50
www.isam.org.tr yayin@isam.org.tr

Yayın yöneticisi Yaşar Çolak
Yayın editörü Mustafa Demiray
Proje koordinasyon Arzu Güldöşüren
Çeviri yazı ve özet Ayhan Işık, Meliha Aydın
Mukabele Esra Yıldız, Beşir Şen, Ömer Karadağ, Meliha Aydın
Özetlerin redaksiyonu Rabia Aydın
İmla İnayet Bebek
Grafik uygulama Ender Boztürk
Kapak tasarım Hasan Hüseyin Can

Bu eser
TDV İslam Araştırmaları Merkezi'nin (İSAM)
Meclis-i Meşâyih Defterleri Projesi
kapsamında yayımlanmıştır.

Bu kitap
İSAM Yönetim Kurulu'nun
29.08.2025 tarihli ve 2025/07 sayılı kararıyla basılmıştır.
Birinci Basım: İstanbul, Eylül 2025
ISBN 978-625-428-799-2 (Tk.)
978-625-428-805-0 (6. Cilt)



Basım, Yayın ve Dağıtım
TDV Yayın Matbaacılık ve Tic. İşl.
Ostim OSB Mahallesi, 1256 Cadde, No. 11
Yenimahalle / Ankara
Tel. 0312. 354 91 31 Faks. 0312. 354 91 32
bilgi@tdv.com.tr
Sertifika No. 48058

Meclis-i Meşâyih defterleri / ed. Hasan Kamil Yılmaz, Ayhan Işık, Meliha Aydın. -
İstanbul ; Ankara : İslam Araştırmaları Merkezi (İSAM) ; Türkiye Diyanet Vakfı, 2025.
6. c. (626 s.) ; 28 cm. - (Türkiye Diyanet Vakfı Yayınları ; 1567. İSAM Yayınları ; 277.
Başvuru Eserleri Dizisi ; 55)
ISBN 978-625-428-799-2 (Tk.) 978-625-428-805-0 (6. Cilt)

MECLİS - i MEŞÂYİH
DEFTERLERİ

1739
Numaralı
Müzekkire ve Derkenâr
Defteri

1739 NUMARALI MÜZEKKİRE VE DERKENÂR DEFTERİ

IST_MFT_MSH_DFT02_01739_0001-0001¹

Aksaray'da Mollahüsrev Mahallesi'nde Şeyh Alaaddin Efendi Dergâhı Camii imam ve hatibi ve dergâhın şeyhi Sâlih Nâzım Efendi'nin vefatı üzerine; görevlerinin, Müderris Hafız Mustafa Lütfi Efendi b. Mehmed'in niyâbetiyle müteveffanın oğlu Ahmed Hikmet Efendi'ye tevcihi.

Bâb-ı Fetvâ Meclis-i Meşâyih									
Târih-i Tesvîd		Müsevvid	Evrak Odası Numarası	Husûsî Numarası			Umûmî Numara	Târih-i Tebyîz	
Arabî	Rumî							Arabî	Rumî
19 Z. sene [1]336	25 Eylül sene [1]334	-	-	-	-	-	4	Fî 22 Z. sene [1]336 [28 Eylül 1918]	Fî 28 Eylül sene [1]334
Mazbata İstanbul'da Aksaray civârında Mollahüsrev Mahallesi'nde kâin kutbü'l-ârifin eş-Şeyh Alaaddin Efendi Dergâhı [ve] Câmi-i şerîfî imâmet ve hitâbet cihetlerine 23 Zilka'de sene [1]334 târihli berât-ı âlî ile mutasarrıf olan dergâh-ı mezkûr şeyhi Sâlih Nazım Efendi'nin sene-i hâliye şehr-i Ramazân-ı şerîfinin yirmi altıncı günü vukû'-ı vefâtına mebnî inhilâl eden ciheteyn-i mezkûreteynden hitâbetin müteveffâ-yı mûmâ-ileyhin on yaşında sagîr oğlu Ahmed Hikmet [kopuk] sinni hadd-i nizâmîye vâsıl olduktan sonra isbât-ı ehliyet eylediği hâlde uhdesine isâbet [kopuk] olunmak üzere niyâbetine ve imâmet cihetinin asâletine tâlib olanların li-eclî'l-imtihân mürâca'atları evrâk-ı havâdisle i'lân olunup vakt-i mu'ayyeninde münferiden mürâca'at eden Dâru'l-hilâfeti'l-aliyye Medresesi ihzârî sınıfı mu'allimlerinden Hâfız Mustafa Lütfi Efendi b. Mehmed'in Tevcih-i Cihât Nizâmnâmesi ahkâmına tevfiқан imtihânı lede'l-icrâ ehliyet ve kifâyeti tebeyyün etmesine ve mûmâ-ileyh imâmet-i mezkûreye asâleten tâlib olmayıp her iki cihetin vezâifini bî'n-niyâbe edâ ve ifâ edeceğini Meclis-i dâ'iyânemizde ifâde ve beyân eylesesine binâen sagîr-i mûmâ-ileyh Ahmed Hikmet Efendi ber-vech-i ma'rûz bizzât ifâ-yı vazîfeye iktisâb-ı ehliyet edinceye değin ciheteyn-i mezkûreteyhin mûmâ-ileyh Hâfız Mustafa Efendi niyâbetiyle uhdesine tevcihi tensîb edilmekle rehîn-i tasvîb-i âlî-i Cenâb-ı Meşihat-penâhîleri buyurulduğu takdîrde mazbata-i dâ'iyânemizin leffîyle mu'âmele-i mukteziyyenin ifâsı husûsunun Evkâf-ı Hümâyûn Nezâreti Vekâlet-i celîlesine iş'âr buyurulması bâbında. Hüseyin, Vahyî, Mustafa, Ali, Safvet Yazılmıştır									

1 Tabloda bulunan başlıklar, diğer kararlarda tekrar edilmeden bu bilgi sırasına göre verilmiştir.

IST_MFT_MSH_DFT02_01739_0001-0002²

Eyüp'te Lâlizâde diğer adıyla Özbekler Dergâhı şeyhi ve zaviyedarı Burhaneddin Efendi'nin istifası üzerine, yerine Meclis-i Meşâyih azasından Emîr Buhârî Dergâh-ı Şerifi postnişininin vekâleten tayini.

27 Za. sene [1]336 / 3 Eylül sene [1]334 / - / - / - / - / - / - / Fî 1 Zilhicce sene [1]336 [7 Eylül 1918] / Fî 7 Eylül sene [1]334

Mazbata

Hazret-i Ebâ Eyyûb el-Ensârî -radiye anhü'l-Bârî- civârında kâin tarikat-i aliyye-i Nakşibendiyye'den La'lîzâde nâm-ı diğer Özbekler Dergâh-ı şerîfi zâviyedâr ve şeyhi Burhaneddin Efendi'nin 24 Ağustos sene [1]334 târihinde vukû'-ı isti'fâsına mebnî inhilâl eden mezkûr zâviyedârlığa şart-ı vâkıf mücebince tarikat-i aliyye-i mezkûre fukarâsından ve dergâh-ı mezkûr sekenesinden kalenderân ta'bîr olunun mücerredân-ı Özbekiyye'den olup şeyhlik evsâfını hâiz olması lâzım gelen bir zât fi'l-hâl bulunamamasına ve Meclis-i dâ'iyânemiz a'zâsından tarikat-i aliyye-i mezkûre meşâyihinden Emir Buhârî Dergâh-ı şerîfi postnişini [kopuk] vazîfe-i mezkûreyi ber-vech-i hasbî vekâleten ifâyî der'uhde etmesine binâen vakfiye ahkâmına tevfikân münâsib bir asıl bulununcaya değin arz olunan Özbekler Dergâhı zâviyedâr ve şeyh vekâletine mûmâ-ileyh dâ'îlerinin ta'yîni tensîb edilmekle rehîn-i tasvîb-i âlî-i Meşîhat-penâhîleri buyurulduğu taktîrde mu'âmele-i kaydiyyesinin icrâsı husûsunun Evkâf-ı Hümâyûn Nezâreti Vekâlet-i celîlesine iş'âr buyurulması bâbında.

Hüseyin, Vahyî, Mustafa, Ali, Safvet

Yazılmıştır

IST_MFT_MSH_DFT02_01739_0001-0003

Aksaray Sofular Mahallesi'nde Şeyh Alaaddin Efendi Dergâhı şeyhi Sâlih Nâzım Efendi'nin vefatı üzerine; mutasarrıf olduğu meşihat, hitabet ve imamet cihetlerinin Sofular Dergâhı şeyhi Yusuf Selâhaddin Efendi'ye vekâleten tevcihi.

22 Za. sene [1]336 / 29 Ağustos sene [1]334 / - / - / - / - / Sîret / - / 2 / Fî Zilka'de sene [1]336 [Eylül 1918] / Fî Eylül sene [1]334

Mazbata

İstanbul'da Aksaray civârında Sofular Mahallesi'nde kâin kutbü'l-ârifin eş-Şeyh Alaaddin Efendi Dergâh-ı şerîfi şeyhi pederi Sâlih Nazım Efendi'nin vukû'-ı vefâtına mebnî inhilâl eden meşîhat cihetinin uhdesine tevcihi istid'âsına dâir bi't-takdîm Evkâf-ı Hümâyûn Nezâret-i celîlesinden vârid olup havâle buyurulan Ali Sıdkî imzâlî arzuhâl ve Kuyûd-ı Vakfiyye İdâresi'nden muharrer derkenâr kırâet ve icâbı müzâkere olundu.

Sâlifü'l-arz derkenâr ve 23 Zilka'de sene [1]334 târîhli berât mündericâtıyla tahkîkât-ı vâkı'aya ve Meclis-i dâ'iyânemiz kuyûduna nazaran dergâh-ı mezkûr meşîhat ve imâmet ve hitâbet ve kayyımlik cihetleri bâ-berât ve müezzinlik ciheti vekâleti Şûrâ-yı Evkâf kararıyla uhdesinde iken

2 Defterlerde atlanan bazı kararlar, ilgili kararın devamı niteliğinde metnin içinde geçmektedir ya da orijinalinde bulunmadığı için aslına bağlı kalınarak verilmemiştir.

sene-i hâliye Ramazân-ı şerîfinin yirmi altıncı günü vefât eden mûmâ-ileyh Şeyh Sâlih Nazım Efendi'nin sulb-i sahîh oğulları yirmi yaşında Ali Sıdkî ve sekiz yaşında Hikmet efendileri terk ettiği anlaşılmıştır. Mûmâ-ileyh Ali Sıdkî Efendi el-yevm taht-ı silâhta bulunduğu cihetle Tevcih-i Cihât Nizâmnâmesi'nin mevâdd-ı mahsûsası ahkâmına tevfiikan vazîfe-i askeriyyesini ikmâl ettikten sonra isbât-ı ehliyyet eylediği takdîrde uhdesine tevcih olunmak üzere arz olunan meşihat ve kayyımlik ve müezzinlik vezâifini ber-vech-i hasbî vekâleten îfâ ve dergâhın muhassasâtından fukarâ ve dervîşân ile şeyh-i müteveffânın âilesini dahi i'şeyi der'uhde eden Sofular Dergâh-ı şerîfi postnişîni Yusuf Salahaddin Efendi'nin cihât-ı mezkûre için vekîl nasb ü ta'yîni tezekkür ve tensîb edilmekle rehîn-i tasvîb-i âlî buyurulduğu takdîrde ber-vech-i ma'rûz mu'âmele-i kaydiyye îfâsı husûsunun Evkâf-ı Hümâyûn Nezâreti Vekâlet-i celîlesine bâ-tezkire-i aliyye iş'âr buyurulması bâbında.

Hüseyin, Mustafa, Ali, Safvet

Yazılmıştır

IST_MFT_MSH_DFT02_01739_0001-0004

Üsküdar'da Rifâî Âsitanesi şeyhi Rıza Efendi'nin vefatıyla, yerine Şeyh Seyyid Hüsnü Efendi'nin tayini hakkında Evkaf Nezâretine gönderilen açıklama.

28 Şevvâl sene [1]336 / 6 Ağustos sene [1]334 / - / - / - / Sîret / - / 1 / Fî 28 Şevvâl sene [1]336 [6 Ağustos 1918] / Fî 6 Ağustos sene [1]334

Zeylen Mazbata

Üsküdar'da kâin Âsitâne-i Rifâ'î meşihat cihetinin Şeyh Seyyid Hüsnü Efendi uhdesine tevcihi hakkında nizâmnâme-i cedîdin târih-i neşrinden mukaddem Meclis-i Meşâyih Hey'et-i sâbıkası tarafından tanzim ve takdîm olunup mücebine işâret-i aliyye-i Fetvâ-penâhîleriyle tevşih ve Evkâf-ı Hümâyûn Nezâreti Vekâlet-i celîlesine tesyâr buyurulmuş olan bâlâda muharrer mazbatadan mûmâ-ileyh Şeyh Hüsnü Efendi'nin Rıza Efendi'den sonra hulefâsından olup olmadığı ve mûmâ-ileyhin ne sûretle mesbûku'l-imtihân bulunduğu anlaşılmadığından bahisle bu cihetlerin Meclis-i dâ'iyânemizce îzâhen beyânı lüzûmuna dâir Şûrâ-yı Evkâftan yazılıp havâle buyurulan fî 5 Şevvâl sene [1]336 târihli derkenâr mütâla'a ve îcâbı müzâkere olundu.

Metn-i mazbatada keff-i yed eylediği musarrah ve keff-i yednâmesi evrâk miyânında mevcûd olan akdem hulefâ Rıza Efendi'den sonra ne akdem hulefâdan ve ne de sûret-i mutlakada hulefâ-yı Rifâ'îyye'den olarak meşihat-i mezkûreye hiçbir tâlib zuhûr etmemesine ve imtihânı mukaddemâ şifâhen icrâ kılınmış olan mûmâ-ileyh Hüsnü Efendi'nin bi't-taharrî imtihân kaydına zafer-yâb olunamadığı cihetle Tevcih-i Cihât Nizâmnâmesi ahkâmına tevfiikan bu kere tahrîran icrâ kılınan imtihânda meşihat-i mezkûreye ehliyet ve kifâyeti tebeyyün etmiş ve kendisi ecille-i hulefâ-i Rifâ'îyye'den ve zühd-i salâh ashâbından bulunmuş olmasına binâen tevcih-i evvel tasdîk kılınmış olmağla rehîn-i tasvîb-i sâmi-i Cenâb-ı Meşihat-penâhîleri buyurulduğu takdîrde nizâmnâme-i cedîd mücebine mu'âmele-i kaydiyyesi îfâ ve berât-ı şerîfi istâr ve i'tâ olunmak üzere işbu mazbatanın müteferri'âtıyla beraber vekâlet-i müşârun-ileyhâya irsâl buyurulması bâbında.

Hüseyin, Vahyî, Mehmed Cevdet, Ali, Mehmed Abdülbâki, Safvet

IST_MFT_MSH_DFT02_01739_0001-0005

Arzuhalde bahsedilen müezzinlik ve kayyımlik vazifelerinin deruhte kayıtlarıyla muhassasat miktarlarının Evkaf Nezâretinden istenmesi.

25 Ra. sene [1]337 / 29 Kânûn-ı evvel sene [1]334 / - / İstid'â 552 / 133 / Sîret / - / 51 / Fî 28 Ra. sene [1]337 [1 Ocak 1919] / Fî 1 Kânûn-ı sâni sene [1]334

Derkenâr

Metn-i istid'ânâmede muharrer müezzinlik ve kayyımlik cihetlerinin der'uhde kayıtlarıyla muhassasâtı makâdirinin bâ-derkenâr beyânı zımnında işbu arzuhâlin mazrûfen Evkâf-ı Hümâyûn Nezâret-i celîlesine irsâl buyurulması bâbında.

Hüseyin, Vahyî, Mustafa, Mehmed Abdülbâki, Mehmed Gülşen

Yazılmıştır

IST_MFT_MSH_DFT02_01739_0001-0006

Tezkire-i sâmiyenin kaydı yapıldıktan sonra Evrak Müdüriyetine havalesi.

20 Ra. sene [1]337 / 24 Kânûn-ı evvel sene [1]334 / - / - / 146 / Sîret / - / 50 / Fî 24 Ra. sene [1]337 [28 Aralık 1918] / Fî 28 Kânûn-ı evvel sene [1]334

Derkenâr

Havâle buyurulan işbu tezkire-i sâmiyye kırâet ve defter-i mahsûsa kaydedilmekle li-ecli'l-hıfz Evrak Müdüriyeti'ne havâle buyurulması bâbında.

Hüseyin, Vahyî, Mustafa, Ali, Mehmed Gülşen

Yazılmıştır

IST_MFT_MSH_DFT02_01739_0001-0007

Üsküdar'da Ali Selâmi Efendi Dergâhı'nın tramvay merkezine dönüştürülmesiyle, dergâhın şeyhi Mâcid Efendi'nin ikameti için tahsis edilen hanenin istibdal muamelesinin yapılması.

21 Ra. sene [1]337 / 24 Kânûn-ı evvel sene [1]334 / - / 582 / 148 / Sîret / - / 49 / Fî 24 Ra. sene [1]337 [28 Aralık 1918] / Fî 28 Kânûn-ı evvel sene [1]334

Şeyh Macid Efendi'nin Arzuhâline Derkenâr

Üsküdar'da kâin Ali Selâmi Efendi Dergâh-ı şerîfi şeyhi Macid Efendi tarafından bi't-takdim havâle buyurulan işbu arzuhâl kırâet olundu.

Dergâh-ı mezkûrun Hazîne-i Evkâf-ı Hümâyûnca inşâ ettirilmekte bulunan tramvay merkezi ittihaz olunmasına mebnî dergâh-ı mezkûra mukâbil müsted'î Şeyh Macid Efendi'nin ikâmetine nezâret-i müşârun-ileyhâca tahsis edilen hânenin istibdâline âid mu'âmele-i mukteziyyenin icrâ ve neticesinin inbâsı zımnında mazrûfen Mahkeme-i Evkâf-ı Hümâyûn Kâdılığı cânib-i âlisine irsâl buyurulması tezekkür kılındı.

Hüseyin, Vahyî, Mustafa, Ali, Mehmed Gülşen

Yazılmıştır

IST_MFT_MSH_DFT02_01739_0001-0008

Bahsedilen kişiye 1 Eylül'den itibaren tahsisatının ödeneceğinin tefhimi.

20 Ra. sene [1]337 / 24 Kânûn-ı evvel sene [1]334 / - / - / - / Sîret / - / 48 / Fî 21 Ra. sene [1]337 [25 Aralık 1918] / Fî 25 Kânûn-ı evvel sene [1]334

İstanbul Evkâf Müdüriyeti'nin Tezkiresine Cevâb

Mûmâ-ileyhâya i'tâsı lâzım gelen meblağın 1 Eylül sene [1]332 târihinden i'tibâren tesviyesi icâb edeceği beyânıyla terkîm-i cevâba ibtidâr olundu.

Hüseyin, Vahyî, Mustafa, Ali, Mehmed Gülşen

Yazılmıştır

IST_MFT_MSH_DFT02_01739_0001-0009

Müzekkirede bahsedilen dergâhın eski haliyle inşasının taahhüt edilmesiyle, meşihatın tevcih muamelesinin yapılması.

10 Ra. sene [1]337 / 14 Kânûn-ı evvel sene [1]334 / 134 / Sîret / 47 / Fî 10 Ra. sene [1]337 [14 Aralık 1918] / Fî 14 Kânûn-ı evvel sene [1]334

Derkenâr

Makâm-ı celîl-i Cenâb-ı Meşihat-penâhîlerinden tasvîb buyurulmuş olan işbu tevcih müzekkiresi metninde arz ve tafsîl edildiği vechile dergâh-ı mezkûrun hey'et-i sâbıkası üzere teberra'an li'l-vakf inşası ta'ahhüd olunmuş ve bu sûret vakf için enfa' olduğu derkâr ve emsâline de muvâfık bulunmuş olduğundan ve meşihat ciheti ise esâsen ber-vech-i hasbî müvecceh bulunduğundan tevcih-i evvel vechile mu'âmele-i kaydiyyesinin îfâsıyla berât-ı âli tastîri zımında mazrûfen Evkâf-ı Hümâyûn Nezâret-i celîlesine irsâl buyurulması tezekkür kılındı.

Vahyî, Mustafa, Ali, Mehmed Abdûlbâki, Safvet

IST_MFT_MSH_DFT02_01739_0001-0010

Molla Gürânî Halvetî Hankahı, Fatih yangınında yandığından, tekrar inşası için gereken inşaat malzemelerinin gönderilmesi talebi.

6 Ra. sene [1]337 / 10 Kânûn-ı evvel sene [1]334 / - / - / - / Sîret / - / 46 / Fî 7 Ra. sene [1]337 [11 Aralık 1918] / Fî 11 Kânûn-ı evvel sene [1]334

Derkenâr

Sadr-ı esbak merhûm Piri Paşa Vakfı mütevellîsi Nurullah Bey tarafından takdîm olunup havâle buyurulan işbu arzuhâl kırâet olundu.

Merhûm-ı müşârun-ileyhin binâ ve ihyâ-kerdesi olup Fâtih harîk-i kebirinde muhterik olan Mollagürânî'de kâin Halvetî Hânkâh-ı şerîfinin mensûbîn ve müdâvîmîni taraflarından vukû' bulan mürâca'at tarîkaten merci'i olmak i'tibârıyla Hazret-i Sünbül Sinan Âsitânesi postnişîn vekîli efendi tarafından verilen takrîr üzerine Dergâh-ı şerîfin müceddeden inşası için bedeli Evkâf-ı Hümâyûn Nezâretî'nden verilmek sûretiyle malzeme-i inşâiye i'tâ buyurulması hakkın-da takdîm kılınan 2 Teşrîn-i evvel sene [1]334 târîhli ve 40 numaralı müzekkire-i dâ'iyânemize binâen Harbiye Nezâret-i celîlesine şeref-tastîr buyurulan tezkire-i aliyyenin te'kîdine ve

keyfiyyetin de ayrıca Evkâf-ı Hümâyûn Nezâret-i celîlesine iş'ârına müsâ'ade buyurulması tezekkür kılındı ol bâbda.

Mehmed Abdülbâki, Safvet
Yazılmıştır

IST_MFT_MSH_DFT02_01739_0001-0011

Evkaf Nezâreti tezkiresinin diğer evraklarla birlikte Evrak Müdürlüğünde hıfzı.

6 Ra. sene [1]337 / Fî 10 Kânûn-ı evvel sene [1]334 / - / - / 129 / Sîret / - / 45 / Fî 7 Ra. sene [1]337 [11 Aralık 1918] / Fî 11 Kânûn-ı evvel sene [1]334

Derkenâr

Evkâf-ı Hümâyûn Nezâret-i celîlesinin işbu tezkire-i cevâbiyyesi lede'l-kırâe husûs-ı mebhûsa dâir icâb eden mu'âmele hitâm bulduğu ve iktizâsı arz ve takdîm kılındığı cihetle evrâk-ı sâiresiyle birleştirilerek hıfz olunmak üzere Evrâk Müdüriyyet-i behiyyesine havâle buyurulması tezekkür kılındı.

Safvet
Yazılmıştır

IST_MFT_MSH_DFT02_01739_0001-0012

Hazırlanan müzekkireyle birlikte dosyanın Evrak Müdüriyetine havalesi.

3 Ra. sene [1]337 / 7 Kânûn-ı evvel sene [1]334 / - / 511 / - / Sîret / - / 44 / Fî 4 Ra. sene [1]337 [11 Aralık 1918] / Fî 11 Kânûn-ı evvel sene [1]334

Derkenâr

Taraf-ı âlî-i Riyâset-penâhiden

Zikrolunan dosya bi't-tedkîk mu'âmele-i mukteziyye hitâm bulduğundan işbu müzekkire ile beraber tamamen Müdüriyyet-i mûmâ-ileyhâya i'ade kılındı.

Safvet
Yazılmıştır

IST_MFT_MSH_DFT02_01739_0001-0013

Abdülhalim Çelebi Efendi'nin Mevlânâ postnişinliğinden azliyle, ilgili karar suretinin kendisine verilemeyeceğinin tefhimi.

Fî 4 Ra. sene [1]337 / Fî 8 Kânûn-ı evvel sene [1]334 / - / İstid'â 537 / - / - / - / 43 / Fî 4 Ra. sene [1]337 [8 Aralık 1918] / Fî 11 Kânûn-ı evvel sene [1]334

Derkenâr

Sâhib-i istid'â Abdülhalim Çelebi Efendi'nin evvelce Meclis-i Meşâyih'e havâle buyurulan diğer istid'ânâmesi üzerine yapılan mu'âmele müşârun-ileyhin makâm-ı celîl-i Mevlânâ'dan azline âid evrâk dosyasının celb ve tedkîki ve cereyân eden mu'âmelenin telhîs-i keyfiyyetinin takdîr-i âlî-i Meşihat-penâhîlerine tefvîzi mütâla'asından ibâret olup ale'l-usûl sûret-i musaddakası müsted'îye i'tâ edilebilecek mukarrerâtın olmadığı cihetle ol bâbda.

Safvet
Yazılmıştır

IST_MFT_MSH_DFT02_01739_0001-0014

Kayseri’de bir tekke bulunması hasebiyle Encümen-i Meşâyih teşkili.

28 Safer sene [1]337 / 3 Kânûn-ı evvel sene [1]334 / - / - / 118 / Sîret / - / 42 / Fî 29 S. sene [1]337 [4 Aralık 1918] / Fî 4 Kânûn-ı evvel sene [1]334

Derkenâr

Kayseriyye Müftülüğü’nden vârid olup havâle buyurulan işbu arıza-i cevâbiyye kırâet olundu. Mündericâtına nazaran merkez-i livâda bir Mevlevî dergâhıyla bir de gayr-i resmî tekke mevcûd olduğu anlaşılmış ve bir dergâh mevcûd olan mahalde Encümen-i Meşâyih teşkili icâb edeceği ol bâbdaki ta’îm-i âlî iktizâsından bulunmuş olmasına binâen ta’rîfât-ı nizâmîyye dâiresinde encümenin teşkiliyle neticesinin inbâsı husûsunun cevâben emr ü izbâr buyurulması tezekkür kılındı.

Hüseyin, Vahyî, Ali, Mehmed Abdülbâki, Safvet

Yazılmıştır

IST_MFT_MSH_DFT02_01739_0001-0015

Şeyh Kâmil Efendi’nin Üsküdar’da Altunizâde civarındaki hanesinde tarikat faaliyetlerini icra etmekte olduğunun tespiti.

28 S. sene [1]337 / 3 Kânûn-ı evvel sene [1]334 / - / - / - / Sîret / - / 41 / Fî 28 Safer sene [1]337 [3 Aralık 1918] / Fî 3 Kânûn-ı evvel sene [1]334

İstanbul Evkâf Müdüriyeti’ne Zeylen Cevâb

Husûs-ı mebhûsün-anh hakkında Meclis-i Meşâyih Müfettişliği ma’rifetiyle icrâ kılınan tahkîkât neticesinde mûmâ-ileyh Şeyh Kâmil Efendi Üsküdar’da Altunizâde civârında sâkin olduğu hânedeki usûl ve erkân-ı tarikat-i aliyeyi icrâ ve âyende ve revende dervîşân ve muhibbâna it’âm-ı ta’âm eylemekte olduğu anlaşılmış olduğunun beyânıyla te’yîd-i ihtirâm olunur efendim hazretleri.

Safvet

Yazılmıştır

IST_MFT_MSH_DFT02_01739_0001-0016

Üsküdar’da Hasib Efendi Dergâhı şeyhi Ali Rıza Efendi’nin vefatı üzerine, yerine Sandûkî Dergâhı postnişini Ali Haydar Efendi’nin vekâleten tayini.

25 S. sene [1]337 / 30 Teşrîn-i sâni sene [1]334 / - / - / - / İstid’â 106 / Sîret / - / 40 / Fî 25 S. sene [1]337 [30 Kasım 1918] / Fî 30 Teşrîn-i sâni sene [1]334

Derkenâr

Üsküdar’da Şeyh Hasib Efendi Dergâhı meşihat cihetinin uhdesine tevcihi istid’âsına dâir Vahidüddin Efendi imzâsıyla havâle buyurulan işbu arzuhâl ve bâlâda muharrer Kuyûd-ı Vakfiyye İdâresi’nin derkenârı kırâet olundu.

Dergâh-ı mezkûr şeyhi Ali Rıza Efendi’nin 14 Teşrîn-i evvel sene [1]334 târihinde vukû’-ı vefâtına mebnî inhilâl eden cihet-i meşihate taht-ı silâhta bulunan mahdûmu müsted’î

Vahidüddin Efendi'nin askerden terhîs olunup cihet-i mezkûreyi talep ve isbât-ı ehliyyet edinceye kadar Sandûkî Dergâhı şeyhi Ali Haydar Efendi vekîl ta'yîn olunarak müsted'inin dahi tahsîl ve terbiye ve teslikine ihtimâm etmesi vekîl-i mûmâ-ileyhe havâle edildiği cihetle ol vechile hareketle ifâ-yı vazîfeye iktisâb-ı ehliyyet ve liyâkat eylemesi husûsunun kendisine tefhîmiyle arzuhâlin şimdilik hıfzı zımında Evrâk Müdîriyyeti'ne havâle buyurulması tezekkür kılındı.

Hüseyin, Vahyî, Mustafa, Ali, Safvet

Yazılmıştır

IST_MFT_MSH_DFT02_01739_0001-0017

Afyonkarahisar Mevlevîhanesi postnişinliği hakkında yapılan muamele ile vakfiye suretinin, Afyonkarahisar Encümen-i Meşâyih riyâsetinden istenmesi.

22 S. sene [1]337 / 27 Teşrîn-i sâni sene [1]334 / - / - / 107 / Sîret / - / 39 / Fî 23 S. sene [1]337 [28 Kasım 1918] / Fî 28 Teşrîn-i sâni sene [1]334

Telgrafta Derkenâr

Karahisâr-ı sâhib Mevlevîhânesi postnişinliği hakkında havâle buyurulan işbu telgrafnâme kırâet olundu. Mezkûr postnişinliğe dâir cereyân eden mu'âmelenin serî'an inbâ ve bahs olunan vakfiye sûret-i musaddakasının isrâ olunması husûsunun Karahisar-ı sâhib Encümen-i Meşâyih Riyâsetine emr ü iş'âr buyurulması tezekkür kılındı.

Hüseyin, Vahyî, Mustafa, Safvet

Yazılmıştır

IST_MFT_MSH_DFT02_01739_0001-0018

Şeyh Sâlih Efendi'nin arzuhalinde bahsedilen türbedarlığın deruhte ve tevcih şartlarının Evkaf Nezâretinden istenmesi.

22 S. sene [1]337 / 27 Teşrîn-i sâni sene [1]334 / - / - / - / Sîret / - / 38 / Fî 22 S. sene [1]337 [27 Kasım 1918] / Fî 27 Teşrîn-i sâni sene [1]334

Şeyh Sâlih Efendi'nin Arzuhâline Derkenâr

İşbu arzuhâl kırâet olundu. Bahsolunan türbedarlığın der'uhde ve şürût-ı tevcihiyye kayıdlarının derkenârıyla i'âdesi zımında mazrûfen Evkâf-ı Hümayûn Nezâret-i celîlesine irsâl buyurulması tezekkür kılındı.

Vahyî, Hüseyin, Mustafa, Mehmed Abdülbâki, Safvet

Yazılmıştır

IST_MFT_MSH_DFT02_01739_0001-0019

Selim Efendi Dergâhı postnişini Mehmed Âgâh Efendi askerden döndüğü için askerdeyken yerine vekil tayin edilen Şeyh Abdullah Efendi'nin kendi dönemine ait tahsisatının verilmesi.

16 S. sene [1]337 / 21 Teşrîn-i sâni sene [1]334 / - / - / - / Sîret / - / 37 / Fî 19 S. sene [1]337 [24 Kasım 1918] / Fî 24 Teşrîn-i sâni sene [1]334

Âgâh Mühürlü Arzuhâle Derkenâr

Selim Efendi Dergâh-ı şerîfi postnişini Mehmed Âgâh Efendi tarafından takdîm olunup havâle buyurulan işbu arzuhâl kırâet olundu.

Müsted'î-i mûmâ-ileyh askerlikten terhîs olunmasına mebnî 1 Kânûn-ı evvel sene [1]334 târihinden i'tibâren vazîfe-i meşîhati bi'l-fi'il îfâ edeceğinden taht-ı silâhta iken vekîl ta'yîn olunan Şeyh Abdullah Efendi'nin târih-i mezkûrda infikâk edeceği cihetle dergâh-ı mezkûr mu'ayyenât ve muhassasâtının müeccelâtıyla beraber şehr-i hâl gâyesine kadar vekîl-i mûmâ-ileyhe i'tâsı zımında işbu arzuhâlin mazrûfen Evkâf-ı Hümâyûn Nezâret-i celîlesine irsâl buyurulması tezekkür kılındı.

Safvet

Yazılmıştır

IST_MFT_MSH_DFT02_01739_0001-0020

Şeyh Mehmed Müştâk Efendi'nin arzuhalinde bahsedilen dergâh meşihatının, deruhte ve vakfiye kayıtlarının Evkaf Nezâretinden istenmesi.

13 Safer sene [1]337 / 18 Teşrîn-i sâni sene [1]334 / - / - / 94 / Sîret / - / 36 / Fî 15 S. sene [1]337 [20 Kasım 1918] / Fî 20 Teşrîn-i sâni sene [1]334

Derkenâr

Şeyh Mehmed Müştak Efendi tarafından takdîm olunup havâle buyurulan işbu arzuhâl kırâet olundu.

İktizâsı ba'dehû teemmül ve arz olunmak üzere evvelemirde metn-i istid'ânâmede muharrer dergâh meşihatının der'uhte ve şerâit-i vakfiye kayıtlarının derkenârıyla i'âdesi zımında mazrûfen Evkâf-ı Hümâyûn Nezâret-i celîlesine irsâl buyurulması tezekkür kılındı.

Hüseyin, Vahyî, Mustafa, Mehmed Abdülbâki, Safvet

Yazılmıştır

IST_MFT_MSH_DFT02_01739_0001-0021

Edirne Encümen-i Meşâyihi mazbatasında bahsi geçen dergâh meşihatının, Şeyh Kenan Efendi vekâletiyle Hüseyin Efendi'ye tevcihinin uygun görülmesi.

14 S. sene [1]337 / 19 Teşrîn-i sâni sene [1]334 / - / - / - / Sîret / - / 35 / Fî 15 S. sene [1]337 [20 Kasım 1918] / Fî 20 Teşrîn-i sâni sene [1]334 Edirne Mazbatasına Zeyl

Edirne Encümen-i Meşâyihinden vârid olan işbu mazbata ve merbûtu tahrîrât kırâet olundu.

Meâllerine nazaran dergâh-ı mezkûr meşihat cihetinin Şeyh Kenan Efendi niyâbetiyle sagîr-i mezbûr Hüseyin'e tevcihi muvâfık-ı nizâm görülmekle nizâmnâme-i cedîd ahkâmına tevfiikan mu'âmele-i mukteziyye îfâ olunmak üzere işbu mazbatanın merbûtuyla beraber mazrûfen Evkâf-ı Hümâyûn Nezâret-i celîlesine irsâl buyurulması tezekkür kılındı.

Hüseyin, Vahyî, Mustafa, Mehmed Abdülbâki, Safvet

Yazılmıştır

IST_MFT_MSH_DFT02_01739_0001-0022

Merdivenköy'de Şahkulu Sultan Türbesi ve Dergâhı şeyh vekili Tevfik Efendi'nin talebiyle, dergâhı boşaltmayan Hüsnü Efendi'nin dergâhtan tahliyesi.

8 S. sene [1]337 / 13 Teşrîn-i sâni sene [1]334 / - / - / - / Sîret / - / 34 / Fî 8 S. sene [1]337 [13 Kasım 1918] / Fî 13 Teşrîn-i sâni sene [1]334

Üsküdar'da Nerdüban karyesinde kâin Şahkulu Sultân Türbe ve Zâviyesi şeyh vekili Tevfik Efendi tarafından takdîm olunup havâle buyurulan işbu arzuhâl kırâet olundu.

Zâviyye-i mezkûrenin postnişini Mehmed Ali Baba'nın vefâtından sonra Evkâf-ı Hümâyûn Nezâreti'nden ihrâc olunan kayıdda mahall-i mezkûr hem türbe ve hem de zâviye olduğu beyân olunmasına binâen türbedâr ve zâviyedârlığına tarikat-i aliyye-i Nakşîyye usûlü icrâ etmek üzere 24 Muharrem sene [1]325 târihinde Ahmed Baba ve ondan sonra 17 Rebî'ülevvel sene [1]333 târihinde Şeyh Abdullah Efendi ta'yîn olunduğu kayden müstebân olup mûmâ-ileyhin me'zûnen meşgûl olmasından nâşi tarafından tevkîl ettiği İbrâhîm Efendi'nin geçende vukû'-ı isti'fâsıyla vekâlet-i mezkûreye 5 Muharrem sene [1]337 târihinde hulefâdan Tevfik Efendi ta'yîn olunarak nezâret-i müşârun-ileyhâca mu'âmele-i mukteziyye ifâ kılınmış ve Mebânî-i Hayriyye İdâresi'nden gönderilen me'mûr ma'rifetiyle zâviyenin bir kısmı ve teberrükât-ı vakfiyye'nin kısm-ı küllîsi mûmâ-ileyhe teslim edilmiş olduğu hâlde bir iki mâh zarfında zâviyenin bir kısmına âile iskânıyla yerleşmiş olan Hüsnü Efendi müteveffâ Mehmed Ali Baba'nın vârisi ve zâviyenin bâ-sened-i hâkânî mutasarrıfı bulunduğunu iddi'â ile vekil-i mûmâ-ileyhin ihrâcını bâ-istid'ânâme taleb eylemesi üzerine Meclis-i dâ'iyânemiz müfettişiyle Mebânî-i Hayriyye Müdiriyyeti başkâtibi mahalline i'zâm olunarak zâviyenin vekile teslimi lüzûmunu kendisine beyân eylediklerinde iddi'âsında ısrâr ve teslimden imtinâ' eylediği mûmâ-ileyhimânın raporlarından anlaşılmış ve mahallî hey'et-i ihtiyâriyyesi tarafından tanzîm ve i'tâ edilen ilmühaberde ise mûmâ-ileyh Hüsnü Efendi'nin zâviye ile alâkadâr olmadığı dermiyân edilmiş olmağla işbu istid'ânâme mündericâtına nazaran icâb eden mu'âmelenin ta'yîn ve icrâsı mütevakkıf-ı re'y-i rezîn-i isâbet-karîn-i Cenâb-ı Meşihat-penâhileridir ol bâbda.

Hüseyin, Vahyî, Ali, Mehmed Abdülbâki, Safvet
Yazılmıştır

IST_MFT_MSH_DFT02_01739_0001-0023

Seyyid Seyfullah Dergâhı'nın vakfiyesi olmadığından, ilgili tezkirenin Evrak Odasında hıfzı.

5 Safer sene [1]337 / 10 Teşrîn-i sâni sene [1]334 / - / - / 81 / Sîret / - / 33 / Fî 7 S. sene [1]337 [12 Kasım 1918] / Fî 12 Teşrîn-i sâni sene [1]334

Derkenâr

Şûrâ-yı Devlet Riyâset-i celîlesinden vârid olup havâle buyurulan işbu tezkire kırâet olundu.

Zikrolunan Seyyid Seyfullah Efendi Dergâh-ı şerîfinin mukayyed vakfiyesi olmayıp evrâkı da mukaddemâ şûrâ-yı müşârun-ileyhâya irsâl olunduğu kayden anlaşılmış ve ber-vech-i iş'âr Meclis-i dâ'iyânemiz a'zâsından Şeyh Vahyî Efendi me'mûren i'zâm olunup izâhât-ı lâzimiyi şifâhen i'tâ eylemiş olmağla mu'âmeleden müstağnî kalan işbu tezkirenin Evrâk Odasında hıfzı tezekkür kılındı.

Vahyî, Hüseyin, Mustafa, Ali, Safvet
Yazılmıştır

IST_MFT_MSH_DFT02_01739_0001-0024-25

Merdivenköy Şahkulu Sultan Türbe ve Dergâhı türbedar ve zaviyedarlığı vekâletine Tevfik Efendi'nin usul ve nizama göre tayini yapılmış olduğundan, azli için verilen dilekçenin Evrak Odasında hıfzı.

29 M. sene [1]337 /6 Teşrîn-i sâni sene [1]334 / - / 467 / - / Sîret / - / 32 / Fî 5 S. sene [1]337 [10 Kasım 1918] / Fî 10 Teşrîn-i sâni sene [1]334

Derkenâr

Üsküdar'da Nerdüban karyesinde kâin Şahkulu Sultân Türbe ve Zâviyesinin bâ-sened-i hâkânî mülkü olduğu beyânıyla türbedâr ve zâviye vekâletine ta'yîn olunan Tevfik Efendi'nin müdâhâleden men'i istid'âsına dâir Eczâcî Binbaşılığından mütekâ'id Hüsnü Bey tarafından takdîm olunan işbu ve zâviyye-i mezkûreye âile iskânıyla fuzûlî müdâhâlede bulunan mûmâ-ileyhin tahliyesini müsted'î vekîl-i mûmâ-ileyh tarafından verilip havâle buyurulan merbût istid'ânâmeler birleştirilerek kırâet olundu.

Kuyûda lede'l-mürâcâ'a zâviyye-i mezkûrenin zâviyedârı Mehmed Ali Baba'nın vefâtıyla münhal olan zâviyedârlığa dervîşânın intihâbıyla ve Cihât Kaleminden muhrec kayıdda mahall-i mezkûrda hem zâviyedârlık ve hem de türbedârlık cihetleri olduğu gösterilmiş olmasıyla tarîk-i Nakşî usûlü icrâ olunmak üzere ciheteyn-i mezkûreteynin Hacı Ahmed Baba uhdesine tevcihi Meclis-i Meşâyih'ten 24 Muharrem sene [1]325 târih ve 36 numaralı ve mûmâ-ileyhin mesâvî-i ahvâlinde dolayı azliyle meşihat cihetinin fudelâ-yı kirâmdan Şeyh Ubeydullah Efendi uhdesine tevcihi meclis-i mezkûrun 17 Rebî'ülevvel sene [1]333 târih ve 85 numaralı ve mûmâ-ileyhin me'zûnen meşgûl bulunmasından dolayı tarafından tevkiîl etmiş olduğu İbrâhîm Efendi'nin vukû'-ı isti'fâsıyla vekâlet-i mezkûrenin uhdesine tevcihini hulefâdan Tevfik Efendi istid'â etmesi üzerine Kuyûd-ı Vakfiyye İdâresi'nden ihrâc olunan kayıdda Şahkulu Sultân Zâviyesinin vazife-i mu'ayyene ile Nakşî usûlü icrâ edilmek üzere zâviyedâr ciheti 26 Kânûn-ı sâni sene [1]330 târihinde İzmirli Şeyh Ubeydullah Efendi'ye tevcih olunduğu kayden tebeyyün etmiş olduğu gösterilmesine mebnî aynı usûl-i tarîkati icrâ etmek üzere vekâlet-i mezkûreye ehil bulunan mûmâ-ileyh Tevfik Efendi'nin ta'yîni Meclis-i dâ'iyânemizce tensîb olunduğu fî 5 Muharrem sene [1]337 târih ve beş numaralı mezâbıt ile arz ve icâbı icrâ buyurulduğu anlaşılmış ve zâviyenin bir kısmıyla teberrükât-ı vakfiyyeden kısm-ı mühimmi Mebânî-i Hayriyye İdâresi me'mûru ma'rifetiyle Hüsnü Bey tarafından kendisine teslîm edildiği vekîl-i mûmâ-ileyhin istid'ânâmesinde dermiyân olunmuştur. Mu'âmelât-ı sâbika kuyûduna ve merbût ilmühaber müfâdına göre mahall-i mezkûrun türbe ve zâviye olduğu ve şimdiye kadar bâ-berât-ı âlî şeyhleri tarafından tasarruf ve işgâl olunageldiği müstebân olup gerek Meclis-i Meşâyih ve gerek Mebânî-i Hayriyye İdâresi tarafından dergâh-ı mezkûrun vekîl-i mûmâ-ileyh Tevfik Efendi'ye devir ve teslîmi husûsunda cereyân eden mu'âmelenin [0025] usûl ve nizâmı dâiresinde olduğunun müsted'îye ba'de't-tefhîm arzuhâl ile merbûtâtının Evrâk Odasında hıfzı tezekkür kılındı.

Hüseyin, Mehmed Abdülbâki, Mustafa, Ali, Safvet

IST_MFT_MSH_DFT02_01739_0001-0026

Arzuhalde bahsi geçen imamet ve hitabet cihetlerine atamalar yapıldığından, arzuhalin Evrak İdaresinde hıfzı.

27 M. sene [1]337 / 3 Teşrîn-i sâni sene [1]334 / - / 465 / 75 / Sîret / - / 31 / Fî 27 Muharrem sene [1]337 [2 Kasım 1918] / Fî 3 Teşrîn-i sâni sene [1]334

Derkenâr

İşbu arzuhâl ve merbûtu rapor ve bâlâda muharrer derkenâr kırâet olundu.

Zikrolunan imâmet ve hitâbet cihetlerinin tâlibleri için müsâbaka imtihânı icrâ olunacağı gazetelerle i'ân olunarak mürâca'at edenlerden ikisi ba'de'l-imtihân istinkâf etmelerine ve diğeri mesbûku'l-imtihân ve bâ-berât-ı âli eimmeden bulunmasına binâen ciheteyn-i mezkûreteynin uhdesine tevcihi tensib ve ol bâbdaki mazbata takdîm olunarak tasdik-i âli-i Cenâb-ı Meşîhat-penâhîlerine iktirân etmiş olduğundan keyfiyyetin müsted'îye tefhîmiyle arzuhâlin hıfzı tezekkür kılındı ol bâbda.

Safvet

Yazılmıştır

IST_MFT_MSH_DFT02_01739_0001-0027

Arzuhalde bahsi geçen kalenderhane şeyhi Burhaneddin Efendi'nin istifası üzerine, yerine Emir Buhârî Dergâhı şeyhi Mustafa Efendi'nin vekâleten tayin edilmesi.

19 M. sene [1]337 / 26 Teşrîn-i evvel sene [1]334 / - / 455 / 69 / Sîret / - / 30 / Fî 21 Muharrem sene [1]337 [27 Ekim 1918] / Fî 28 Teşrîn-i evvel sene [1]334

Derkenâr

İşbu arzuhâl ve bâlâda muharrer derkenâr kırâet olundu.

Zikrolunan Kalenderhâne şeyhi Burhaneddin Efendi'nin isti'fâsına mebnî yerine diğeri münâsibi ta'yîn olununcaya değin meşîhat-i mezkûre vekâletine Emir Buhârî Dergâhı şeyhi Mustafa Efendi ta'yîn kılınmış olduğundan mu'âmeleden müstağni kalan bu arzuhâlin Evrak Odasında hıfzı tezekkür kılındı.

Hüseyin, Vahyî, Mustafa, Mehmed Abdülbâki, Safvet

Yazılmıştır

IST_MFT_MSH_DFT02_01739_0001-0028

Hazret-i Selâmî Dergâhı'nın deruhte kayıtlarıyla vakfiye şartlarının Evkaf Nezâretinden istenmesi.

19 M. sene [1]337 / 26 Teşrîn-i evvel sene [1]334 / - / - / - / Sîret / - / 29 / Fî 19 Muharrem sene [1]337 [25 Ekim 1918] / Fî 26 Teşrîn-i evvel sene [1]334

Derkenâr Taraf-ı âli-i Riyâset-penâhîden

İbrâhîm Yaşar imzâsıyla takdîm olup havâle buyurulan işbu arzuhâl mütâla'a olundu.

Ba'dehû iktizâsı teemmül ve arz olunmak üzere evveleminde zikr olunan Hazret-i Selâmî

Dergâh-ı şerîfî meşîhat cihetinin der'uhde kaydıyla vakfiyesi şürût-ı tevcîhi ve derûnunda bulunan cihât-ı ilmiyye ve bedeniyye der'uhdeleri ve vezâif-i makâdîri bâ-derkenâr beyân olunmak üzere Evkâf-ı Hümâyûn Nezâret-i celîlesine mazrûfen irsâl buyurulması bâbında.

Safvet

Yazılmıştır

IST_MFT_MSH_DFT02_01739_0001-0029

Sofular'da Alaaddin Dergâhı Camii imamet ve hitabetinin Hafız Mustafa Efendi niyâbetiyle Ahmed Hikmet Efendi'ye tevcihi.

Fî 16 Muharrem sene [1]337 / Fî 23 Teşrîn-i evvel sene [1]334 / - / - / - / - / - / 28 / Fî 16 Muharrem sene [1]337 [22 Ekim 1918] / Fî 23 Teşrîn-i evvel sene [1]334

Derkenâr Sofular'da Alaaddin Dergâhı Hakkında

İnhilâl eden câmi'-i mezkûr imâmet ve hitâbeti fî 22 Zilka'de sene [1]336 ve fî 28 Eylül sene [1]334 târih ve dört numaralı mazbata mücebince mûmâ-ileyh Hâfız Mustafa Efendi niyâbetiyle Ahmed Hikmet Efendi uhdesine tevcih edilerek o târihte nâib-i mûmâ-ileyh ifâ-yı vazîfeye başlamış olduğundan târih-i mezkûrdan i'tibâren ciheteyn-i mezkûreteyn vezâifinin mûmâ-ileyhe i'tâsı zımında işbu müzekkire i'ade ve takdîm kılındı.

SafvetYazılmıştır

IST_MFT_MSH_DFT02_01739_0001-0030

Hâlîde Hatun tarafından verilen arzuhalin dosyasına konulmak üzere Şûrâ-yı Devlet riyâsetine gönderilmesi.

22 Teşrîn-i evvel sene [1]334 / - / - / - / - / Sîret / - / 27 / Fî 15 Muharrem sene [1]337 [21 Ekim 1918] / Fî 22 Teşrîn-i evvel sene [1]334

Halide İmzâlı Arzuhâle Derkenâr

İşbu arzuhâl ve merbûtu i'lâm sûreti kırâet olundu.

Husûs-ı mezkûra dâir Şûrâ-yı Devlet riyâset-i celîlesinden vârid olan fî 9 Zilhicce sene [1]336 târih ve 35623/3 numaralı tezkire ve melfûfu dosyanın mütâlâ'ası neticesinde ittihâz olunan kararı mutazammın fî 21 Teşrîn-i evvel sene [1]334 târih ve 45 numaralı müzekkire-i dâ'iyânemiz takdîm edilmiş olduğundan işbu arzuhâl ve merbûtunun dahi mezkûr dosya ile birleştirilerek şûrâ-yı müşârun-ileyhâya irsâl buyurulması tezekkür kılındı.

Hüseyin, Vahyî, Mehmed Abdülbâki, Safvet

Yazılmıştır

IST_MFT_MSH_DFT02_01739_0001-0031

Asker ikame edilen zaviyede, tarikat faaliyeti icra edilmemesinde zaviye görevlilerinin kusuru olmadığından, ödenmeyen muhassasat ve muayyenatının verilmesi.

15 Muharrem sene [1]337 / 22 Teşrîn-i evvel sene [1]334 / - / - / - / - / Sîret / - / 26 / Fî 15 Muharrem sene [1]337 [21 Ekim 1918] / Fî 22 Teşrîn-i evvel sene [1]334

İstanbul Vilâyeti Evkâf Müdüriyyet-i Aliyyesine Zeylen Taraf-ı âlî-i Riyâset-penâhîden
Zâviyye-i mezkûre bidâyet-i harbden beri cihet-i askeriyyece işgâl olunmuş ise de bazen tahliye edilerek ifâ-yı vazîfe edildiği bi't-tahkîk anlaşılmış ve işgâl esnâsında vazîfenin adem-i ifâsı vazîfedârânın teseyyüb ve tekâsüllerinden ileri gelmediğinden ma'zeret-i meşrû'alarına nazaran bu misilli asker ikâme olunan hayrât-ı şerîfe muhassasât ve mu'ayyenâtının i'tâ olunmakta bulunduğu cihetle zâviyye-i mezkûre ta'âmiyyesinin dahi müterâkimiyle beraber tesviyesi emsâli hakkında cârî olan usûle muvâfık olacağı ma'a'l-ihtirâm beyân olunur irâde efendim hazretlerininindir.

Safvet

Yazılmıştır

Bihî

Meclis-i Meşâyih

Aded

Bidâyet-i harbden beri dört senedir zikrolunan dergâh-ı şerîf cihet-i askerîce işgâl edilmiş olduğundan tabî'î hiçbir vazîfe ifâ edilememektedir. Şu kadar ki askerden hâlî olduğu zamanlar bütün vezaif ifâ edilmektedir. Binâen-aleyh bu misilli ma'mûr ve küşâde olup sırf cihet-i askeriyyece işgâl olunmasından nâşî muvakkaten vezaifi ifâ edilemeyen hayrât-ı şerîfenin mürtezî-kası vezâifile mu'ayyenât ve muhassasâtının i'tâ edilmekte olduğu bi't-tedkîk anlaşılmış olmağla işbu rapor takdîm kılındı.

Fî 15 Teşrîn-i evvel sene [1]334

Meclis-i Meşâyih Sermüfettişi Nurullah

Kaleme minhü

IST_MFT_MSH_DFT02_01739_0001-0032

Tekke ve zaviyelerin bânisi, vakıflarının isim ve şöhretleriyle tekkelerin bulunduğu mevkileri gösteren defterin, Kuyûd-ı Vakfiye İdaresine gönderilmesi.

9 M. sene [1]337 / 16 Teşrîn-i evvel sene [1]334 / - / 60 / 36 / Sîret / - / 25 / Fî Muharrem sene [1]337 [Ekim 1918] / Fî Teşrîn-i evvel sene [1]334 Derkenâr

Tekâyâ ve zevâyâya müte'allik vakfiyelerin kuyûdunu taharrî ve tedkîk için bânî ve vâkıfların isim ve şöhretleriyle tekâyânın mahal ve mevki'lerini mübeyyin bir kıt'a defterin irsâli hakkında Evkâf-ı Hümayûn Nezâret-i celîlesinden vârid olup havâle buyurulan işbu tezkire kırâet olundu. Taleb olunan defterin tanzîmine esas olmak üzere bi'l-umûm tekâyâ ve zevâyâ meşâyih-i kirâmının berât-ı hümayûnlarına nazaran birer kıt'a cedvelin gönderilmesi merâkiz-i tekâyâya ta'mîmen tebliğ olunmuş idi. Şimdiye kadar vurûd eden cedvellere göre tanzim ve matviyyen huzûr-ı âlî-i Cenâb-ı Meşîhat-penâhilerine takdîm kılınan bir kıt'a defterin nezâret-i müşârun-ileyhâya irsâliyle mütebâkî tekâyâ için tanzim olunacak defterlerin dahi Meclis-i dâ'iyânemizden Peyderpey Kuyûd-ı Vakfiye İdaresi'ne tesyâr olunacağının cevâben iş'âr buyurulması tezekkür kılındı.

Vahyî, Mustafa, Ali, Abdülbâki, Safvet

Yazılmıştır

IST_MFT_MSH_DFT02_01739_0001-0033

Edirne'de Şeyh Dâvud Efendi Dergâhı meşihatının niyâbeten tevcihini talep eden Hasan Muhtar Efendi'nin, vâkıf evladından Şeyh Celâleddin Efendi'nin kız kardeşinin oğlu olması hasebiyle, vâkıf evladından sayılıp sayılmayacağını Fetvahaneye sorulması.

8 M. sene [1]337 / 15 Teşrîn-i evvel sene [1]334 / - / - / - / Sîret / - / 24 / Fî 12 Muharrem sene [1]337 [18 Ekim 1918] / Fî 18 Teşrîn-i evvel sene [1]334

Derkenâr

Edirne Encümen-i Meşâyihî riyâsetinden cevâben vârid olan işbu tahrîrâta melfûf vakfiye sûret-i musaddakasında Edirne'de kâin Şeyh Davud Efendi Dergâhı meşihat cihetinin vâkıfın evlâd-ı zükûruna meşrûta olduğu musarrâh olup diğer melfûfu mazbata bi'n-niyâbe edâ-yı hizmet olunmak üzere cihet-i mezkûrenin uhdesine tevcihi inhâ olunan sagîr Hasan Muhtâr evlâd-ı vâkıftan müteveffâ Şeyh Celâleddin Efendi'nin hemşiresinin oğlu olduğu tahrîrat mündericâtından anlaşılmasına nazaran sagîr-i merkûmun şer'an vâkıfın evlâd-ı zükûrundan ma'dûd olup olmayacağı'nın beyân buyurulması zımında işbu tahrîrat zikrolunan melfûfâtıyla beraber Fetvâ Emânet-i aliyesine takdîm ve tevdi' kılındı.

Hüseyin, Vahyî, Ali, Mehmed Abdülbâki, Safvet

Yazılmıştır

IST_MFT_MSH_DFT02_01739_0001-0034

Çâlâk (Çaylak) Baba Dergâhı şeyhi Muhyiddin Efendi'nin azledilerek yerine, dergâhın eski şeyhi Mehmed Nûri Efendi'nin tayin edilmesi.

8 M. sene [1]337 / 15 Teşrîn-i evvel sene [1]334 / - / - / - / Sîret / - / 23 / Fî 8 Muharrem sene [1]337 [14 Ekim 1918] / Fî 15 Teşrîn-i evvel sene [1]334

Şûrâ-yı Devlet riyâset-i celîlesinden mazrûfen i'ade edilmiş olan tezkire-i aliyyeye derkenâr

İşbu tezkire-i aliyye ve bâlâda muharrer derkenâr kırâet olundu.

Fî 16 Zilhicce sene [1]336 târihli ve elli üç numaralı tezkire-i sâmiye ile vârid olup havâle buyurulan mazbata-i mezkûre sûret-i musaddakası mündericâtına nazaran Çalak Baba Dergâhı meşihat ciheti Şeyh Muhyiddin Efendi uhdesinden ref'le şeyh-i sâbık Mehmed Nuri Efendi uhdesine ibkâen tevcihi iktizâ etmiş ve ol bâbda icâb eden mazbata-i dâ'iyânemiz takdîm ve münâsib postnişînlilik ciheti inhilâlinde nizâmına tevfiikan uhdesine tevcih olunmak üzere mûmâ-ileyh Muhyiddin Efendi'nin ismi defter-i mahsûsuna kaydedilmiş olduğundan tezkire ve melfûfunun li-eclî'l-hıfz Evrâk Müdiriyyeti'ne havâle buyurulması tezekkür kılındı.

Vahyî, Ali, Mehmed Abdülbâki, SafvetYazılmıştır

IST_MFT_MSH_DFT02_01739_0001-0035

Silivrikapı'da Bâli Ağa Dergâhı şeyhi Ömer Fahreddin Efendi'nin talebi üzerine, dergâha yerleştirilen asker ve polislerin tahliye edilmesi.

6 M. sene [1]337 / 13 Teşrîn-i evvel sene [1]334 / - / - / - / Sîret / - / 22 / Fî 7 Muharrem sene [1]337 [13 Ekim 1918] / Fî 14 Teşrîn-i evvel sene [1]334

Derkenâr

Silivrikapı civârında kâin Bâlî Ağa Dergâh-ı şerîfî postnişîni Ömer Fahreddin Efendi tarafından takdîm olup havâle buyurulan işbu arzuhâl kırâet olundu.

Mündericâtı hakkında Meclis-i dâ'iyânemiz müfettişliğince icrâ ettirilen tahkîkât netîcesinde dergâh-ı mezkûrun selamlık dâiresine Şhremîni zâbitası vâsıtası ve Konaklar Müfettişliği emriyle Havâî Sahra İnşâât Müfrezesi ve Muvakkithâne cihetine Polis Müdiriyyet-i Umûmiyyesinin emriyle o cihet polis me'mûrları iskân edilerek dergâhın dervîşân ve züvvârına ikâmet ve ta'âm edecek mahal kalmamış ve mezkûr dâireler müşrif-i harâb olduğu anlaşılmış olduğundan dergâhın daha ziyâde tahrîbine meydan verilmemek ve dergâh-ı şerîfte ibâdât ve tâ'at etmek için gelen dervîşân ve muhibbân-ı tarîkat-i aliyye vazîfelerinden mahrûm bırakılmamak üzere zâten pek az kalan asâkirin diğer münâsib bir mahalle nakli ve polis me'mûrlarının dahi mine'l-kadîm kendilerine mahsûs olan karakolhâneye tahvîli husûslarının Harbiye ve Dâhiliye nezâret-i celîlesine ve ber-vech-i istid'â ta'mîrât-ı mukteziyenin icrâsının da Evkâf-ı Hümâyûn Nezâret-i celîlesine iş'âr buyurulması tezekkür kılındı.

Hüseyin, Mustafa, Ali, Mehmed Abdülbâki, Safvet
Yazılmıştır

IST_MFT_MSH_DFT02_01739_0001-0036-A

Bâlâ Dergâhı'ndaki asker ve polislerin tahliyesi konusunun tahkiki için Sermüfettiş Nurullah Bey'in görevlendirilmesi.

Meclis-i Meşâyih

Aded

Bihî

Bâlâ Dergâh-ı şerîfinin asâkir ve polisten tahliyesi istid'âsına dâir postnişîni tarafından verilen merbût arzuhâl mündericâtının mahallinde tahkiki karâr-gîr olmuştur.

Fî 2 Teşrîn-i evvel sene [1]334
Sermüfettiş Nurullah Bey'e
Safvet

Bihî

Meclis-i Meşâyih

Aded

Silivrikapısı dâhilinde Bâlâ Dergâh-ı şerîfî selamlık dâiresinin her tarafına Havâî Sahra İnşâat Müfrezesi Konaklar Müfettişliğinin emri ve Şhremîni zâbitası vâsıtasıyla iskân ettirilmiştir. Yine dergâh-ı şerîf-i mezkûr muvakkithânesi civârındaki polis karakolunun rutûbetli olmasından nâşî me'mûrîni Polis Müdiriyyet-i Umûmiyyesinin emriyle iskân ettirilmiştir. Dergâh-ı şerîfe gelen züvvâr şâdırvân etrafında oturmakta ve orada it'âm-ı ta'âm etmektedirler. Bu sebeble gerek dergâh-ı şerîf ve gerekse muvakkithâne istid'âda beyân edildiği vechile hakikaten acınacak bir hâlde harâb ve perîşân olmuştur. Ol bâbda emr ü irâde efendim hazretlerindir.

Fî 13 Teşrîn-i evvel sene [1]334 [13 Ekim 1918]
Meclis-i Meşâyih Sermüfettişi Nurullah Meclis'e fi minhü

IST_MFT_MSH_DFT02_01739_0001-0036

Derkenarda bahsedilen zaviyeyi, Mustafa Efendi'nin aslına uygun olarak yeniden kendi parasıyla yapmayı taahhüt etmesi.

5 Muharrem sene [1]337 / 12 Teşrîn-i evvel sene [1]334 / - / - / 50 / Sîret / - / 21 / Fî 5 Muharrem sene [1]337 [11 Ekim 1918] / Fî 12 Teşrîn-i evvel sene [1]334

Derkenâr

Şûrâ-yı Evkâfın bâlâda muharrer derkenârı kırâet olundu.

Mûmâ-ileyh Mustafa Efendi zâviyye-i mezkûreyi hey'et-i kadîmesi vechile binâ ve ihyâ edeceğini ve bu sûretle iktizâ edecek masârif-ı inşâiyyeyi teberru'an li'l-vakf kendi tarafından tesviye ve ifâ eyleyeceğini bu kere Meclis-i dâ'iyânemizde ifâde ve beyân etmekle beraber zikrolunan senede dahi ol vechile şerh ve tahtîm eylemiş olmağla tevcîh-i sâmi-i Cenâb-ı Meşîhat-penâhîleri müceb-i âlîsınca mu'âmele-i mukteziyyenin icrâsı zımında işbu müzekkire ve merbûtunun mazrûfen Evkâf-ı Hümâyûn Nezâreti Vekâlet-i celîlesine i'ade ve irsâl buyurulması tezekkür kılındı.

Vahyî, Mustafa, Ali, Cevdet, Mehmed Abdülbâki, Safvet

Yazılmıştır

IST_MFT_MSH_DFT02_01739_0001-0037

Bütün tekke ve zaviyelerine ait tevcih muameleleriyle teftiş işlemlerinin Meclis-i Meşâyihe ait olduğunun, Muhâsebe-i Umûmiyye Müdüriyetine bildirilmesi.

- / - / - / - / - / - / - / 20 / Fî 2 Muharrem sene [1]337 [8 Ekim 1918] / Fî 9 Teşrîn-i evvel sene [1]334

Derkenâr

Tekâyâ ve zevâyânın teftîşi Evkâf-ı Hümâyûn Nezâret-i celîlesinin cümle-i vezâifinden olmağla icâb eden mebâliğin nezâret-i müşârun-ileyhâca tesviyesi lüzûmu fî 5 Teşrîn-i evvel sene [1]334 târihli Dîvân-ı Muhâsebât Riyâset-i aliyyesinin derkenârından anlaşılmış ise de merbûtan takdîm kılınan fî 6 Şevvâl sene [1]336 ve fî 15 Temmuz sene [1]334 târihli Meclis-i Meşâyih Nizâmnamesi'nin ikinci maddesinde "Bi'l-cümle tekâyâ ve zevâyâ Meclis-i Meşâyih'e merbûttur" kayd-ı sarîhiyle bi'l-umûm tekâyâ ve zevâyânın mu'âmelât-ı tevcîhiyye ve sâiresi gibi emr-i teftîşinin dahi Meclis-i Meşâyih'e âidiyeti hasebiyle bu husûsta lâzım gelen mu'âmelenin ifâsı zımında işbu evrâk Muhâsebe-i Umûmiyye Müdüriyyet-i aliyyesine i'ade kılındı.

Safvet

Yazılmıştır

IST_MFT_MSH_DFT02_01739_0001-0038

Evkaf Nezâretinden gelen tezkirenin Evrak İdaresinde hıfzı.

Gurre-i Muharrem sene [1]337 / 8 Teşrîn-i evvel sene [1]334 / - / - / - / Sîret / - / 19 / Fî 2 Muharrem sene [1]337 [8 Ekim 1918] / Fî 9 Teşrîn-i evvel sene [1]334

Derkenâr

Evkâf-ı Hümâyûn Nezâreti Vekâlet-i celîlesinden vârid olup havâle buyurulan işbu tezkire-i cevâbiyye kırâet olunup evrâkta hıfzı tezekkür kılındı.

Hüseyin, Vahyî, Ali, Mehmed Gülşen

Yazılmıştır

IST_MFT_MSH_DFT02_01739_0001-0039

Bahsedilen dergâh muhassasatının şeyh vekili Mustafa Efendi'ye verilmesi.

- / 7 Teşrîn-i evvel sene [1]334 / - / - / 70 / Sîret / - / 18 / - / Fî 7 Teşrîn-i evvel sene [1]334 [6 Ekim 1918] Derkenâr

Vekîl-i mûmâ-ileyh Şeyh Mustafa Efendi nâmına muhassasâtın 1 Eylül sene [1]334 târihinden i'tibâren tesviye ve i'tâsı lâzım geleceğinin beyânıyla işbu müzekkire i'âde kılındı.

Hüseyin, Vahyî, Cevdet, Mustafa, Ali

Yazılmıştır

IST_MFT_MSH_DFT02_01739_0001-0040

Meşihati vekâleten Şeyh Mehmed Atâ Efendi tarafından yürütülen Özbekler Kalenderhanesi meşihatine, asaleten Belhî Şeyh Burhaneddin Efendi'nin tayini.

26 Z. sene [1]336 / 3 Teşrîn-i evvel sene [1]334 / - / - / 48 / Sîret / - / 17 / Fî 29 Z. sene [1]336 [5 Ekim 1918] / Fî 5 Teşrîn-i evvel sene [1]334

Evkâf Nezâreti'nin Tezkiyesine Derkenâr

Havâle buyurulan işbu tezkire kırâet olundu. Zikrolunan Özbekler Kalenderhânesi meşihat ciheti Şeyh Mehmed Ata Efendi'nin vekâletiyle idâre olunmakta iken cihet-i mezkûreye asâleten tâlib olan ve bi'l-imtîhân ehliyeti tebeyyün eden tarikat-i aliyye-i Nakşîyye'den Şeyh Burhaneddin-i Belhî Efendi'ye tevcihi Meclis-i dâ'iyânemizden tanzim olunan 4 Cumâdelâhire sene [1]336 ve 16 Şubat sene [1]334 târihli ve kırk altı numaralı mazbata ile arz olunup icâbı icrâ buyurulmuş olduğu kayden anlaşılmagla cereyân-ı mu'âmelenin cevâben iş'arı menûr-ı re'y-i âlî-i Cenâb-ı Fetvâ-penâhîleridir ol bâbda.

Hüseyin, Mustafa, Cevdet, Ali, Safvet

Yazılmıştır

IST_MFT_MSH_DFT02_01739_0001-0041

Yaptırılan tahkikatın neticesinin icrası için ilgili müzekkirenin Evkaf Nezâretine gönderilmesi.

21 Z. sene [1]336 / 28 Eylül sene [1]334 / - / 39 / - / Sîret / - / 16 / Fî 23 Z. sene [1]336 [29 Eylül 1918] / Fî 29 Eylül sene [1]334

Derkenâr

Kuyûd-ı Vakfiyye İdâresi'nden gösterilen lüzûm üzerine icrâ ettirilen tahkîkât neticesi müfet-tişliğin bâlâda muharrer derkenârında beyân edilmiş olduğundan mu'âmele-i mukteziyyenin ifâsı zımnında müzekkirenin mazrûfen Evkâf-ı Hümâyûn Nezâreti Vekâlet-i celîlesine irsâl buyurulması bâbında.

Hüseyin, Vahyî, Mustafa, Cevdet, Ali, Safvet

Yazılmıştır

IST_MFT_MSH_DFT02_01739_0001-0042

Teşkil edilen Adana Encümen-i Meşâyih azalarının ve mensup oldukları tarikat ve dergâhlarının isimlerinin Adana Merkez Müftülüğünden istenmesi.

18 Z. sene [1]336 / 24 Eylül sene [1]334 / - / 82 / - / Sîret / - / 15 / Fî 19 Z. sene [1]336 [25 Eylül 1918] / Fî 25 Eylül sene [1]334

Derkenâr

Encümen-i Meşâyih teşkil olunduğuna dâir Adana Vilâyeti Merkez Müftülüğünden vârid olup havâle buyurulan işbu tahrîrât-ı cevâbiyye kırâet olundu. Taşra Encümen-i Meşâyihleri a'zâlarının Meclis-i dâ'iyânemizce kaydı usûl ittihâz edildiği vechile mezkûr encümen a'zâlarının isimleriyle mensûb oldukları tarikat-i aliyye ve postnişîni bulundukları dergâhlar nâmlarının muvazzahan inbâsı husûsunun cevâben emr ü izbâr buyurulması tezekkür kılındı.

Hüseyin, Vahyî, Mustafa, Ali, Safvet

Yazılmıştır

IST_MFT_MSH_DFT02_01739_0001-0043

İlmiye cihetlerine taşralarca seçilecek zevâtın imtihanlarına gerek olmadığı gibi hat ve yazılarındaki noksanlıklardan dolayı da imtihanlarının kabul edilmemelerinin uygun olmadığına dair Meclis-i Meşâyihin mütalaası.

18 Z. sene [1]336 / 24 Eylül sene [1]334 / - / 62 / - / Sîret / - / 14 / Fî 19 Z. sene [1]336 [25 Eylül 1918] / Fî 25 Eylül sene [1]334

Kırşehir Müftülüğü Tahrîrâtına Derkenâr

Havâle buyurulan işbu tahrîrât kırâet olundu.

Tevcîh-i Cihât Nizâm-nâmesi'nin kırk altıncı maddesi mücebiyle ahâlî tarafından intihâb edilecek zevâtın ne şifâhen ne de tahrîren imtihânları lüzûmuna dâir madde-i mezkûrenin fasl-ı nizâmîsinde bir kayıd mevcûd olmadığı ve Cerîde-i İlmiyye'nin yirmi ikinci nüshasının dört yüz altmış altıncı sahifesinde muharrer Evkâf Nezâret-i celîlesinin teblîgât-ı umûmiyyesinde dahi zevât-ı mezkûrenin lüzûm-ı imtihânlarına dâir bir mütâlâ'a mevcûd olmayıp ancak hakk-ı tensîbin sûret-i husûsiyyede isticlâ' ile keyfiyyet-i isti'mâlini mübeyyin bulunduğu cihetle tensîb olunacak zevâtın imtihânlarına nizâmen lüzûm olamayacağı ve hat ile imlâ cihât-ı ilmiyye imtihânlarında es'ile-i imtihâniyye sırasında hâiz-i kıymet olmadıklarından ilmen ehliyet ve iktidârları matlûb derecede görülenlerden mücerred hat ve imlâlarındaki kusûr ve noksanlarından dolayı imtihânlarının adem-i kabûlü lâzım gelmeyeceği Meclis-i dâ'iyânemizce mütâlâ'a olunmağla ol bâbda.

Hüseyin, Vahyî, Mustafa, Ali, Safvet

Yazılmıştır

IST_MFT_MSH_DFT02_01739_0001-0044

Nuruosmaniye'de Çâlâk (Çaylak) Baba Dergâhı eski şeyhi Mehmed Nûri Efendi'nin azledilmesinin uygun olmadığına dair, verilen kararın tafsilen beyan edilmesinin Şûrâ-yı Devlet riyâsetinden istenmesi.

4 Z. sene [1]336 / 10 Eylül sene [1]334 / - / İstid'â 400 / 32 / Sîret / - / 13 / Fî 4 Z. sene [1]336 [10 Eylül 1918] / Fî 10 Eylül sene [1]334

Nûruosmâniye civârında Çalak Baba Dergâhı şeyhi Muhyiddin Efendi tarafından takdîm olup havâle buyurulan işbu arzuhâl kırâet olundu.

Dergâh-ı mezkûr postnişînliği cihetinin üç yüz otuz dört senesi Cumâdelûlâsı'nda mûmâ-ileyh Şeyh Muhyiddin Efendi uhdesine tevcih buyurulduğuna dâir yedinde berât-ı âlî mevcûd ise de henüz dergâhı tesellüm etmediği tahkîkât-ı vâkı'adan anlaşılmış ve metn-i istid'ânâmede cihet-i mezkûrenin şeyh-i sâbık Mehmed Nuri Efendi uhdesinden ref'i muvâfık-ı nizâm olmayacağına dâir Şûrâ-yı Devlet'ten karar sâdır olduğu dermiyân edilmiş olmasına nazaran fi'l-hakîka husûs-ı mezkûr hakkında bir karar ittihâz edilmiş ise muvazzahan inbâsı husûsunun leffîyle şûrâ-yı müşârun-ileyhâ riyâset-i celîlesine iş'âr buyurulması tezekkür kılındı.

Hüseyin, Vahyî, Mustafa, Mehmed Cevdet, Mehmed Abdülbâki, Safvet
Yazılmıştır

IST_MFT_MSH_DFT02_01739_0001-0045

Arzuhalde bahsedilen Şahkulu Sultan Dergâhı vakfiye kayıtlarının, Evkaf Nezâretinden istenmesi.

3 Z. sene [1]336 / 9 Eylül sene [1]334 / - / 394 / - / Sîret / - / 12 / Fî 3 Zilhicce sene [1]336 [9 Eylül 1918] / Fî 9 Eylül sene [1]334

Derkenâr

İşbu arzuhâl kırâet olundu. Zikrolunan Şahkulu Sultân Dergâhının kuyûd-ı vakfiyesinin muvazzahan derkenârıyla i'âdesi zımnında mazrûfen Evkâf-ı Hümâyûn Nezâreti Vekâlet-i celîlesine irsâl buyurulması bâbında.

Safvet
Yazılmıştır

IST_MFT_MSH_DFT02_01739_0001-0046

Şeyh Sâmî Efendi tarafından verilen arzuhalde bahsedilen Hüsâmeddin Uşşâkî Dergâhı meşihati Şeyh Mustafa Efendi'ye tevcih edildiğinden arzuhalin Evrak Müdüriyetinde hıfzı.

29 Za. sene [1]336 / 5 Eylül sene [1]334 / - / İstid'â 197 - 199 / 40 - 44 / Sîret / - / 10 - 11 / Fî 2 Zilhicce sene [1]336 [8 Eylül 1918] / Fî 8 Eylül sene [1]334

Şeyh Sami İmzâlı ve Diğer 199 Numaralı Arzuhâllere Derkenâr

İşbu arzuhâl kırâet olundu. Bahsolunan Hüsâmeddin-i Uşşâkî Dergâh-ı şerîfi meşihat ciheti nizâmına tevfi kan fî 21 Şa'bân sene [1]336 târihinde Şeyh Mustafa Efendi uhdesine tevcih olduğu kayden müstebân olmağla işbu arzuhâl li-ecli'l-hıfz Evrak Müdüriyyet-i behiyyesine tevdi' kılındı.

Safvet
Yazılmıştır

IST_MFT_MSH_DFT02_01739_0001-0047

Tarsûsî Mehmed Efendi Dergâhı postnişini Mehmed Efendi'nin verdiği arzuhalde bahsedilen Mustafa Efendi ve ailesinin dergâhtan tahliyesi.

17 Za. sene [1]336 / F24 Ağustos sene [1]334 / - / İstid'â 378 / 19 / Sîret / - /

9 / Fî 17 Za. sene [1]336 [24 Ağustos 1918] / Fî 24 Ağustos sene [1]334

Tarsûsî Tekkesi Şeyhinin Arzuhâline Derkenâr

Tarsûsî Mehmed Efendi Dergâh-ı şerîfi postnişini Şeyh Mehmed Efendi tarafından takdîm olup havâle buyurulan işbu arzuhâl kırâet olundu.

Müsted'î şeyh-i mûmâ-ileyhin muvâfakatini istihsâl etmeksizin dergâha girip henüz ikâmet etmekte olduğu istid'ânâme mündericâtından anlaşılan Mustafa Efendi ve âilesinin emsâli vechile tahliyesi zımında işbu arzuhâlin Evkâf-ı Hümâyûn Nezâreti Vekâlet-i celîlesine mazrûfen irsâl buyurulması tezekkür kılındı.

Hüseyin, Mustafa, Vahyî, Mehmed Cevdet, Mehmed Abdülbâki, Safvet

Yazılmıştır

IST_MFT_MSH_DFT02_01739_0001-0048

Fatih yangınında yanmış olan Seyyid Baba Dergâhı arsasına, dergâhın postnişini Şeyh Hüseyin Hüsnü Efendi tarafından, ailesinin iskânı için baraka yapmasına izin verilmesi.

14 Za. sene [1]336 / 21 Ağustos sene [1]334 / - / - / - / Sîret / - / 8 / Fî 17 Za. sene [1]336 [24 Ağustos 1918] / Fî 24 Ağustos sene [1]334

Seyyid Baba Dergâh-ı şerîfi Postnişini Hüseyin Zühdü Efendi'nin Arzuhâline Derkenâr

Haseki'de kâin Seyyid Baba Dergâhı postnişini Şeyh Hüseyin Zühdü Efendi tarafından takdîm olup havâle buyurulan işbu arzuhâl kırâet olundu.

Dergâh-ı mezkûr Fâtih harîk-i kebîrinde muhterik olup müsted'î-i mûmâ-ileyhin ta'ahhüdü vechile Şehremâneti'nden her ne zaman hedmine lüzûm gösteriliyorsa masraf taleb etmeksizin terk ve hedm etmek üzere arsası üzerine baraka inşâasına müsâ'ade olunması hem âilesini hâl-i sefâletten vikâye ve hem dergâh arsasının muhâfazası nokta-i nazarından münâsib olacağı cihetle mu'amele-i mukteziyyenin ifâsı zımında işbu arzuhâlin mazrûfen Evkâf-ı Hümâyûn Nezâreti Vekâlet-i celîlesine irsâl buyurulması tezekkür kılındı.

Safvet

Yazılmıştır

IST_MFT_MSH_DFT02_01739_0001-0049

Bahsedilen dergâh meşihatine Şeyh Safvet Efendi vekâletiyle müteveffa şeyhin askerdeki oğlu İbrâhim Efendi tayin edildiğinden müzekkirenin Evrak İdaresinde hıfzı.

8 Za. sene [1]336 / 15 Ağustos sene [1]334 / - / - / - / Sîret / - / 7 / Fî 10 Zilka'de sene [1]336 [17 Ağustos 1918] / Fî 17 Ağustos sene [1]334

Derkenâr Kuyûd-ı Vakfiyye Müzekkiresine

Dergâh-ı mezkûr meşîhati hey'et-i sâbika-i dâ'iyânemiz tarafından tanzîm ve takdîm kılınan 7 Şevvâl sene [1]336 târihli ve 72 numaralı mazbatada fudalâ-yı kirâmdan Şeyh Safvet Efendi hazretleri vekâletiyle taht-ı silâhta bulunan şeyh-i müteveffânın hafidi İbrâhîm Efendi'ye tevcihi arz olunup icbâbı icrâ buyurulmuş olmağla merbût istid'ânâme sâhiblerinin mürâca'atlarında keyfiyyetin tefhîmiyle hıfzı zımında işbu müzekkire ve merbûtâtının Evrâk Müdiriyyeti'ne havâle buyurulması bâbında.

Hüseyin, Vahyî, Mehmed Abdülbâki, Mustafa, Ali
Yazılmıştır

IST_MFT_MSH_DFT02_01739_0001-0050

Fatih dersiâmlarından Şeyh Mustafa Hilmi Efendi'nin, Kasımpaşa'da Hüsâmeddin Uşşâkî Dergâhı meşîhatine tayin edilmesi.

8 Za. sene [1]336 / 15 Ağustos sene [1]334 / - / 201 - 219 - 330 / - / Sîret / - / 6 / Fî 10 Zilka'de sene [1]336 [17 Ağustos 1918] / Fî 17 Ağustos sene [1]334

Şeyh Mustafa Hilmi Efendi'nin Arzuhâline Derkenâr

Fâtihi mücîz dersi'âmlarından ve tarikat-i aliyye-i Uşşâkiyye meşâyihinden Şeyh Mustafa Hilmi Efendi tarafından takdîm olunup havâle buyurulan işbu arzuhâl diğer iki kıt'a arzuhâl ile birleştirilmiş ve Kasımpaşa'da kâin Hüsâmeddin-i Uşşâkî Dergâh-ı şerîfi meşîhat cihetinin müsted'î-i mûmâ-ileyh Mustafa Hilmi Efendi uhdesine tevcihi hakkında hey'et-i sâbika tarafından fî 21 Şa'bân sene [1]336 târihinde tanzîm olunan mazbata üzerine mu'âmele-i mukteziyye ifâ edilmiş olduğundan işbu arzuhâl ile merbûtu diğer iki kıt'a istid'ânâmenin li-ecli'l-hıfz Evrâk Müdiriyyeti'ne havâlesi bâbında.

Hüseyin, Vahyî, Mustafa, Ali, Mehmed Abdülbâki, Safvet
Yazılmıştır

IST_MFT_MSH_DFT02_01739_0001-0051

Meclis-i Meb'ûsan Dairesi yapılmak üzere istimlak edilecek olan ve Fındıklı'da Seyyid Keşfi Cafer Efendi Dergâhı'nda mezarları olan zatların, nakledilecekleri mahallerin belirlenmesinde Meclis-i Meşâyih'in görüşünün alınması.

7 Za. sene [1]336 / 14 Ağustos sene [1]334 / - / 357 / 8 / Sîret / - / 5 / Fî 7 Za. sene [1]336 [14 Ağustos 1918] / Fî 14 Ağustos sene [1]334

Keşfi Ca'fer Efendi Dergâh-ı şerîfi Hakkındaki İstid'ânâmeye Derkenâr

Fındıklı'da kâin Seyyid Keşfi Ca'fer Efendi Dergâh-ı şerîfi şeyhi Kâmil Efendi tarafından takdîm olunup havâle buyurulan işbu arzuhâl kırâet ve icbâbı müzâkere olundu.

Dergâh-ı mezkûr Meclis-i Meb'ûsân dâiresine kalb edilmek üzere istimlâk mu'âmelesi icrâ edilmiş ise derûnunda defin-i hâk-ı ıtırnâk olan ricâl-i sûfiyyenin nakledilecekleri mahallin tensibinde Meclis-i dâ'iyânemizin dahi re'y ve kararı alınmak üzere iş'âr ve istifsâr-ı keyfiyyet olunması husûsunda işbu arzuhâlin mazrûfen Evkâf-ı Hümâyûn Nezâreti Vekâlet-i celîlesine irsâl buyurulması tezekkür kılındı.

Hüseyin, Vahyî, Mustafa, Mehmed Abdülbâki, Safvet
Yazılmıştır

IST_MFT_MSH_DFT02_01739_0001-0052

Hüsâmeddin Uşşâkî Dergâhı'nda, türbedarlık ciheti olmadığıнын beyanı.

5 Za. sene [1]336 / 14 Ağustos sene [1]334 / - / 250 / 6 / 1 / 4 / Fî 7 Za. sene [1]336 [14 Ağustos 1918] / Fî 14 Ağustos sene [1]334

Hüsâmeddin-i Uşşâkî hazretleri Türbedârlığı Hakkındaki Arzuhâle Derkenâr

İşbu istid'ânâme ve Şûrâ-yı Evkâfın bâlâda muharrer derkenârı mütâlâ'a olundu. Hüsâmeddin-i Uşşâkî Dergâh-ı şerifinde ayrıca türbedarlık ciheti olmadığı mezkûr derkenârdan müstebân olmağla keyfiyyetin müsted'îye tefhîmiyle hıfzı zımında işbu arzuhâlin Evrâk İdâresi'ne havâle buyurulması tezekkür kılındı.

Hüseyin, Vahyî, Mehmed Cevdet, Mustafa, Ali, Safvet

Yazılmıştır

IST_MFT_MSH_DFT02_01739_0001-0053

Mihrişah Vâlide Sultan Türbesi hatm-i hâce cihetinin deruhte kaydıyla vakfiyesinin, Evkaf Nezâretinden istenmesi.

26 Şevvâl sene [1]336 / 3 Ağustos sene [1]334 / - / - / - / Sîret / 3 / Fî 26 Şevvâl sene [1]336 [4 Ağustos 1918] / Fî 4 Ağustos sene [1]334

Mihrişah Sultân Türbesinde Hatm-i hâce kırâet i ciheti hakkında derkenâr

İşbu arzuhâl ve merbûtu kırâet olundu. Bahsolunan Mihrişah Vâlide Sultân Türbe-i şerîfesinde hatm-i hâce cihetinin der'uhde kaydının ve vakfiyesi sûretinin ihrâcıyla i'âdesi zımında işbu arzuhâlin merbûtuyla beraber mazrûfen Evkâf-ı Hümayûn Nezâreti Vekâlet-i celîlesine irsâl buyurulması tezekkür kılındı.

Hüseyin, Mustafa, Mehmed Cevdet, Ali, Safvet

Yazılmıştır

IST_MFT_MSH_DFT02_01739_0001-0054

Bâlâ Tekkesi meşihatine asaleten tayin yapıldığından, verilen arzuhalin Evrak Müdüriyetinde hıfzı.

Fî 19 Şevvâl sene [1]336 [28 Temmuz 1918] / Fî 29 Temmuz sene [1]334 / Hüsâmeddin / İstid'â 529 / 91 / - / - / Sîret / - / - / - /

Derkenâr Bâlâ Tekkesi Meşihati Hakkında

Dergâh-ı mezkûr meşihat cihetinin asâleten mu'âmele-i tevcîhiyyesi icrâ kılınmış olduğundan işbu arzuhâlin li-eclî'l-hıfz Evrâk Müdüriyeti'ne havâle buyurulması bâbında.

Safvet

IST_MFT_MSH_DFT02_01739_0001-0055

Şam'daki Hâlidî Tekkesi meşihati hakkında verilen arzuhal üzerine, Encümen-i Meşâyih Nizamnamesi'ne göre muamele edilmesinin Şâm-ı Şerif Müftülüğüne bildirilmesi.

22 Şevvâl sene [1]336 / 30 Temmuz sene [1]334 / - / İstid'â 271 / 56 / Siret / 56 / - / Fî 23 Şevvâl sene [1]336 [1 Ağustos 1918] / Fî 1 Ağustos sene [1]334

Derkenâr Şâm-ı Şerîf'te Halidî Tekkesi Meşihati Hakkında

İşbu arzuhâl lede'l-kırâe Encümen-i Meşâyih Nizâmnâmesi ahkâmına tevfikân mu'âmele-i mukteziyye ifâ ve neticesi arz ve inbâ olunmak üzere mazrûfen Şâm-ı şerîf Müftülüğüne irsâl buyurulması tezekkür kılındı.

Vahyî, Mustafa, Ali, Safvet

Yazılmıştır

149 Numaraya Kadar Taraf-ı Riyâsetten Yazılan Müzekkire Kısmı

51 Numaraya Kadar İstid'âlar Zahrına Yazılan Derkenârlar Kısmı

IST_MFT_MSH_DFT02_01739_0001-0056

Şeyh Ahmed Selâhaddin Efendi'nin, Bahariye Mevlevîhanesi şeyh vekâletine iadeten tayini.

Fî28 Ra. sene [1]337 / 1 Kânûn-ı sâni sene [1]335 / - / - / - / - / - / 149 / 28 Ra. Sene-i minhü [1 Ocak 1919] / Fî 1 Kânûn-ı sâni sene [1]335

Bihî

Reşâdetlü Şeyh Ahmed Salahaddin Efendi hazretlerine

Bahariye Mevlevîhânesi şeyh vekâletinin i'âdeden uhde-i fazîlet ve kifâyetlerine tevdi' ve ihâlesine bi'l-istîzân müsâ'ade-i aliyye-i hazret-i Meşihat-penâhî şâyân buyurulmuş ve beyândan müstağnî olduğu üzere de'b-i dirîn-i sa'âdet-karîn-i sûfiyyeden olan âyîn-i şerâfet-bihîn-i turuk-ı aliyye-nin müstemirren icrâsıyla tatarruk-ı sekte ve halelden muhâfazası ve birer menba'-ı feyz ü irfân olan tekâyâ-yı şerîfenin istikmâli esbâb-ı intizâmıyla insidâd ve harâbiyetten vikâyesi cümlemizce vecîbeden olarak bu dakîkanın nazar-ı ihtimâm-ı ârifânelerinden dûr tutulmayacağı da kemâlât-ı müslimelerinden me'mûl ve muntazır bulunmuş olduğunun ma'a't-tebrîk beyânına müsâberet kılındı efendim hazretleri.

Tebyîz

Yazılmıştır

IST_MFT_MSH_DFT02_01739_0001-0057

Aksaray Sofular Mahallesi'nde Alaaddin-i Velî Dergâhı'nın minare şerefesinin taşlarıyla cami ve kabristan duvarının tamirinin Evkaf Nezâretine bildirilmesi.

26 Ra. sene [1]337 / 30 Kânûn-ı evvel sene [1]334 / - / - / - / Siret / 148 / Fî 26 Ra. sene [1]337 [30 Aralık 1918] / Fî 30 Kânûn-ı evvel sene [1]334

Müzekkire

Aksaray civârında Sofular Mahallesi'nde kâin Alaaddin-i Velî Dergâh-ı şerîfinin minâre şerefesinin taşlarıyla câmi'-i şerîf ve kabristan duvarında tehlikeli bir hâlde muhtâc-ı ta'mîr bulunan

mahallerin bir kazâ vukû'una meydan verilmeksizin îcâbına bakılması hakkında Beşinci Merkez-i Tekâyâ Postnişinliğinden tanzim olunup mahalle-i mezkûre hey'et-i ihtiyâriyyesinden musaddak merbût rapora nazaran serî'an lâzım gelen mu'âmelenin icrâsı zımında müzekkirenin mazrûfen Evkâf-ı Hümâyûn Nezâret-i celîlesine irsâl buyurulması bâbında.

Hüseyin, Vahyî, Mustafa, Ali, Mehmed Abdülbâki, Mehmed Gülşen
Yazılmıştır

IST_MFT_MSH_DFT02_01739_0001-0058

Bolvadin kazasındaki Şeyh Abdülkâdir Geylânî-i Sâni Dergâhı postnişini Şeyh Abdülkâdir Efendi'den sonra yerine tayin edilen Şeyh İzzet Efendizâde Şeyh Mehmed Efendi'nin ehliyeti ve dergâhta daha öncesinde kimlerin postnişin olarak görev yaptığı, hangi tarikat âyininin yapıldığı ve vakfiyesindeki tevcih şartları gibi hususların Afyonkarahisar Encümen-i Meşâyih riyâsetinden sorulması.

22 Ra. sene [1]337 / 26 Kânûn-ı evvel sene [1]334 / - / - / 125 / - / Sîret / 147 / Fî 26 Ra. Sene-i minhü [30 Aralık 1918] / 30 Kânûn-ı evvel sene-i minhü

Makâm-ı âlî-i Riyâsetten Tahrîrât

Karahisâr-ı sâhib Sancağı Encümen-i Meşâyih Riyâset-i aliyyesine

Bolvadin kazasında kâin Şeyh Abdülkâdir Geylânî-i Sâni hazretleri dergâh-ı şerîfi postnişinlik cihetinin müteveffâ Şeyh Abdülkâdir Efendi mahlûlünden Şeyh İzzet Efendizâde Şeyh Mehmed Efendi uhdesine tevcihine dâir Evkâf-ı Hümâyûn Nezâret-i celîlesinden vârid olup Meclis-i Meşâyih'e havâle buyurulan Karahisâr-ı sâhib Hey'et-i İlmiyyesinin 21 Mayıs sene [1]334 târihli mazbatasıyla merbûtatı üzerine Kuyûd-ı Vakfiyye İdâresi'nin muharrer derkenârda dergâh-ı mezkûr zâviyedârlığı bin yüz elli üç târihinde Veliyüddin Efendi'ye tevcih olunduğu muharrer olmasına nazaran mûmâ-ileyhin vefâtı muhtemel iken mazbatada Şeyh Abdülkâdir Efendi'nin mahlûlünden gösterilmesi esbâbının ve dergâhın vakfiyesi ve evlâda meşrûtiyeti hakkında bir kayıd mevcûd olup olmadığının ve Şeyh Abdülkâdir Efendi'den sonra vazife-i meşihat kimler tarafından îfâ ve hangi tarikat usûlüyle îfâ edildiğinin ve Şeyh Mehmed Efendi'nin ne sûretle ehliyeti sâbit olduğunun isti'lâmına lüzûm görülmekle bu bâbda Encümen-i Meşâyihce tahkîkât-ı amîka icrâsıyla kuyûd-ı resmiyyeye istinâden tebeyyün ettirilecek netâyic-i sahîhanın bâ-mazbata inbâ ve leffen irsâl kılınan evrâk-ı mezkûrenin iâde ve isrâ buyurulması siyâkında nemîka-i senâverî terkîm kılındı efendim.

Hüseyin, Vahyî, Mustafa, Ali

Tebyîz

Yazılmıştır

IST_MFT_MSH_DFT02_01739_0001-0059

Elmalı Kazası Encümen-i Meşâyih riyâseti tahriratında yazılı dergâhların deruhte ve meşrutiyetlerine dair kayıtların Evkaf Nezâretinden istenmesi.

22 Ra. sene [1]337 / 26 Kânûn-ı evvel sene [1]334 / - / - / - / - / Sîret / 146 / Fî 26 Ra. sene [1]337 [30 Aralık 1918] / Fî 30 Kânûn-ı evvel sene [1]334

(Merbût varakanın bir sûreti alınacaktır)

Müzekkire

Elmalı Kazâsı Encümen-i Meşâyihi riyâsetinden vârid olup merbûtan takdîm kılınan varakada muharrer dergâhların der'uhde kayıdlarıyla meşrûtiyetlerine dâir sarâhat-i vakfiyye olup olmadığının ve mevkûfâtı neden ibâret ve zâviyedârlıkları tevliyeti tazammun eden zâviyedârlardan mı yani hizmeti it'âm-ı ta'âmdan ibâret mi ve yâhûd meşîhati mutazammın olanlardan mı bulunduğunun bâ-derkenâr inbâsı zımnında işbu müzekkirenin mazrûfen Evkâf-ı Hümâyûn Nezâret-i celîlesine irsâl buyurulması bâbında.

Vahyî, Mustafa, Ali, Mehmed Gülşen

Yazılmıştır

IST_MFT_MSH_DFT02_01739_0001-0060

Tekkelerin vazife ve taâmiye miktarlarının bir cetvelde tanzim edilerek Meclis-i Meşâyihe gönderilmesine dair İstanbul, Beyoğlu ve Üsküdar Evkaf müdürlüklerine yapılan tebligat.

Fî 25 Ra. sene [1]337 / Fî 29 Kânûn-ı evvel sene [1]334 / - / - / - / - / 143 - 144 - 145 / Fî 26 Ra. sene [1]337 [30 Aralık 1918] / Fî 30 Kânûn-ı evvel sene [1]334

İstanbul Evkâf Müdiriyyet-i aliyyesine

Beyoğlu, Üsküdar Evkâf Müdiriyyet-i behiyyelerine müzekkire

Tekâyâ-yı şerîfe meşâyihine vazîfe ve ta'âmiyyeleri makâdirine nazaran erzâk i'tâsı İ'âşe Nezâretince kararlaştırılmış olduğundan vazîfe ve ta'âmiyyeleri İstanbul Evkâf İdâresi'nden tesviye olunmakta olan tekâyânın melfûf numûne vech ile vazîfe ve ta'âmiyyeleri makâdirini mübeyyin bir cedvelin tanzîm ve irsâline himem-i ber-güzîde-i kerîmâneleri derkâr buyurulmak bâbında emr ü irâde efendim hazretlerindir.

Tebyîz

Yazılmıştır

IST_MFT_MSH_DFT02_01739_0001-0061

Senûsi şeyhlerinden Muhammed ez-Zevî Efendi'ye Bursa'da münhal tahsisatı olan bir dergâhın tevcihi.

Fî 26 Rebî'ülevvel sene [[1]337] / - / - / - / - / - / 142 / Fî 26 Rebî'ülevvel sene [1]337 [30 Aralık 1918] / Fî 30 Kânûn-ı evvel sene [1]334

Tahrîrât

Sâdât-ı Senûsiyye'nin makâm-ı Hilâfet-i uzmâya olan revâbıt-ı kadîmesi cihetiyle meşâyih-i Senûsiyye'den Şeyh Muhammed ez-Zevî Efendi'nin ikdârı matlûb ve mültezem olmasına binâen Bursaca tahsîsâtı kâfiyeli bir dergâhın inhilâlinde efendi-i mûmâ-ileyhe tevcih edilmek üzere ale'l-usûl inhâ ve iş'ârına himem-i ber-güzîde-i fâzîlâneleri derkâr buyurulmak bâbında.

Tebyîz

Yazılmıştır

IST_MFT_MSH_DFT02_01739_0001-0062

Belirtilen günde Meclis-i Meşâyihe gelinmesi için bir şeyhe yapılan tebligat.

- / - / - / - / - / - / - / 141 / Fî 24 Ra. sene [1]337 [28 Aralık 1918] / Fî 28 Kânûn-ı evvel sene [1]334

Müzekkire

Bazı husûsa dâir müzâkerede bulunulmak üzere şehr-i hâlin birinci Çarşamba günü vasatî sâ'at on ikide behemehâl Meclis-i Meşâyihe'ye gelmeleri ihtâr olunur.

Mehmed Gülşen

Yazılmıştır

IST_MFT_MSH_DFT02_01739_0001-0063

Bursa Timurtaş'ta Deveciler Mezarlığı karşısındaki Kaygulu Dergâhı şeyh vekâletine Seyyid İsmâil Efendi tayin edildiğinden dergâhın tahsisatının kendisine verilmesi.

Fî 24 Ra. sene [1]337 / Fî 28 Kânûn-ı evvel sene [1]334 / Hüsâmeddin / - / - / - / Sîret / [Mühür] Eş-Şeyh es-Seyyid İsmâil el-Kâdirî / 140 / Fî 24 Ra. sene [1]337 [28 Aralık 1918] / Fî 28 Kânûn-ı evvel sene [1]334

Müzekkire

Bursa'da Timurtaş'ta Deveciler Mezarlığı karşısında kâin Kaygulu Dergâhı şeyh vekâletine ta'yîn edildiğinden ba'demâ dergâh-ı mezkûr muhassasâtının vekîl-i mûmâ-ileyhin bâlâyâ matbû' mührünün tatbikiyle i'tâsı zımnında işbu müzekkire Evkâf-ı Hümâyûn Nezâreti Nukûd-ı Mevkûfe Müdiriyyet-i aliyyesine takdîm kılındı.

Mehmed Gülşen

Yazılmıştır

IST_MFT_MSH_DFT02_01739_0001-0064

Sivas Encümen-i Meşâyihi'nin bir an önce teşkil edilmesi ve boşalan Sivas Mevlevîhanesi postnişinliğine müteveffa şeyhin oğlunun imtihanının yapılarak nizamı dairesinde tayini.

21 Ra. sene [1]337 / 24 Kânûn-ı evvel sene [1]334 / - / - / - / - / Sîret / 139 / Fî 22 Ra. sene [1]337 [26 Aralık 1918] / Fî 25 Kânûn-ı evvel sene [1]334

Sivas Vilâyeti Merkez Müftülüğü Cânib-i vâlâsına

Meclis-i Meşâyihi Nizâmnâmesi'yle ta'lîmât-nâme ahkâmına tevfiikan teşkîli ta'mîm-i Meşihat-penâhî iktizâ-yı âlîsinden bulunan Encümen-i Meşâyihi'nin teşekkül ettiğine dâir henüz bir iş'âr vukû' bulmadığından ahvâl-i hâzıra dolayısıyla şimdiye kadar tehhur etmiş ise daha ziyâde te'hîr edilmeyerek hemen a'zânın intihâbıyla vazîfeye mübâşeret buyurulması ve inhilâl eden Sivas Mevlevîhanesi postnişinliği için dahi sâir tekâyâ misilli nizâmnâme ahkâmına tevfiikan şeyh-i müteveffânın oğlunun bi'l-imtihan ehliyeti tebeyyün ettiği hâlde postnişinliğe ta'yîni aksi takdîrde müsâbaka i'lânıyla münâsibinin ta'yîn ve neticesinin bâ-mazbata iş'arı husûslarına himem-i aliyye-i fâzılâneleri masrûf buyurulması ehemmiyetle muntazırdır efendim.

Tebyîz

Yazılmıştır

IST_MFT_MSH_DFT02_01739_0001-0065

Sünbül Sinan Asitanesi şeyhi Râzî Efendi'nin askerde olması sebebiyle yerine vekil tayin edilen Şeyh Vahyî Efendi'ye, dergâh tahsisatının yarısını şeyhin ailesine; diğer yarısını da dergâhtaki dervişlere sarf etmesinin tebliği.

- / 17 Ra. sene [1]337 / 21 Kânûn-ı evvel sene [1]334 / - / - / - / - / Sîret / 138 / Fî 17 Ra. sene [1]337 [21 Aralık 1918] / Fî 21 Kânûn-ı evvel sene [1]334

Müzekkire

Hazret-i Sünbül Sinan Âsitâne-i aliyyesi Postnişin Vekili Reşâdetlü Şeyh Vahyî Efendi hazretlerine Hânkâh-ı şerîf postnişini Râzî Efendi'nin askerde bulunması hasebiyle dergâh-ı şerîfin usûl ve erkânının icrâsı ve umûr-ı husûsâtının tesviyesi zımında postnişin vekâleti 19 Şevvâl sene [1]337 târihinden i'tibâren uhde-i reşâdetlerine tefvîz olunduğundan ol vechile ifâ-yı vazîfeye himmet ve mu'ayyenât ve muhassasâtının nısfını şeyh-i mûmâ-ileyh âilesine i'tâ ve nısf-ı diğerini sekene-i dergâha sarf buyurmaları siyâkında müzekkire takdîm kılındı.

Ali, Hüseyin, Mehmed Abdülbâki, Mustafa, Safvet

Yazılmıştır

IST_MFT_MSH_DFT02_01739_0001-0066

Kocamustafapaşa'da Sünbül Sinan Hankahı'na verilmekte olan muhassasat ve muayyenatın şeyh vekili Vahyî Efendi'nin mührüyle verilmesi.

- / 18 Kânûn-ı evvel sene [1]334 / Hüsâm / - / - / - / - / 136 - 137 / - / Fî 21 Kânûn-ı evvel sene [1]334 [21 Aralık 1918]

Evkâf-ı Hümayûn'a ve Hazîne-i Hâssa-i şâhâneye

Kocamustafapaşa'da Hazret-i Sünbül Sinan Hânkâh-ı şerîfine i'tâ edilmekte olan mu'ayyenât ve muhassasâtın ba'demâ hânkâh-ı mezkûr şeyh vekili Vahyî Efendi'nin bâlâya matbû' mührünün tatbikiyle i'tâsı zımında işbu müzekkire Hazîne-i Hâssa-i Şâhâne Müdiriyyet-i Umûmiyyesi Cânib-i vâlâsına [ve] Evkâf-ı Hümayûn Nezâret-i celîlesine takdîm kılındı.

Tebyîzi fî 18 Kânûn-ı evvel sene [1]334

Yazılmıştır

IST_MFT_MSH_DFT02_01739_0001-0067

Edirne'de Şeyh Dâvud Efendi Dergâhı'nın vakfiye suretiyle, Fetvahane kararı ve mazbatasının Edirne Encümen-i Meşâyih riyâsetine iadesi.

11 Ra. sene [1]337 / 15 Kânûn-ı evvel sene [1]334 / - / - / - / - / Sîret / 135 / Fî 12 Ra. sene [1]337 [16 Aralık 1918] / Fî 16 Kânûn-ı evvel sene [1]334

Taraf-ı âlî-i Riyâset-penâhîden cevâben

Edirne Vilâyeti Encümen-i Meşâyih Riyâset-i aliyyesine

9 Kânûn-ı evvel sene [1]334 târihli ve altı numaralı tahrîrât-ı aliyyeleri cevâbıdır.

Şeyh Davud Efendi Dergâhının vakfiyesi sûreti li-eclî't-tescîl hıfz olunmuş Fetvâhâne-i Âlî kararını muhtevî tahrîrât ile ol bâbdaki encümen mazbatası leffen i'âde ve tesyâr kılınmıştır iş'âr-ı sâbık vechile mu'âmele-i mukteziyyenin îfâ ve neticesinin inbâ buyurulması zımnında nemîka-i senâverî terkîm olundu efendim.

Safvet
Yazılmıştır

IST_MFT_MSH_DFT02_01739_0001-0068

Isparta Encümen-i Meşâyihi namına imal ettirilen resmî mührün gönderilmesi.

11 Ra. sene [1]337 / 15 Kânûn-ı evvel sene [1]334 / - / - / - / - / Sîret / 134 / Fî 12 Ra. sene [1]337 [16 Aralık 1918] / Fî 16 Kânûn-ı evvel sene [1]334

Müzekkire Riyâset-i aliyyeden

Isparta Encümen-i Meşâyihine muhassas hakkettirilen mühr-i resmî mahalline irsâl buyurulmak üzere tevdi' kılındığına dâir işbu müzekkire Evrâk Müdiriyyet-i behiyyesine i'tâ olundu.

Safvet
Yazılmıştır

IST_MFT_MSH_DFT02_01739_0001-0069

Eyüp'te Kâşgarî Abdullah Efendi Dergâhı tayinat ve muhassasatının, şeyh vekili Sadeddin Efendi'nin mührüyle verilmesi.

[Mühür] Sadeddin / 132 / - / Fî 16 Kânûn-ı evvel sene [1]334 [16 Aralık 1918] Müzekkire Eyübsultân civârında kâin Kaşgarî Abdullah Efendi'nin Nakşibendî zâviyesine nezâret-i celîlelerinden muhassas nân-ı azîzin ba'demâ dergâh-ı mezkûr şeyh vekili Sadeddin Efendi'nin bâlâya matbû' mührünün tatbikiyle i'tâsı zımnında işbu müzekkire Bahriye Nezâret-i celîlesine takdîm kılındı.

Tebyîz fî 16 Kânûn-ı evvel sene [1]334 Evkâf-ı Hümâyûn Nezâret-i celîlesinde Pertevniyal Vâlîde Sultân Vakıf İdâresi'ne

133

Eyübsultân'da kâin Kaşgarî Abdullah Efendi Dergâhına muhassas olan şehri elli guruh revgan-ı zeyt beledinin ba'demâ Şeyh vekili Sadeddin Efendi'nin bâlâya matbû' mührünün tatbikiyle i'tâsı zımnında işbu müzekkire takdîm kılındı.

Tebyîz fî " " [Kânûn-ı evvel] sene-i minhü
Yazılmıştır

IST_MFT_MSH_DFT02_01739_0001-0070

Asker ikamet ettirilen ve harap-yanmış tekkelerin listesinin meşihat makamına arzı.

Çayır Tekkesi şeyhinin tercüme-i hal varakasının Beykoz'daki merkez tekke olan Raûfî Dergâhı postnişinliğince mühürlenmek üzere iade edilmesi.

8 Ra. sene [1]337 / 12 Kânûn-ı evvel sene [1]334 / - / - / - / - / Sîret / 130 / Fî 11 Ra. sene [1]337 [15 Aralık 1918] / Fî 15 Kânûn-ı evvel sene [1]334

Müzekkire Taraf-ı Âlî-i Riyâset-penâhîden

27 Teşrîn-i sâni sene [1]334 târihli müzekkireleri cevâbdır.

Mukaddemâ taleb olunan üç kıt'a cedvelin biri asker ikâme olunmasından ve diğeri mürûr-ı zamânla harâb olan ve üçüncüsü muhterik tekâyâ ve zevâyâya mahsûs olması matlûb bulunduğundan ol vechile tanzîm ve irsâl buyurulmak üzere mürsel cedvellerin i'ade kılındığı beyân olunur efendim.

Safvet131

Beykoz'da Rauî Dergâh-ı şerîfi Postnişînliğine

7 Kânûn-ı evvel sene [1]334 târihli müzekkirelerine cevâbdır.

Mürsel terâcim-i ahvâl varakalarından Çayır Tekkesi şeyhi efendinin tercüme-i hâli taraf-ı âlîlerinden merkez mührüyle bi't-tasdîk i'ade olunmak üzere leffen tesyâr kılındı efendim.

Safvet

Yazılmıştır

IST_MFT_MSH_DFT02_01739_0001-0071

Meclis-i Meşâyih talimatnamesinin "yedinci maddesinde: Ale'l-usûl me'zûniyet almayarak vazifesini ifâ etmeyenler ve beşinci maddeye muhâlif hareket edenler hakkında yapılacak mu'âmeleye dair" olan kısımdaki "tazir" in ihtar şeklinde değiştirilmesi.

7 Ra. sene [1]337 / 11 Kânûn-ı evvel sene [1]334 / - / - / - / - / Sîret / 129 / Fî 11 Ra. sene [1]337 [15 Aralık 1918] / Fî 15 Kânûn-ı evvel sene [1]334

Müzekkire

Meclis-i Meşâyih Nizâmnâmesi'nin on üçüncü maddesi mücebiyle tanzîm olup makâm-ı fehâmet-itittisâm-ı Cenâb-ı Meşîhat-penâhîlerinden tasdîk-i âliye iktirân eden 2 Eylül sene [1]334 târihli ve sûreti merbût ta'limât-nâmenin yedinci maddesinde: Ale'l-usûl me'zûniyet almayarak vazifesini ifâ etmeyenlerin ve beşinci maddeye muhâlif hareket edenler hakkında yapılacak mu'âmeleye dâir birinci defada: İhtâr, ikinci defada: Ta'zîr, üçüncü defada: Şahsına âid vazîfe-i şehriyyesinin senevî ise bir aya isâbet eden cüz'ünün nısfına kadar olan mikdârını kat', dördüncü defada: Vazîfe-i mezkûrenin nısfından tamamına kadar olan mikdârını kat' ve beşinci defasında: Ref'-i cihet keyfiyyeti vaz' olunmuş ise de müstağnî-i arz ve îzâh olduğu vec-hile (ta'zîr)'in ma'nâ-yı umûmî ve istilâh-ı fikhîsine nazaran derece-i şümûlü i'tibâriyle tatbîkâtta sù'-i tefehhüme sebep verebileceği mülâhazasıyla mezkûr kelimenin ta'limât-nâmeden tayy ve:

Birinci defada : Tenbîh

İkinci defada : İhtâr

Üçüncü defada : Sâlifü'l-arz kat'-ı ma'âş

Dördüncü defada : Sâlifü'l-arz kat'-ı ma'âş

Beşinci defada : Ref'-i cihet

Sûretiyle kabûlü tezekkür kılınmış olduğundan ol vechile tashîhi husûsu re'y-i rezîn-i isâbet-karîn-i Cenâb-ı Meşihat-penâhîlerine menût olmağın ol bâbda.

Vahyî, Mustafa, Ali, Safvet

Yazılmıştır

IST_MFT_MSH_DFT02_01739_0001-0072

Meclis-i Meşâyih Nizamnamesi ve Talimatnamesi'nin tatbiki hususundaki görüşlerinin takdir edildiğinin, Sivrihisar Encümen-i Meşâyihi riyâsetine bildirilmesi.

8 Ra. sene [1]337 / 12 Kânûn-ı evvel sene [1]334 / - / - / - / - / Sîret / 128 / Fî 10 Ra. sene [1]337 [14 Aralık 1918] / Fî 14 Kânûn-ı evvel sene [1]334

Sivrihisar Kazâsı Encümen-i Meşâyihi Riyâset-i behiyyesine

Taraf-ı âli-i riyâset-penâhîden

1 Kânûn-ı evvel sene [1]334 târihli ve bir numaralı vârid olan encümen mazbatası mütâla'a olundu.

Nizâm-nâme ve ta'lîmât-nâme ahkâmının ehemmiyetini takdîr ve tatbîkâtı hakkında serdedilen mütâla'a pek musîb olup bu cihet Meclisce dahi evvelce nazar-ı dikkate alınmış ise de bütçeye ta'alluku hasebiyle hâlen mevki'-i fi'le konulması mümkün olmayıp âtiyen husûlüne bezl-i gayret edilmekte bulunduğundan nizâm-nâmeye tevfiân şimdilik fahrî olarak temşiyet-i umûra himmet buyurmaları hamîyyet-i İslâmiyyelerinden muntazır olduğu beyânıyla nemîka-i muhlisî terkîm olundu efendim.

Safvet

Yazılmıştır

IST_MFT_MSH_DFT02_01739_0001-0073

Arslanhan yakınındaki Abdurrahman Şâmî Türbesi'nin meşihati hakkındaki kayıtların ve verilmişse ilam suretinin Evkaf Mahkemesinden istenmesi.

8 Ra. sene [1]337 / 12 Kânûn-ı evvel sene [1]334 / - / - / 27 / - / Sîret / 127 / Fî 10 Ra. sene [1]337 [14 Aralık 1918] / Fî 14 Kânûn-ı evvel sene [1]334

Müzekkire Taraf-ı Riyâset-penâhîden

Merbût mu'âmeleli istid'ânâme ve müzekkirenin mütâla'asından müstebân olacağı vechile Arslanhan kurbünde kâin Abdurrahman-ı Şâmî hazretleri türbe-i şerîfesinde meşihat cihetine dâir mukaddemâ Mahkeme-i Evkâf-ı Hümayûnda cereyân ettiği haber verilen mu'âmelât hakkındaki ma'lûmât-ı kuyûdiyyenin ve i'lâm sâdır olmuş ise sûret-i musaddakasının irsâl buyurulması zımnında işbu müzekkirenin mazrûfen mahkeme-i müşârun-ileyhâ kâdılığı cânib-i vâlâsına irsâl buyurulması bâbında.

Safvet

Yazılmıştır

IST_MFT_MSH_DFT02_01739_0001-0074

Isparta Encümen-i Meşâyihi namına imal ettirilen resmî mührün gönderildiği, talep edilen kırtasiye malzemelerinin ise sonradan gönderileceğinin beyanı.

8 Ra. sene [1]337 / 12 Kânûn-ı evvel sene [1]334 / - / - / - / Sîret / 126 / Fî 10 Ra. sene [1]337 [14 Aralık 1918] / Fî 14 Kânûn-ı evvel sene [1]334

[Mühür] Isparta Sancağı Encümen-i Meşâyihi

Isparta Sancağı Encümen-i Meşâyihi Riyâset-i aliyyesine Taraf-ı âli-i riyâset-penâhiden

1 Teşrîn-i sâni sene [1]334 târihli ve doksan üç numaralı tahrîrât-ı aliyyeleri cevâbıdır.

Encümen-i Meşâyihi'e lüzûm olan kırtâsiyenin sûret-i tesviyesi bütçenin tanziminde teemmül olunacağından âcilen icâb eden mühr-i resmî hakkettirilerek postaya tevdi'an savb-ı âlilerine irsâl kılındığı beyânıyla nemîka-i senâverî terkîm olundu efendim.

Safvet

Yazılmıştır

IST_MFT_MSH_DFT02_01739_0001-0075

Karahisarısâhib'deki (Afyonkarahisar) İrfaniye Dergâhı meşihat ve müderrislik vazifesine Hacı Hamzazâde Şeyh Ali Rıza Efendi'nin tayini.

7 Ra. sene [1]337 / 11 Kânûn-ı evvel sene [1]334 / - / - / - / Sîret / 125 / Fî 10 Ra. sene [1]337 [14 Aralık 1918] / Fî 14 Kânûn-ı evvel sene [1]334

Karahisar Encümeni Mazbatasına Zeylen Karar

Karahisâr-ı sâhib Sancağı Encümen-i Meşâyihi Riyâsetinin 23 Teşrîn-i sâni sene [1]334 târih ve 8 numaralı tahrîrâtıyla vârid olan işbu mazbata ve melfûfu vakfiye sûreti ve hey'et-i ihtiyâriyye şehâdetnânesi kırâet ve tedkik olundu.

Livâ-i mezkûr merkezinde kâin tarikat-i aliyye-i Nakşibendiyye'den İrfaniye demekle ma'rûf Dergâh-ı şerîfin münhal olan meşihat ve vakfiye sûretine nazaran meşihata meşrûta müderrislik cihetlerinin bi'l-imtihân ehliyeti sâbit olan tarikat-i mezkûre hulefâsından Hacı Hamzazâde Şeyh Ali Rıza Efendi uhdesine tevcih mu'amelesi nizâmnâme ve ta'limâtnâme ahkâmına muvâfık görüldüğünden Kuyûd-ı Vakfiyye İdâresince mukayyed değil ise merbût ve musaddak vakfiye sûretinin müceddeden kaydıyla lâzım gelen mu'âmelenin icrâ ve berât-ı âlisinin bi't-tastîr mahalline isrâ olunması zımında işbu mazbata ve melfûfâtının mazrûfen Evkâf-ı Hümayûn Nezâret-i celîlesine irsâl buyurulması tezekkür kılındı ol bâbda.

Hüseyin, Vahyî, Mustafa, Ali, Mehmed Abdülbâki, Safvet

Yazılmıştır

IST_MFT_MSH_DFT02_01739_0001-0076

Kâşgarî Dergâhı hitabet beratının vefat eden şeyhin ailesinde mevcut ise, şeyh vekili Sadeddin Efendi'den istenmesi.

8 Ra. sene [1]337 / 12 Kânûn-ı evvel sene [1]334 / - / - / - / Sîret / 124 / Fî 8 Ra. sene [1]337 [12 Aralık 1918] / Fî 12 Kânûn-ı evvel sene [1]334

Müzekkire

Eyüpsultân'da Vezîr Dergâh-ı şerîfi Postnişînliğine

Kaşgarî Dergâh-ı şerîfi hitâbet berâtı şeyh-i müteveffânın âilesi nezdinde mevcûd ise alıp serî'an Meclis'e getirmesi husûsunun şeyh vekîli Sadeddin Efendi'ye tebliğ buyurulması zımında müzekkire terkîm olundu.

Safvet

Yazılmıştır

IST_MFT_MSH_DFT02_01739_0001-0077

Karagümrük'te Nüreddin Cerrâhî Hânkahı meşihatının yarım hissesi mutasarrıfı Şeyh Ali Rızaeddin ve diğer yarım hissesi Şeyh Nimetullah Efendi mahlulünden Şeyh Fahreddin Efendi'ye tevcihine ait olan beratın Evkaf Nezâretinden istenmesi.

7 Ra. sene [1]337 / 11 Kânûn-ı evvel sene [1]334 / Sîret - / - / - / Hülâsa: Müzekkire Taraf-ı Âlî-i Riyâset-penâhîden / / 123 / Fî 7 Ra. sene [1]337 [11 Aralık 1918] / Fî 11 Kânûn-ı evvel sene [1]334

Karagümrük'te kâin Nureddin-i Cerrâhî -kuddise sırruhu'l-âlî- Hânkâh-ı şerîfi meşihat cihetinin nısfı pederi müteveffâ Şeyh Ali Rızaeddin ve nısf-ı diğer Şeyh Nimetullah Efendi mahlulünden tevhiiden Şeyh Fahreddin Efendi uhdesine tevcihine dâir olan üç yüz üç târihli ve 18899 ve esâs 24/2105 numaralı berât-ı âlî evrâk-ı esâsiyyesinin alâkadârânın mürâca'atı üzerine Meclisce mütâlâ'asına lüzûm görüldüğünden yine i'ade olunmak üzere evrâk-ı mezkûrenin irsâli zımında müzekkirenin mazrûfen Evkâf-ı Hümâyûn Nezâret-i celîlesine irsâl buyurulması bâbında.

Safvet

Yazılmıştır

IST_MFT_MSH_DFT02_01739_0001-0078

Gönderilen iki adet tercüme-i hal varakasının doğruluğunun İzmit Encümen-i Meşâyihince tasdiki.

6 Ra. sene [1]337 / 10 Kânûn-ı evvel sene [1]334 / Sîret /Hülâsa: Taraf-ı âlî-i Riyâset-penâhîden Cevâb / /Fî 7 Ra. sene [1]337 [12 Aralık 1918] / Fî 11 Kânûn-ı evvel sene [1]334 / - / - / - / - / - / Numara 122

İzmit Encümen-i Meşâyih Riyâset-i aliyyesine

4 Kânûn-ı evvel sene [1]334 târihli ve 92 numaralı tahrîrât-ı aliyyeleriyle irsâl buyurulan iki kıt'a tercüme-i hâl varakasının mündericâtı muvâfık-ı hakikat olup olmadığı Encümen-i Meşâyihce şerh ve tahtîm olunarak i'ade olunmak üzere leffen tesyâr kılındığının beyânıyla cevâbnâme-i senâverî terkîm olundu efendim.

Safvet

Yazılmıştır

IST_MFT_MSH_DFT02_01739_0001-0079

Yenişehir'de teşekkül eden Encümen-i Meşâyih azalarının görevlerine hemen başlamaları gerektiğinin tefhimi.

4 Ra. sene [1]337 / 8 Kânûn-ı evvel sene [1]334 / - / - / Sîret / 179 / 121 / - / - / Hülâsa:Yenişehir'de Encümen-i Meşâyih teşekkül ettiğine dâir gelen tahrîrâta cevâben taraf-ı âlî-i Riyâset-penâhiden / Fî 7 Ra. sene [1]337 [12 Aralık 1918] / Fî 11 Kânûn-ı evvel sene [1]334

Numara 121

Yenişehir Kazâsı Encümen-i Meşâyih Riyâset-i behiyyesine

Yenişehir'de Encümen-i Meşâyih teşkili için nizâm-nâme ve ta'limât-nâme ahkâmına tevfi kan intihâb icrâ olunduğu ma'razında makâm-ı sâmi-i Cenâb-ı Meşihat-penâhiye takdîm olup Meclis'e havâle buyurulan fî 20 Teşrin-i sâni sene [1]334 târihli ve dört numaralı tahrîrât-ı behiyyeleri kırâet olundu.

İntihâb-ı vâki' usûl ve nizâma muvâfık görülmekle a'zâ-yı müntahabenin ayrıca ta'yîn mu'amelesine tâbi' olmaması cihetiyle hemen vazîfeye mübâşeret olunması lâzım geleceğinin ve meşâyih-i kirâma imlâ ettirilerek bi't-tasdik i'ade olunmak üzere tercüme-i hâl evrâkiyla iki kıt'a ta'limât-nâmeden nüsa-ı kâffenin irsâl olunduğu beyânıyla nemîka-i muhibbî terkîm olundu efendim.

Safvet

IST_MFT_MSH_DFT02_01739_0001-0080

Isparta Encümen-i Meşâyih tarafından talep edilen kırtasiye malzemesinin şimdilik gönderilemeyeceği, resmî mührün ise imal ettirileceğinin bildirilmesi.

3 Rebî'ülevvel sene [1]337 / 7 Kânûn-ı evvel sene [1]334 / - / - / - / - / Sîret / 120 / Fî 4 Ra. sene [1]337 [8 Aralık 1918] / Fî 8 Kânûn-ı evvel sene [1]334

Müzekkire Taraf-ı âlî-i Riyâset-penâhiden

Isparta Encümen-i Meşâyih Riyâsetinden ber-mûceb-i ta'limât-nâme bir mühr-i resmî ile malzeme-i kırtâsiye talep olunmakta olup kırtâsiye için şimdilik tedârîki kâbil olamayacağı cevâben bildirilecek ise de emsâli vechile (Isparta Sancağı Encümen-i Meşâyih) nâmına bir mühr-i resmî hakkettirilerek Meclis'e tevdi'ı zımında işbu müzekkire Bâb-ı Fetvâ Levâzım Müdiriyyet-i behiyyesine tevdi' kılındı.

Safvet

Yazılmıştır

IST_MFT_MSH_DFT02_01739_0001-0081

Mevlevîhanekapısı'nda Tarsûsî Mehmed Efendi Dergâhı imamı Mustafa Efendi'ye işgal ettiği dergâh odalarını tahliye etmesi için gönderilen ihtarnâme.

3 Ra. sene [1]337 / 7 Kânûn-ı evvel sene [1]334 / - / 109 / - / Sîret / 119 / Fî 4 Rebî'ülevvel sene [1]337 [8 Aralık 1918] / Fî 8 Kânûn-ı evvel sene [1]334

Müzekkire

Mevlevîhânekapısı Kurbünde Tarsûsî Mehmed Efendi Dergâh-ı Şerîf İmâmı Mustafa Efendi'ye, İmâmı bulunduğunuz dergâh-ı şerîf odalarının tarafınızdan işgâl edilerek edâ-yı salât ve icrâ-yı erkân-ı tarîkate mâni' olduğu bi't-tahkîk anlaşılmış ve tahliyesi mükerreren tenbîh olduğu hâlde henüz ısgâ edilmemiş ve şu hâl ta'limâtname ahkâmına muhâlif bulunmuş olduğundan birinci def'a olarak işbu ihtârname tastîr olundu.

Vahyî, Mehmed Cevdet, Mustafa, Ali, Mehmed Abdülbâki, Safvet

Yazılmıştır

IST_MFT_MSH_DFT02_01739_0001-0082

Bursa Encümen-i Meşâyihine gönderilmek üzere iki torba içine konmuş defterlerin, Beyoğlu Postahane Müdüriyetine gönderildiğinin beyanı.

- / - / - / - / - / - / - / 118 / - / Fî 5 Kânûn-ı evvel sene [1]334 [5 Aralık 1918]

Beyoğlu Postahânesi Müdüriyyet-i aliyyesine müzekkire

Bursa Encümen-i Meşâyihine irsâl edilmek üzere iki adet torba derûnunda gönderilen defterlerin mahall-i mezkûra sevkîyle makbûzunun irsâli siyâkında müzekkire terkîm kılındı.

Safvet

IST_MFT_MSH_DFT02_01739_0001-0083

Karahisarısâhib (Afyonkarahisar) Encümen-i Meşâyihi namına imal ettirilen mührün mahalline gönderilmesi.

- / Fî 4 Kânûn-ı evvel sene [1]334 / Hüsâm / - / Sîret / 117 / - / - / Fî 29 Safer sene [1]337 [4 Aralık 1918] / Fî 4 Kânûn-ı evvel sene [1]334

Müzekkire

Karahisâr-ı Sâhib Sancağı Encümen-i Meşâyihine mahsûs hakkettirilen bir kıt'a mühr-i resmî mahalline irsâl buyurulmak üzere işbu müzekkire ile beraber Evrâk Müdüriyyet-i aliyyesine tevdi' kılındı.

Safvet

IST_MFT_MSH_DFT02_01739_0001-0084

Karahisarısâhib (Afyonkarahisar) Encümen-i Meşâyihi namına imal ettirilen mührün gönderilmesi.

26 S. sene [1]337 / 1 Kânûn-ı evvel sene [1]334 / - / - / - / - / Sîret / 116 / Fî 29 S. sene [1]337 [4 Aralık 1918] / Fî 4 Kânûn-ı evvel sene [1]334

Taraf-ı Riyâset-i aliyyeden

Karahisâr-ı sâhib Sancağı Encümen-i Meşâyihi Riyâset-i aliyyesine

7 Teşrîn-i sâni sene [1]334 târihli ve 109 numaralı tahrîrât-ı behiyyeleri cevâbıdır.

Ta'limât-nâme icâbınca taleb olunan Encümen-i Meşâyih'e mahsûs mühr-i resmînin hakkettirerek postaya tevdi'an savb-ı fâdilânelerine irsâl kılındığı beyânıyla cevâbnâme-i senâverî terkîm olundu efendim.

Safvet

Yazılmıştır

IST_MFT_MSH_DFT02_01739_0001-0085

Bahariye Mevlevîhanesi şeyh vekili Ahmed Selâhaddin Efendi izinsiz olarak Afyonkarahisar'a gittiğinden, dergâha ait işlerin Yenikapı Mevlevîhanesi postnişini Şeyh Abdülbâkî Efendi tarafından yürütülmesi.

28 S. sene [1]337 / 3 Kânûn-ı evvel sene [1]334 / - / - / - / - / Sîret / 115 / - / Fî 3 Kânûn-ı evvel sene-i minhü [3 Aralık 1918]

Müzekkire Taraf-ı âlî-i Riyâset-penâhîden

Yenikapı Mevlevîhânesi Postnişini Reşâdetlü Şeyh Abdülbâkî Efendi hazretlerine

Bahariye Mevlevîhânesi Şeyh vekili Ahmed Salahaddin Efendi'nin bilâ-me'zûniyet Karahisar'a gittiği bi't-tahkîk anlaşılmış olmağla dergâhın vezâif-i âliyyesi metrûk ve mu'attal kalmamak üzere vekil-i mûmâ-ileyh hakkında nizâm-nâme ahkâmı mücebiyle mu'amele-i mukteziyye netice edilinceye kadar zât-ı âlî-i reşâdetlerinin bi'l-vekâle dergâhın umûr ve husûsunun temşiyetine ihtimâm buyurmaları Meclis-i Meşâyihce taht-ı karâra alındığından bugünden i'tibâren ifâ-yı vazîfeye himmet buyurulması temennâsıyla müzekkire takdîm kılındı efendim.

Safvet

Yazılmıştır

IST_MFT_MSH_DFT02_01739_0001-0086

İki talimatnameden bin beşer yüz ve Meclis-i Meşâyih Nizamnamesi'nden beş yüz nüshanın bastırılması.

25 S. sene [1]337 / 30 Teşrîn-i sâni sene [1]334 / - / - / - / Sîret / - / 114 / Fî 26 S. sene [1]337 [1 Aralık 1918] / Fî 1 Kânûn-ı evvel [1]334

Taraf-ı âlî-i Riyâset-penâhîden Müzekkire

Merbût iki kıt'a ta'limât-nâmenin bin beşer yüz ve Meclis-i Meşâyih Nizâmnamesi'nin beş yüz nüsha olarak tab' ettirilerek Meclis'e tevdi' olunması zımında işbu müzekkire Bâb-ı Fetvâ Levâzım Müdîriyyet-i behiyyesine tevdi' kılındı.

Safvet

IST_MFT_MSH_DFT02_01739_0001-0087

Tekkelere ait hususlarla ilgili gönderilecek tezkire ve muharreratların resmî statüde postahanelerce ücretsiz olarak kabul edilmesi.

22 S. sene [1]337 / 27 Teşrîn-i sâni sene [1]334 / - / - / - / Sîret / - / - / 112 / Fî 26 S. sene [1]337 [1 Aralık 1918] / Fî 1 Kânûn-ı evvel [1]334

Dersâdet Merkez Tekkeleriyle Taşra Encümen-i Meşâyihleri Riyâsetlerine Ta'mîm
Tekâyâ umûruna dâir te'âtî olunacak tezâkir ve muharrerâtın postahânelerce resmen naklolu-
nacağı iş'âr-ı âlî-i Meşihat-penâhiye cevâben Posta Nezâreti'nden bildirilmekle ma'lûmât olmak
üzere müzekkire -taşraya-nemîka-i muhibbî- takdîm kılındı.

Safvet

113

Posta Nezâreti'nin Tezkiresine Derkenâr

İşbu tezkire-i cevâbiyye lede'l-kirâe mûndericâtı hakkında Der'aliyye merkez dergâhlarıyla taşra
Encümen-i Meşâyihlerine ma'lûmât verilmiş olduğundan Evrâk Odasında hıfzı bâbında.

Safvet

IST_MFT_MSH_DFT02_01739_0001-0088

**İstanbul Çukurçeşme civarında Ağakapısı'nda, Bâlî Efendi diğer adıyla Müştâk Efendi
Dergâhı'nın yarım hisse meşihat ciheti sahibi Şeyh Ahmed Rifat Efendi'nin vefatı üzerine;
hissesinin diğer hisse sahibi Şeyh Mehmed Müştâk Efendi'ye tevcihiyle, dergâhın
muhasassatının kendisine verilmesi.**

25 S. sene [1]337 / 30 Teşrîn-i sâni sene [1]334 / - / - / Sîret / - / - / 111 / Fî S. sene [1]337
[Kasım 1918] / Fî Teşrîn-i sâni sene [1]334

Müzekkire

İstanbul'da Çukurçeşme civârında Ağakapısı'nda kâin Bâlî Efendi nâm-ı diğer Müştak Efendi
Dergâhı nisf meşihat ciheti mutasarrıfı Şeyh Ahmed Rifat Efendi'nin şehir-i hâl-i mâlî evâilinde
vukû'-ı vefâtına mebnî dergâh-ı mezkûrda meşihat cihetinin müstereki Şeyh Mehmed Müştak
Efendi tarafından usûl-i tarîkat icrâ ve sekene-i dergâh it'âm edilmekte olduğu bi't-tahkîk anla-
şılmış ve Tevcih-i Cihât Nizâm-nâmesi ahkâmına tevfiikan hisse-i münhallenin dahi bi't-tevhîd
mûmâ-ileyhe tevcihi derdest olup dergâhın muhasassât-ı aliyyesi dergâhın dervîşânına ve âyende
ve revendesine mahsûs bulunmuş olmasına mebnî muhasassât-ı mezkûrenin mûmâ-ileyh Şeyh
Mehmed Müştak Efendi nâmına ve bâlâdaki tatbîk mührüyle i'tâsı zımnında işbu müzekkire
Evkâf-ı Hümayûn Nezâret-i celîlesi Levâzım Müdiriyyet-i behiyyesine tevdi' kılındı.

Vahyî, Ali, Safvet

Yazılmıştır

IST_MFT_MSH_DFT02_01739_0001-0089

**Edirne'de Şeyh Dâvud Efendi Dergâhı meşihatine tayini teklif edilen Hasan Muhtar Efendi
vâkıfın evladından sayılmayacağından, başka birisinin tayini.**

23 S. sene [1]337 / 28 Teşrîn-i sâni sene [1]334 / - / - / Sîret / - / - / 110 / Fî 25 S. sene [1]337
[30 Kasım 1918] / Fî 30 Teşrîn-i sâni sene [1]334

Taraf-ı Âlî-i Riyâset-penâhîden Cevâbnâme

Edirne Encümen-i Meşâyihî Riyâset-i aliyyesine

8 Teşrîn-i sâni sene [1]334 târihli ve iki numaralı tahrîrât-ı aliyyeleri cevâbidır.

Edirne'de kâin Şeyh Davud Efendi Dergâhı meşihat ve tevliyet cihetlerinin bi'n-niyâbe edâ-yı hizmet olunmak üzere evlâd-ı vâkıftan sagîr Hasan Muhtâr Efendi uhdesine tevcihine dâir Encümen-i Meşâyih mazbatasıyla tahrîrât ve mürsel vakfiye sûret-i musaddakası Meclisce kırâet ve Fetvâhâne-i âlî'den istifsâr-ı mütâlâ'a olunmuş idi vakfiyesi ma'mûlün-bihâ olduğu takdirde mündericâtına nazaran ciheteyn-i mezkûreteynin vâkıfın batn-ı evvelde bulunan evlâd-ı zükûruna meşrûta olup sagîr-i merkûm ciheteyn-i mezkûreteynin meşrûtün-lehi olamayacağı cevâben beyân buyurulmuş olmasına binâen şürût-ı vâkıfa tevfiikan vâkıfın hulefâsından yahud hulefâ-yı hulefâsından ile'n-nihâye bir zâtın intihâbı o dahi mevcûd olmadığı hâlde yine şart-ı vâkıf mücebince Pîr Emîr Buhârî -kuddise sırruhu'l-âlî- Hânkâh-ı şerîfi postnişini efendi tarafından münâsibi intihâb olunmak üzere keyfiyyetin serî'an iş'ârı lüzûmu Meclis kararıyla beyân ve te'yîd-i ihtirâm olunur efendim.

Safvet

Yazılmıştır

IST_MFT_MSH_DFT02_01739_0001-0090

Mevlânâ Celâleddîn-i Rûmî Halkahı eski postnişini Abdülhalim Çelebi'nin azli hakkındaki evrak dosyasının, Evkaf Nezâretinden ve Evrak Müdüriyetinden istenmesi.

22 S. sene [1]337 / 27 Teşrîn-i sâni sene [1]334 / - / - / Sîret / - / - / 108 / Fî 23 S. sene [1]337 [28 Kasım 1918] / Fî 28 Teşrîn-i sâni sene [1]334

Müzekkire

Mevlânâ Celâleddin-i Rûmî -kuddise sırruhu's-sâmî- hazretleri hânkâh-ı şerîfi sâbık seccâdenişini Abdülhalim Çelebi Efendi'nin azli hakkındaki evrâk dosyasının ba'dehû î'ade edilmek üzere li-eclî'l-mütâlâ'a irsâli husûsunun bâ-tezkire-i aliyye Evkâf-ı Hümâyûn Nezâret-i celîlesine iş'âr buyurulması bâbında.

Safvet

109

Müzekkire

Mevlânâ Celâleddin-i Rûmî -kuddise sırruhu's-sâmî- hazretlerinin Hânkâh-ı şerîfi sâbık seccâdenişini Abdülhalim Çelebi Efendi'nin azli hakkındaki Evrâk İdaresinde mahfûz evrâk dosyasının li-eclî'l-mütâlâ'a Meclis-i dâ'iyânemize tevdî'i husûsunun Evrâk Müdüriyyet-i behiyyesine havâle buyurulması bâbında.

Hüseyin, Vahyî, Mustafa, Mehmed Abdülbâki, Safvet

Yazılmıştır

IST_MFT_MSH_DFT02_01739_0001-0091

Meclis-i Meşâyih Nizamnamesi hükümlerinin tüm tekkelerde olduğu gibi mevlevîhanelerin meşihat cihetleri için de geçerli olduğunun Isparta Encümen-i Meşâyihine bildirilmesi.

19 S. sene [1]337 / 24 Teşrîn-i sâni sene [1]334 / - / - / - / Sîret / 107 / Fî 21 Safer sene [1]337 [26 Kasım 1918] / Fî 26 Teşrîn-i sâni sene [1]334

Taraf-ı âlî-i Risâlet-penâhîden Tahrîrât

Isparta Encümen-i Meşâyih Riyâset-i aliyyesine

8 Teşrîn-i sâni sene [1]334 târih ve 99 numaralı tahrîrât-ı aliyyeleri cevâbıdır.

Ahîran neşr ve i'ân olunan Meclis-i Meşâyih Nizâmnâmesi ahkâmı bi'l-umûm tekâyâyâ şâmil olup hiçbir müstesnâsı bulunmadığından Mevlevîhâne meşihat cihetleri için dahi ahkâm-ı nizâmiyyenin tatbiki zarûrî olmağla lede'l-icâb ol vechile mu'âmele îfâsı lâzım geleceğinin beyânıyla terkîm-i cevâbnâmeye ibtidâr olundu efendim.

Safvet

Yazılmıştır

IST_MFT_MSH_DFT02_01739_0001-0092

Silivrikapı'da Topçubaşı Bâlî Ağa Dergâhı Camii imam ve hatibi Şeyh Sadeddin Efendi'nin vefatı üzerine, yerine Sarı Nasuh Camii imam ve hatibi Hafız Mustafa Efendi tayin edildiğinden muhassasatının kendisine verilmesi.

Fî 20 S. sene [1]337 / Fî 25 Teşrîn-i sâni sene [1]334 / - / - / - / Sîret / 106 / Fî 20 S. sene [1]337 [25 Kasım 1918] / Fî 25 Teşrîn-i sâni sene [1]334

İstanbul Evkâf Müdüriyyet-i aliyyesine

Silivrikapısı kurbünde Topçubaşı Bâlî Ağa Dergâh-ı şerîfi ve câmi'i imâm ve hatîbi Şeyh Sadeddin Efendi'nin vukû'-ı vefâtına mebnî ciheteyn-i mezkûreteynin mesbûku'l-imtihân bulunan Sarı Nasuh Câmi'i imâm ve hatîbi Hâfız Mustafa Efendi uhdesine tevcih edilmiş ve fî 21 Muharrem sene [1]337 târihinden i'tibâren îfâ-yı vazîfeye mübâseret etmiş olduğundan muhassasâtının mûmâ-ileyhe i'tâsı zımında işbu müzekkire takdîm kılındı.

Safvet

Yazılmıştır

IST_MFT_MSH_DFT02_01739_0001-0093

Mihrişah Vâlide Sultan Türbesi'nde hatim okuyan görevlilere ait alınan karar hakkında, Eyüp'te Şeyh Murad Dergâhı postnişini Abdülkâdir Efendi'den bilgi istenmesi.

19 S. sene [1]337 / 24 Teşrîn-i sâni sene [1]334 / - / - / - / Sîret / 105 / Fî 20 S. sene [1]337 [25 Kasım 1918] / Fî 25 Teşrîn-i sâni sene [1]334

Müzekkire Taraf-ı âli-i Riyâset-penâhîden

Eyübsultân'da Şeyh Murad Dergâh-ı şerîfi Postnişini Abdülkâdir Efendi'ye

Mihrişah Vâlide Sultân Türbe-i şerîfesi'nde riyâset-i reşâdetleri altında kırâeti mu'tâd olan hatm-i şerîf cihâtı ashâbı ve münhalâtı hakkında Meclis-i Meşâyihce takarrur edip zât-ı âlîlerine dahi tefhîm bulunduğu vechile intizâr olunan inhâ henüz vürûd etmediğinden îcâbının biran evvel icrâ ve inhâsı lüzûmunun te'kidıyla müzekkire takdîm kılındı.

Hüseyin, Vahî, Mustafa, Mehmed Cevdet, Ali, Mehmed Abdülbâki, Safvet

Yazılmıştır

IST_MFT_MSH_DFT02_01739_0001-0094

Eyüp'te Kâşgarî Abdullah Efendi Dergâhı postnişini Mehmed Bahâeddin Efendi vefat ettiğinden, tevcih işlemlerinin yapılması için dergâhtaki tüm cihetlere ait kayıtların Evkaf Nezâretinden istenmesi.

19 S. sene [1]337 / 24 Teşrîn-i sâni sene [1]334 / - / - / - / Sîret / 104 / Fî 19 S. sene [1]337 [24 Kasım 1918] / Fî 24 Teşrîn-i sâni sene [1]334

Müzekkire

Hazret-i Ebâ Eyyûb el-Ensârî civârında kâin Kaşgarî Abdullah Efendi Dergâh-ı şerîfi postnişini Mehmed Bahâeddin Efendi'nin vukû'-ı vefâtına mebnî uhdesinde bulunan dergâh-ı mezkûr meşîhat ve imâmet ve hitâbet cihetleri inhilâl ettiği cihetle cihât-ı mezkûre der'uhde ve şürût-ı tevcihiyye kayıtlarıyla dergâh-ı mezkûrda cihât-ı sâire var ise onların dahi kayıtlarının ser'ân ihrâc ve irsâli zımınında işbu müzekkirenin mazrûfen Evkâf-ı Hümâyûn Nezâret-i celîlesine irsâl buyurulması bâbında.

Safvet

Yazılmıştır

IST_MFT_MSH_DFT02_01739_0001-0095

Karahisarısâhib (Afyonkarahisar) Mevlevî Dergâhı postnişinliğine tayin yapılp yapılmadığının beyanı ile dergâhın vakfiyesinin Afyonkarahisar Encümen-i Meşâyih riyâsetinden istenmesi.

15 Safer sene [1]337 / 20 Teşrîn-i sâni sene [1]334 / - / - / - / Sîret / 103 / Fî 16 S. sene [1]337 [21 Kasım 1918] / Fî 21 Teşrîn-i sâni sene [1]334

Karahisâr-ı sâhib Encümen-i Meşâyih Riyâset-i aliyyesine

Taraf-ı Âlî-i Riyâset-penâhiden Tahrîrât

Münhal olan Karahisâr-ı Sâhib Mevlevî Dergâh-ı şerîfi postnişinliğine 2 Teşrîn-i evvel sene [1]334 târih ve 75 numaralı tahrîrât-ı senâveride beyân olunduğu vechile ber-mûceb-i nizâm oraca münâsibi intihâb ve tâyin olunup olunmadığının ve münâsib bulunmamış ise meşâyih-i Mevleviyye'den tâlibler bulunduğu cihetle buraca ta'yîn edilmek üzere vakfiyesi sûret-i musaddakasının irsâliyle beraber cereyân eden mu'âmelenin ser'ân inbâsı lüzûmunun te'kidıyla nemîka-i muhibbî terkîm olundu efendim.

Safvet

Yazılmıştır

IST_MFT_MSH_DFT02_01739_0001-0096

Encümen-i Meşâyihlere maaş tahsis edilemeyeceği ancak talep edilen kırtasiye malzemelerinden mevcut olanların gönderilmesinin Bursa Encümen-i Meşâyih riyâsetine bildirilmesi.

12 Safer sene [1]337 / 17 Teşrîn-i sâni sene [1]334 / - / - / - / Sîret / 102 / Fî 15 S. sene [1]337 [20 Kasım 1918] / Fî 25 Teşrîn-i sâni sene [1]334

Taraf-ı Riyâset-penâhîden Tahrîrât-ı Cevâbiyye

Bursa Encümen-i Meşâyihi Riyâset-i aliyyesine

13 Teşrîn-i evvel sene [1]334 târîh ve iki numaralı tahrîrât-ı aliyyeleri cevâbıdır.

Encümen meşâyihleri için bütçede tahsîsât olmadığından ma'âş hakkında iş'âr-ı âlîlerinin şimdilik tervîci kâbil olamayacağı zarûrî ve âtiyen bütçeye bu husûs için zam icrâsına teşebbüs edileceği musammimdir. Ancak Bursa'da tekâyâ ve zevâyânın kesretine binâen mu'âmelâtının dahi o nisbette olması nazar-ı dikkate alınarak kırtâsiye mevcûdundan melfûf pusulada muharrer defâtir ve evrâk postaya tevdî'an irsâl olunmağla onlarla idâre-i umûr buyurulması siyâkında nemîka-i senâverî terkîm olundu efendim.

Safvet

Yazılmıştır

IST_MFT_MSH_DFT02_01739_0001-0097

Gönderilen tercüme-i hal varakalarının meşâyihe imla ettirilerek iade edilmesine dair, taşradaki Encümen-i Meşâyih riyâsetlerine tebligat.

12 S. sene [1]337 / 17 Teşrîn-i sâni sene [1]334 / - / - / - / Sîret / 101 / Fî 14 S. sene [1]337 [19 Kasım 1918] / Fî 19 Teşrîn-i sâni sene [1]334

Kütahya, Edirne, Kastamonu, İzmit, Bolu, Karaman, İzmit, Isparta, Gekbûze/Gebze, Çerkeş, Bursa, Karahisâr-ı sâhib, Adana, Menteşe, Beyşehir, Aksaray, Eğirdir

Taşra Encümen-i Meşâyihleri riyâsetlerine Taraf-ı âlî-i riyâset-penâhîden Ta'mîmen Tahrîrât Bi'l-cümle meşâyih-i kirâmın tescîl-i ahvâlî Meclis-i Meşâyih Nizâmnâmesi'nin beşinci maddesi ahkâmından olmağla leffen irsâl kılınan terâcim-i ahvâl varakalarının mıntıkları dâhilinde bulunan meşâyihe imlâ ettirilerek sür'at-i mümkinine ile i'âdesine himmet buyurulması siyâkında şukka-i "vilâyet ve livâlara: senâverî" "kazâlara: muhibbî" terkîm olundu efendim.

Safvet

Yazılmıştır

IST_MFT_MSH_DFT02_01739_0001-0098

Birinci Dünya Savaşı sona erdiğinden, bütün tekkelerde derviş ve misafirlerin toplanarak Cenâb-ı Allah'ın nusret ve yardımını temenni etmesinin tekke merkezlerine tebliği.

- / Fî 18 Teşrîn-i sâni sene [1]334 / - / - / - / - / 100 / - / Fî 18 Teşrîn-i sâni sene [1]334 [18 Kasım 1918]

Harb-i umûmî neticesinde bütün âlem-i İslâm'ın matmah-ı enzârı olan makarr-ı Hilâfet ve Saltanatatta serzede-i zuhûr olan ahvâl-i elîmeye karşı rûhâniyet-i mukaddese-i Muhammediyye'ye mütevevssilen dergâh-ı akdes-i İlâhî'ye ihlâs ve huzûr-ı tâm ile tazarru' ve ilticâdan başka bir çâre-i halâs olmadığı ve bu vazîfe-i mübrem-i dîniyenin ifâsı herkesten evvel turuk-ı aliyye müntesiblerine âid bulunduğu cihetle melfûf pusulada muharrer vezâiften ihtiyâr edilecek ve yâhûd başkaca münâsib görülecek diğer tevessülât-ı dîniyenin merkez-i âlîlerinde serî'an ifâ-yı muktezâsı husûsunda mıntıkları dâhilinde bulunan meşâyih-i kirâm ve ihvân ve muhibbânı

da‘vet ve bu emr-i hayrın bi-kadri’l-imbân mülhak tekâyâda dahi ifâ ettirilmesine bezl-i himmet buyurmaları.

Safvet (Müstakil Merâkize)

(Dergâh-ı âlîlerinde dahi ihvân ve muhibbânı da‘vetle bu emr-i hayrın serî‘an ifâsına bezl-i himmet buyurmaları siyâkında)

Yazılmıştır

IST_MFT_MSH_DFT02_01739_0001-0099

Edirne ve İzmit Encümen-i Meşâyhleri namına imal ettirilen resmî mühürlerin mahallerine gönderilmesi.

12 S. sene [1]337 / 17 Teşrîn-i sâni sene [1]334 / - / - / 74 / Siret / 97 / Fi 12 S. sene [1]337 [17 Kasım 1918] / Fi 17 Teşrîn-i sâni sene [1]334

Taraf-ı âli-i Riyâset-penâhiden

Edirne Encümen-i Meşâyh Riyâset-i aliyyesine

26 Teşrîn-i evvel sene [1]334 târih ve dört numaralı tahrîrât-ı aliyyeleri cevâbıdır.

Bi'l-umûm taşra Encümen-i Meşâyhlerine âid mürâselâtın postahânelerce sûret-i resmiyyede kabûl olunması hakkında Meclisimizden takdîm olunan müzekkire üzerine makâm-ı sâmi-i Cenâb-ı Meşihat-penâhiden Telgraf ve Posta Nezâreti'ne teblîgât ifâ buyurulduğu ve Edirne Encümen-i Meşâyhine mahsûs hakkettirilen mühür-i resmî postaya tevdi‘an savb-ı şerîflerine irsâl olunduğu beyânıyla nemîka-i senâverî terkîm kılındı efendim.

Safvet

98

İzmit Sancağı Encümen-i Meşâyh riyâset-i behiyyesine

10 Teşrîn-i evvel sene [1]334 târihli ve yetmiş yedi numaralı tahrîrât-ı fâzılâneleri cevâbıdır.

İzmit Encümen-i Meşâyhine mahsûs hakkettirilen mühür-i resmî postaya tevdi‘an savb-ı şerîflerine irsâl kılındığı beyânıyla nemîka-i muhibbî terkîm olundu efendim.

Safvet

99

Müzekkire

Edirne ve İzmit Encümeni Meşâyhlerine mahsûs hakkettirilen iki kıt‘a mühür-i resmî mahallerine irsâl buyurulmak üzere işbu müzekkire ile beraber Evrâk Müdiriyyet-i aliyyesine tevdi‘ kılındı.

Safvet

IST_MFT_MSH_DFT02_01739_0001-0100

Aksaray’da harap durumda olup tamiri yarım kalan Olanlar Dergâhı tamiratının tamamlanmasının Evkaf Nezâretine bildirilmesi.

11 Safer sene [1]337 / 16 Teşrîn-i sâni sene [1]334 / - / - / - / - / 96 / 11 Safer sene [1]337 [16 Kasım 1918] / 16 Teşrîn-i sâni sene [1]334 Huzûr-ı Celîl-i Cenâb-ı Meşihat-penâhiye

Aksaray'da kâin Olanlar Dergâh-ı şerîfî dâiresi mebânî-i mühimme-i vakfiyyeden olduğu hâlde vâridât-ı husûsiyye-i vakfiyyesi olmadığı ve tûl müddet i'mâr ve termîmine bakılmadığı cihetle el-yevm müşrif-i harâb bir hâldedir. Evkâf-ı Hümâyûn Nezâret-i celîlesi cânib-i âlîsinden şu esnâda zarûrî bulunan ta'mîrât-ı lâzimesi tesviye buyurulduğu sûrette lâ-ekal otuz bin lira kıymetinde bir dâire-i vakfiyyenin muhâfaza-i umrânı te'mîn edilmiş olacağı ve aksi hâlde mevsim-i şitânın te'sîrâtıyla o nisbette zarar ve ziyân vukû' bulacağı bedîhî olmağla bundan mukaddem Evkâf-ı Hümâyûn Nezâret-i celîlesine mükerreren vâki' olan mürâca'atlar neticesinde elektrik te'sîsâtı ve su mecrâlarının tathîrâtıyla kiremidlerin aktarmasına teşebbüs edilmiş ise de cümlesi nâ-tamâm bırakılmış ve bunlara giden masârif da heder olmuştur. Binâen-aleyh ehemmiyeti derkâr olan dâire-i mezkûrenin diğer mebânî-i hayriyye misilli bi'l-i'mâr muhâfazası zât-ı celîl-i Meşihat-penâhîleriyle Evkâf-ı Hümâyûn Nezâret-i celîlesince matlûb ve mültezim olduğu müsellem bulunmağla nezâret-i müşârun-ileyhâca nâkıs bırakılan ta'mîrât-ı ma'rûzanın itmâmı ve diğer levâzım ve nevâkısının ikmâli husûslarında delâlet-i celîle-i Fetvâ-penâhîlerinin şâyân buyurulması bâbında.

Safvet

IST_MFT_MSH_DFT02_01739_0001-0101

Gönderilen matbu tercüme-i hal varakalarının, bölgelerindeki meşâyihe imla ettirilerek iade edilmesine dair tekke merkezlerine yapılan tebligat.

8 S. sene [1]337 / 13 Teşrîn-i sâni sene [1]334 / - / - / - / Sîret / 95 / - / Fi 14 Teşrîn-i sâni sene [1]334 [14 Kasım 1918]

Dergâhların ismi	Varaka-aded
Hazret-i Hüdâî'ye	27
Hazret-i Nasûhî'ye	25
Ahmed el-Buhârî'ye	17
Sofular	21
Nureddin-i Cerrâhî	27
Safvetî Paşa	22
Vezîr İzzet Paşa	30
Kâdirîhâne	14
Südlüce	4
Beykoz	5
Durmuş	12
Kasımpaşa	16
Sünbül Efendi	32
Merkez	30

Merâkiz-i Tekâyâya Ta'mîm

Taraf-ı âlî-i Riyâset-penâhîden

Bi'l-cümle meşâyihi kirâma âid sicill-i ahvâlin tanzîmi Meclis-i Meşâyih Nizâmnâmesi'nin beşinci maddesi ahkâmından bulunduğundan leffen irsâl olunan evrâk-ı matbû'anın mıntıkaları

dâhilinde bulunan meşâyihe imlâ ettirilerek sür'at-i mümkün ile i'âdesine himmet buyurmaları siyâkında müzekkire takdîm kılındı.

Safvet

Yazılmıştır

IST_MFT_MSH_DFT02_01739_0001-0102

Kırşehir'deki Hacı Bektâş-ı Velî Dergâhı meşihat imtihanı için Dersiâm Ömer Lüfti Efendi'ye yapılan tebligat.

7 S. sene [1]337 / 12 Teşrîn-i sâni sene [1]334 / - / - / - / Sîret / 94 / Fî 8 S. sene [1]337 [13 Kasım 1918] / Fî 13 Teşrîn-i sâni sene [1]334

(Çenberlitaş civârında Dizdâriye Mahallesi'nde Câmi'-i şerîf sokağında 3 numaralı hânede sâkin mücîz dersi'âmdan fazîletlü Ömer Lüfti Efendi'ye)

Müzekkire

Kırşehir'i'nde vâki' Hacı Bektâş-ı Velî Hânkâh-ı şerîfi meşihat ciheti için şehr-i hâl-i Rûmî'nin on altınca Cumartesi günü imtihân icrâsı mukarrer olmağla dâhil olmak arzu buyurulduğu takdîrde yevm-i mezkûrda zevâlî sâ'at birde Meclis'te isbât-ı vücûd eylemeleri siyâkında müzekkire tahrîr olundu.

Safvet

Yazılmıştır

IST_MFT_MSH_DFT02_01739_0001-0103

Kırşehir'de Hacı Bektâş-ı Velî Dergâhı meşihat imtihanına katılmak isteyenlerin, bizzat Meclis-i Meşâyihe başvurmaları gerektiğinin gazetelerde ilanı.

5 Safer sene [1]337 / - / - / - / - / - / - / 93 / Fî 6 S. sene [1]337 [11 Kasım 1918] / Fî 11 Teşrîn-i sâni sene [1]334

Evvelce i'lân edildiği vechile Kırşehir'i'nde kâin Hacı Bektâş-ı Velî hazretleri hânkâh-ı şerîfi meşihati için şehr-i hâl-i Rûmî'nin on altıncı cumartesi günü icrâsı mukarrer olan müsâbaka imtihânına dâhil olmak arzu eden zevâtın yevm-i mezkûrda zevâlî sâ'at birde Meclis-i Meşâyihte isbât-ı vücûd eylemeleri.

Safvet

93

Matbû'ât-ı Umûmiyye Müdüriyyet-i aliyyesine

Kırşehir'i'nde Hacı Bektâş-ı Velî hazretleri hânkâhı postnişînliği için müsâbaka imtihânı icrâsı hakkında leffen irsâl kılınan beş kıt'a i'lân varakasının evrâk-ı havâdisle neşrine müsâ'ade buyurulması bâbında müzekkire takdîm kılındı.

Safvet

Yazılmıştır

IST_MFT_MSH_DFT02_01739_0001-0104

İki yüz elli adet müsveddelik kâğıt bastırılması ve Edirne ile İzmit Encümen-i Meşâyihleri namına iki adet mühür yaptırılmasının, Levazım Müdüriyetine bildirilmesi.

28 M. sene [1]337 / 5 Teşrîn-i sâni sene [1]334 / - / - / - / Sîret / 92 / Fî 4 Safer sene [1]337 [9 Kasım 1918] / Fî 9 Teşrîn-i sâni sene [1]334

Müzekkire

Merbûat numûneleri vechile iki yüz elli aded tek müsvedde varakasının tab'ı ve Edirne ve İzmit Encümen-i Meşâyihlerine mahsûs iki adet mühür-i resmî hakkettirilmesi zımında işbu müzekkire Levâzım Müdüriyyet-i behiyyesine tevdi' kılındı.

Safvet

Yazılmıştır

IST_MFT_MSH_DFT02_01739_0001-0105

Yanmış ve asker yerleştirilmesi sebebiyle harap olmuş tekke ve zaviyelerin mahalli; isimleri ve muayyenat miktarlarının üç ayrı cetvel halinde tanzim edilerek gönderilmesine dair, tekke merkezlerine yapılan tebligat.

27 M. sene [1]337 / 3 Teşrîn-i sâni sene [1]334 / - / - / - / Sîret / 91 / Fî 27 Muharrem sene [1]337 [2 Kasım 1918] / Fî 3 Teşrîn-i sâni sene [1]334

Merâkize Ta'mîmen Müzekkire

Mıntıkaları dâhilinde muhterik ve asker ikâme olunmasından dolayı ve mürûr-ı zamânla müşrif-i harâb olan tekâyâ ve zevâyânın mahal ve esâmî ve mikdâr-ı mu'ayyenât ve muhassasâtını mübeyyin ayrı ayrı üç kıt'a cedvelin sür'at-i mümkinine ile tanzîm ve irsâline himmet buyurmaları zımında müzekkire takdîm kılındı.

Safvet

Yazılmıştır

IST_MFT_MSH_DFT02_01739_0001-0106

Şeyh Hasib Efendi Dergâhı meşihati için müteveffa Şeyh Ali Rıza Efendi'nin oğlu askerden dönünceye kadar, meşihate münasip birisinin tayini.

27 M. sene [1]337 / 3 Teşrîn-i sâni sene [1]334 / - / - / - / Sîret / 90 / Fî 28 Muharrem sene [1]337 [3 Kasım 1918] / Fî 4 Teşrîn-i sâni sene [1]334

Hazret-i Hüdâi Âsitânesine

Cânib-i âli-i Riyâset-penâhiden cevâb

24 Muharrem sene [1]337 târihli takrîr-i reşâdet-penâhîleri Meclis'te kırâet olundu. Münhal olan Şeyh Hasib Efendi Dergâhı meşihati için müteveffa Şeyh Ali Rıza Efendi'nin mahdûmu askerden terhîs olunup avdet ve cihetin kendisine tevcihine taleb ve isbât-ı ehliyyet edinceye değin vekâlete münâsib bir zevâtın inhâ buyurulması tezekkür edildiğinin ma'a'l-ihirâm beyânına ibtidâr olundu efendim.

Safvet

Yazılmıştır

IST_MFT_MSH_DFT02_01739_0001-0107

Aranan vasıflara sahip meşâyih bulunmadığı durumlarda, tarikat mensuplarından bir zatın encümen azalığına seçilebileceği; postnişinleri bulunmadığı bildirilen dergâhların niçin şeyhlerinin olmadığı, dergâhların açık olup olmadığı ve tahsisatlarının bulunup bulunmadığı hususunun Elmalı Müftülüğünden sorulması.

27 M. sene [1]337 / 3 Teşrîn-i sâni sene [1]334 / - / - / 71 / Siret / 89 / Fî 27 Muharrem sene [1]337 [2 Kasım 1918] / Fî 3 Teşrîn-i sâni sene [1]334

Elmalı Kazâsı Müftülüğüne

Cânib-i Riyâset-i aliyyeden cevâb

13 Teşrîn-i evvel sene [1]334 târihli tahrîrât-ı fâzilâneleri cevâbıdır.

Evsâf-ı matlûbeyi hâiz meşâyih bulunmayan mahallerde nizâmnâme ahkâmına tevfi kan mensûbîn-i turuk-ı aliyyeden diğ er zevâtın encümen a'zâlığına intihâbı mücâz oldu ğ u ve postnişinleri bulunmadığı iş 'âr olunan dergâhlar meşâyihinin neden dolayı mevcûd olmadığı nın ve el-yevm ma'mûr ve küşâde ve muhassasât ve mu'ayyenâtı bulunup bulunmadığı nın inbâsı lüzûmunun beyânıyla nemîka-i muhibbî terkîm olundu efendim.

Safvet

Yazılmıştır

IST_MFT_MSH_DFT02_01739_0001-0108

Edirne'de Şeyh İbrâhim Ecel Tekkesi meşihatının, niyâbet suretiyle Hüseyin Efendi'ye tevcih edilmesi gerektiğ inin mahalline iş 'ârı.

26 M. sene [1]337 / 2 Teşrîn-i sâni sene [1]334 / - / - / - / Siret / 88 / Fî 27 Muharrem sene [1]337 [2 Kasım 1918] / Fî 3 Teşrîn-i sâni sene [1]334 Edirne Encümen-i Meşâyihî Riyâset-i aliyyesine

20 Muharrem sene [1]337 târihli ve 3 numaralı tahrîrât-ı aliyyeleri cevâbıdır.

Tarîkat-i aliyye-i Rifâ'îyye'den Şeyh İbrâhîm Ecel Tekkesi meşihat cihetinin bi'n-niyâbe sagîr Hüseyin'e tevcihi mu'amelesinin Tevcih-i Cihât Nizâmnâmesi'nin on birinci maddesine tevfi kan icrâsı lâzım geleceğ inden mürsel mazbata i'âde kılındığı beyânıyla cevâbnâme-i muhibbî terkîm kılındı efendim.

Hüseyin, Vahyî, Mustafa, Mehmed Abdülbâki, Safvet

Yazılmıştır

IST_MFT_MSH_DFT02_01739_0001-0109

Yanmış, asker ikamesi sebebiyle harap olmuş tekke ve zaviyelerin isimleri, muayyenat ve muhassasat miktarlarının gönderilmesine dair ikinci merkez tekkeye yapılan tebligat.

26 M. sene [1]337 / 2 Teşrîn-i sâni sene [1]334 / - / - / - / Siret / 87 / Fî 26 Muharrem sene [1]337 [1 Kasım 1918] / Fî 2 Teşrîn-i sâni sene [1]334

Müzekkire İkinci Merkeze

Taraf-ı âlî-i Riyâset-penâhîden

Mıntıkanız dâhilinde bulunan tekâyânın şuûn-ı umûmîsi hakkındaki 28 Teşrîn-i evvel sene [1]334 târihli şehri rapor Meclis'te kırâet olundu. Îcâbı âtiyen teemmül olunmak üzere evvelimde mintıkanız dâhilinde muhterik ve müşrif-i harâb olan tekâyânın esâmî ve mu'ayyenât ve muhassasâtını mübeyyin ve asker ikâme edilmesinden nâşî harâb olanlar ayrıca olarak üç kıt'a cedvelin tanzîm ve irsâline himmet buyurulması zımında işbu müzekkire takdîm kılındı.

Safvet

Yazılmıştır

IST_MFT_MSH_DFT02_01739_0001-0110

Meclis-i Meşâyiğ Nizamnamesi ve Hıfzıssıhha Talimatnamesi'nin meşâyihe verilmek üzere merkez tekkelere gönderilmesi.

Fî 6 Muharrem sene [1]337 / Fî 13 Teşrîn-i evvel sene [1]334 / Hüsâmeddin / - / - / - / - / 77 ilâ 78 / Fî 7 Muharrem sene [1]337 [13 Ekim 1918] / Fî 14 Teşrîn-i evvel sene [1]334

[Tekke ismi]	Aded
Sünbül Efendi'ye	90
Merkez Efendi'ye	81
Ahmed el-Buhârî'ye	57
Nureddin-i Cerrâhî'ye	72
Sofular'a	60
Vezîr İzzet Paşa Eyüp	90
Kâdirihâne'ye	42
Südlüce'ye	12
Beykoz'a	15
Hüdâî'ye	75
Nasûhî'ye	72
Durmuş Dede'ye	21
Kasımpaşa'da Tûrâbî'ye	48
[Toplam]	735
Mevlevihâne Yenikapı	3
Kasımpaşa	3
Bahariye	3
Üsküdar	3
Galata	3
Üsküdar'da Özbekler	3
Sultânahmed'de Özbekler	3
Üsküdar'da Afgan	3
Beşiktaş'ta Yahya Efendi	3
Eyüb'de Özbekler	3
Fâtih'de Emir Buhârî	3
[Toplam]	768

Müzekkire

Taraf-ı âlî-i riyâset-penâhîden

Bu kere mevki'-i tatbîka vaz'ına irâde-i seniyye-i hazret-i Hilâfet-penâhî şeref-sudûr buyurulan Meclis-i Meşâyih Nizâmnâmesi'nden ve işâret-i aliyye-i Cenâb-ı Meşihat-penâhî ile tevşîh ve tab' ettirilip tevzî'i emr-i âlî iktizâsından bulunan hıfz-ı sıhhat ve tekâyâda mâ-bihî't-tatbîk olmak üzere kaleme alınan ta'limât-nâmelerden birer nüsha mülhakâtınız tekâyâ meşâyihine i'tâ edilmek üzere () aded leffen takdîm kılındı efendim.

Safvet

Yazılmıştır

IST_MFT_MSH_DFT02_01739_0001-0111

Encümen-i Meşâyih azalığına seçilenlerin şöhretleriyle ait oldukları tarikatların isimlerinin ve Isparta merkeziyle kasaba ve köylerinde kaç adet dergâh olduğunun, Isparta Encümen-i Meşâyih riyâsetinden sorulması.

22 M. sene [1]337 / 29 Teşrîn-i evvel sene [1]334 / - / 153 / 66 / Sîret / 86 / Fî 22 Muharrem sene [1]337 [28 Ekim 1918] / Fî 29 Teşrîn-i evvel sene [1]334

Taraf-ı âlî-i Riyâset-penâhîden Tahrîrât

Isparta Sancağı Encümen-i Meşâyih Riyâset-i aliyyesine

Merkez-i livâda Encümen-i Meşâyih teşekkül ettiğini mübeyyin makâm-ı sâmi-i Cenâb-ı Meşihat-penâhîden havâle buyurulan 14 Eylül sene [1]334 târihli ve 88 numaralı tahrîrât-ı aliyyeleri mütâlâ'a olundu.

Encümen a'zâlığına intihâb olunan zevâtın şöhretleriyle mensûb oldukları tarikat-i aliyyenin ve merkez-i livâ ile livâyâ merbût kurâ ve kasabâtta kaç dergâh mevcûd olduğunun iş'ârına himmet buyurulması siyâkında şukka-i muhibbî terkîm kılındı efendim.

Safvet

Yazılmıştır

IST_MFT_MSH_DFT02_01739_0001-0112

Tekkelerin muayyenatlarının artırılması, bir önceki sene bakayasından bir miktar zeytinyağı verilmesi ve merkezlerden gönderilecek tahriratların postahanelerce resmi statüde kabul edilmesine dair müzekkire.

29 Teşrîn-i evvel sene [1]334 / - / - / Sîret / 85 / Fî 22 Muharrem sene [1]337 [28 Ekim 1918] / Fî 29 Teşrîn-i evvel sene [1]334

Yedinci Merkeze

Taraf-ı âlî-i Riyâset-penâhîden

22 ve 23 Teşrîn-i evvel sene [1]334 târihli ve 10 ve 11 numaralı müzekkireleri cevâbıdır.

İş'âr-ı âlîleri Meclisce lede't-tezekkür dergâhların mukâbele-i şerîfe günlerinde gelecek dervîşânın it'âmına karşılık olmak üzere mu'ayyenât te'diyâtının tezyîdi ve sene-i sâbika bakâyâsına mahsûben mikdâr-ı münâsibe zeytinyağı i'tâsı ve merâkiz muharrerâtının postahanelerce sûret-i

resmiyede nakli hakkında Evkâf ve Posta nezâretlerine tezâkir-i aliyye tastîr buyurulması zımında makâm-ı sâmi-i Cenâb-ı Meşîhat-penâhîye müzekkire takdîm kılındığı beyân olunur efendim.

Safvet
Yazılmıştır

IST_MFT_MSH_DFT02_01739_0001-0113

Tekkelerde hıfzıssıhhaya riayet ile şeyh ve dervişlerin vazifelerine dair talimatnamenin taşra Encümen-i Meşâyhine gönderilmesi.

- / 21 Teşrîn-i evvel sene [1]334 / - / - / - / Sîret / 84 / Fî 17 Muharrem sene [1]337 [23 Ekim 1918] / Fî 24 Teşrîn-i evvel sene [1]334

[Gönderilen Encümenler]	Aded
Bursa Müftülüğüne ve Encümeni Riyâsetine	50
Edirne " " " " " " "	40
Kastamonu " " " " " " "	30
Bolu " " " " " " "	15
İzmit " " " " " " "	15
Kütahya " " " " " " "	15
Karaman " " " " " " "	5
[Toplam]	170
	170
	340
Isparta " " " " " " "	30
İznik " " " " " " "	10
Gekbuze " " " " " " "	10
Adana " " " " " " "	40
[Toplam]	430
Çerkeş " " " " " " "	20
Karahisar " " " " " " "	30
Menteşe " " " " " " "	40
Beyşehir " " " " " " "	20
[Toplam]	540
Aksaray " " " " " " "	20
Eğirdir " " " " " " "	20

Taraf-ı âlî-i Riyâset-penâhîden

Taşra Encümen-i Meşâyhleri Riyâsetlerine Tahrîrât

Bursa Encümen-i Meşâyihi Riyâset-i aliyyesine

Meclis-i Meşâyihi Nizâmnâmesi ahkâmına tevfikân tanzîm olunup makâm-ı celîl-i Meşîhat-i ulyânın tasdîkine iktirân eyleyen tekâyâda hıfzı's-sıhhaya ri'âyete ve meşâyihi ve dervîşânın vezâîfine dâir iki kıt'a ta'limât-nâme nüshâ-ı matbû'asından mikdâr-ı kâfi leffen irsâl kılınmağ-la dergâhlara tevzi' ve ahkâmının tamâmî-i tatbîkine ihtimâm olunması siyâkında nemîka-i muhibbî terkîm olundu.

Safvet

Yazılmıştır

IST_MFT_MSH_DFT02_01739_0001-0114

Kendilerine bağlı dergâhların işleyişi hakkındaki aylık raporlarını, Meclis-i Meşâyihe göndermeleri gerektiğinin tekke merkezlerine tebliği.

8 M. sene [1]337 / 15 Teşrîn-i evvel sene [1]334 / - / - / - / Sîret / 83 / Fî 12 Muharrem sene [1]337 [18 Ekim 1918] / Fî 19 Teşrîn-i evvel sene [1]334

Taraf-ı Âlî-i Riyâset-penâhîden Merâkiz-i Tekâyâya Ta'mîm Müzekkiresi

Merâkiz-i Tekâyâ Ta'limât-nâmesi'nin dokuzuncu maddesi mücebiyle merkez meşâyihi-i kirâmı her ay muntakalarının şûunât-ı umûmiyesine dâir ilâve-i mütâlâ'ât ile Meclis-i Meşâyihi'e birer rapor vermeleri ve lede'l-icâb yekdiğerleriyle bi'l-müşâvere mesâlik-i celîle-i sûfiyenin ihyâ ve i'lâsı husûsunda netîce-i mütâlâ'alarını bildirmeleri muktezî bulunduğu hâlde bazı merâkizce madde-i mezkûre ahkâmına ri'âyet olunmadığı görüldüğünden şehir-i hâl gâyesinde icâb eden raporun irsâliyle beraber ba'demâ muntazaman tesyârına himmet buyurulması zımnında müzekkire takdîm kılındı.

Hüseyin, Vahyî, Ali, Mehmed Abdülbâki, Safvet

Yazılmıştır

IST_MFT_MSH_DFT02_01739_0001-0115

Bursa Encümen-i Meşâyihi azalığına seçilenler arasında aranan vasıflara sahip olmayanların bulunduğu ihbar edildiğinden durumun tahkik edilerek encümenlerin yeniden seçilmesi.

9 M. sene [1]337 / 16 Teşrîn-i evvel sene [1]334 / - / - / - / Sîret / 82 / Fî 12 Muharrem sene [1]337 [18 Ekim 1918] / Fî 18 Teşrîn-i evvel sene [1]334

Bursa Encümen-i Meşâyihi Riyâset-i aliyyesine Taraf-ı Âlî-i Riyâset-penâhîden Tahrîrât

6 Muharrem sene [1]337 ve 13 Teşrîn-i evvel sene [1]334 târihli ve bir numaralı tahrîrât-ı aliyyeleri cevâbıdır.

İş'âr-ı âlilerinden dahi müstebân olduğu üzere kırkı mütecâviz dergâhı mevcûd olan merkez-i vilâyette teşekkül eden Encümen-i Meşâyihi vezâîfinin derkâr olan kesret ve ehemmiyetine binâen a'zâsının her vechile evsâf-ı matlûbe-i nizâmiyyeyi tamâmen hâiz ve encümenin vezâîf-i mühimmesiyle ilmen ve irfânen mütenâsib zevâtın olması derece-i vücûbda bulunduğu müstağnî-i izâh olup encümen-i mezkûra intihâb ve ta'yîn edilmiş olan a'zâlar miyânında ziy-i sûfiyeyi lâbis olmayan ve münhasıran vazîfe-i meşîhatle meşğûl bulunmayan bazı zevâtın dahi bulunduğu istihbâr olduğundan bu husûs mukârin-i hakikat ise gece gündüz tarîkat-i aliyyenin vezâif

ve hidemâtıyla meşgûl ve ilim ve irfânıyla ma'rûf güzîde-i meşâyihten a'zâ intihâb olunmak üzere intihâb-ı sâbıkın feshiyle evsâf ve ta'rîfât-ı nizâmiye dâiresinde yeniden intihâb icrâ ve neticesinin serî'an inbâ buyurulması siyâkında cevâbnâme-i senâverî takdîm kılındı efendim.

Mustafa, Ali, Mehmed Abdülbâki, Safvet

Yazılmıştır

IST_MFT_MSH_DFT02_01739_0001-0116

Bursa'da Çarşamba Dergâhı meşihatine tayini teklif edilen Dâvud Efendi'nin icazetnamesiyle dergâhın varsa vakfiyesinin Bursa Encümen-i Meşâyihten istenmesi.

9 M. sene [1]337 / 16 Teşrîn-i evvel sene [1]334 / - / - / - / Sîret / 81 / Fî 9 Muharrem sene [1]337 [15 Ekim 1918] / Fî 16 Teşrîn-i evvel sene [1]334

Bursa Encümen-i Meşâyihi Riyâset-i aliyyesine Taraf-ı Âli-i Riyâset-penâhiden Cevâbnâme 6 Muharrem sene [1]337 ve 13 Teşrîn-i evvel sene [1]334 târihli ve dört numaralı tahrîrât-ı aliyyeleri cevâbıdır.

Bursa'da tarikat-i aliyye-i Halvetiyye'den Çarşamba Dergâhı meşihat cihetinin uhdesine tevcihi bâ-mazbata inhâ olunan Davud Efendi'nin tarikat-i aliyye icâzetnâmesiyle dergâh-ı mezkûrun vakfiyesi mevcûd veya mukayyed ise sûret-i musaddakalarının irsâli lüzûmunun beyânıyla cevâbnâme-i senâverî takdîm kılındı efendim.

Mustafa, Mehmed Abdülbâki, Ali, Safvet

Yazılmıştır

IST_MFT_MSH_DFT02_01739_0001-0117

Sofular'da Alaaddin Dergâhı postnişini Sâlih Nâzım Efendi'nin vefatı üzerine, meşihate vekâleten Sofular Dergâhı postnişini Yusuf Selâhaddin Efendi tayin edildiğinden dergâhın muayyenat ve muhassasatının kendisine verilmesi.

Fî 8 Muharrem sene [1]337 / Fî 15 Teşrîn-i evvel sene [1]334 / Hüsâmeddin / - / - / - / Sîret / -[Mühür] Yusuf Salahaddin/ 80 / Fî 8 Muharrem sene [1]337 [14 Ekim 1918] / Fî 15 Teşrîn-i evvel sene [1]334

Müzekkire Taraf-ı Riyâsetten Evkâf-ı Hümâyûn Levâzım Müdiriyyeti'ne

Sofular'da kâin Alaaddin Dergâh-ı şerîfi postnişini Sâlih Nazım Efendi'nin vukû'-ı vefâtına ve mahdûmu Ali Sıdkî Efendi'nin silk-i askerîde bulunmasına mebnî münhal olan meşihat ciheti hizmetinin Sofular Dergâhı postnişini Yusuf Salahaddin Efendi tarafından bi'l-vekâle ifâ edilmekte olduğundan ba'demâ dergâh-ı mezkûr mu'ayyenat ve muhassasâtının vekîl-i mûmâ-ileyhin bâlâya matbû' mührünün tatbîkiyle i'tâ buyurulması zımnında işbu müzekkire Evkâf-ı Hümâyûn Levâzım Müdiriyyet-i aliyyesine takdîm kılındı.

Safvet

Yazılmıştır

IST_MFT_MSH_DFT02_01739_0001-0118

Kocamustafapaşa'da Mirahor Dergâhı ekmek tahsisatının şeyhin yeni mührüyle verilmesinin Bahriye Nezâretine bildirilmesi.

Fî 7 Muharrem sene [1]337 / Fî 14 Teşrîn-i evvel sene [1]334 / Hüsâmeddin / - / - / Sîret / - / - / 79 / Fî 7 Muharrem sene [1]337 [8 Ekim 1918] / Fî 14 Teşrîn-i evvel sene [1]334

Kocamustafapaşa civârında kâin Mirahor Dergâh-ı şerîfine Bahriye Nezâret-i celîlesinden muhassas olan nân-ı azîzin ahzına mahsûs tatbîk mührü zâyî' edilmiş olduğundan ba'demâ dergâh-ı mezkûr postnişîni efendinin bâlâya matbû' mührünün tatbîkiyle i'tâ buyurulması zımnında işbu müzekkire nezâret-i müşârun-ileyhâya takdîm kılındı.

Safvet

Yazılmıştır

IST_MFT_MSH_DFT02_01739_0001-0119

Silivrikapı'da Bâlî Efendi Dergâhı şeyhi Mehmed Efendi'nin vefatıyla, yerine Ömer Fahreddin Efendi tayin edildiğinden meşihate ait maaşın kendisine verilmesi.

Fî 5 Muharrem sene [1]337 / Fî 12 Teşrîn-i evvel sene [1]334 / Hüsâmeddin / - / Sîret / - / - / 76 / Fî 5 Muharrem sene [1]337 [11 Ekim 1918] / Fî 12 Teşrîn-i evvel sene [1]334

Müzekkire

Silivrikapısı kurbünde kâin Bâlî Efendi Dergâh-ı şerîfi şeyhi Şeyh Mehmed Efendi'nin vukû'-ı vefâtına mebnî cihet-i mezkûre Şeyh Ömer Fahreddin Efendi uhdesine tevcih edildiğinden dergâh-ı mezkûr meşihatine mahsûs ma'âşın ayrıca mûmâ-ileyhe i'tâsı zımnında işbu müzekkire İstanbul Vilâyeti Evkâf Müdüriyyet-i aliyyesine takdîm kılındı.

Safvet

Yazılmıştır

IST_MFT_MSH_DFT02_01739_0001-0120

Karahisarısâhib (Afyonkarahisar) Mevlevîhanesi postnişinliğine mahallinden münasip birisinin tayini mümkün değilse, İstanbul'dan tayin yapılması için dergâhın vakfiye suretinin gönderilmesi hususunun Afyonkarahisar Encümen-i Meşâyah Riyâsetine bildirilmesi.

25 Z. sene [1]336 / 1 Teşrîn-i evvel sene [1]334 / - / - / Sîret / - / - / 75 / Fî 26 Z. sene [1]336 [2 Ekim 1918] / Fî 2 Teşrîn-i evvel sene [1]334 Karahisâr-ı sâhib Encümen-i Meşâyah Riyâset-i aliyyesine

Taraf-ı âlî-i Riyâset-penâhiden Tahrîrât Re'sen

İnhilâl eden Karahisâr-ı sâhib Mevlevî Dergâh-ı şerîfi postnişinliğinin tevcih-i mu'âmelesi hakkında istîzânı hâvî makâm-ı sâmi-i Cenâb-ı Meşihat-penâhiye takdîm ve irsâl olunup Meclis'e havâle buyurulan 25 Eylül sene [1]334 târihli ve doksan dört numaralı tahrîrât-ı fâzılâneleri kırâet olundu. Ahîran neşr ve i'lân olunan Meclis-i Meşâyah Nizâmnâmesi ahkâmı bi'l-umûm tekâyâyâ şâmil olup hiçbir müstesnâ bulunmadığından dergâh-ı mezkûr meşihati için dahi

ahkâm-ı nizâmiyenin tatbîki zarûrî olmağla vakfiyesine nazaran hasbe'n-nizâm bi'l-asâle ve bi'n-niyâbe veya bi'l-vekâle icâb eden şeyhin intihâbı ve evsâf-ı matlûbeyi hâiz oraca kimse bulunmadığı takdîrde vakfiyesi sûret-i musaddakasının irsâliyle buraca münâsibi bulunmak üzere cereyân-ı mu'âmelenin muvazzahan inbâsı ve mu'âmelâtın hitâmına kadar dergâh mu'attal bırakılmayarak muhassasât ve mu'ayyenâtını ahz-ı sarfa münâsibinin tevkîli tezekkür kılınmağla ol vechile icrâ-yı mu'âmeleye himmet buyurulması siyâkında şukka-i muhibbî terkîm kılındı efendim.

Safvet
Yazılmıştır

IST_MFT_MSH_DFT02_01739_0001-0121

Meclis-i Meşâyihi Riyâseti, Meclis-i Meşâyihi Başkitâbeti ve Meclis-i Meşâyihi Müfettişliği isimleriyle üç levhanın yazdırılmasının Levazım Müdüriyetine bildirilmesi.

- / 9 Teşrîn-i evvel sene [1]334 / - / - / Sîret / - / - / 75 / Fî 2 Muharrem sene [1]337 [8 Ekim 1918] / Fî 9 Teşrîn-i evvel sene [1]334

Riyâset-i aliyyeden Müzekkire

Meclis-i Meşâyihi Riyâseti

Meclis-i Meşâyihi Başkitâbeti

Meclis-i Meşâyihi Müfettişliği

Bâlâda muharrer üç kıt'a levhanın Dîvân-hâne'ye ta'lik olunmak üzere emsâli vechile tahrîr ettirilmesi zımında işbu müzekkire Bâb-ı Fetvâ Levâzım Müdüriyyet-i aliyyesine tevdi' kılındı.

Safvet
Yazılmıştır

IST_MFT_MSH_DFT02_01739_0001-0122

Kırşehir'deki Hacı Bektâş-ı Velî Dergâhı ile Üsküdar'da Mevlevî Dergâhı meşihatının vakfiye ve deruhte kayıtlarının Evkaf Nezâretinden istenmesi.

25 Z. sene [1]336 / 1 Teşrîn-i evvel sene [1]334 / - / - / Sîret / - / - / 73 / Fî 26 Z. sene [1]336 [2 Ekim 1918] / Fî 2 Teşrîn-i evvel sene [1]334

Müzekkire

Kırşehri'nde kâin Hacı Bektâş-ı Velî Dergâh-ı şerîfi vakfiyesi sûret-i musaddakasının irsâli zımında işbu müzekkirenin mazrûfen Evkâf-ı Hümâyûn Nezâreti Vekâlet-i celîlesine tesyâr buyurulması bâbında.

Safvet

74

Üsküdar'da Mevlevî Dergâh-ı şerîfi meşihat cihetinin der'uhde ve meşihat-i mezkûreye dâir şerâit-i vakfiyye kayıtlarının bi'l-ihrac irsâli zımında işbu müzekkirenin Evkâf-ı Hümâyûn Nezâreti Vekâlet-i celîlesine isrâ buyurulması bâbında.

SafvetYazılmıştır

IST_MFT_MSH_DFT02_01739_0001-0123

Beşiktaş'ta Neccarzâde Dergâhı ile Maçka'da Fahreddin Efendi ve Yıldız'da Şâzelî dergâhlarının Tophane'deki Kâdirîhane Dergâhı'na bağlanması.

- / 2 Teşrîn-i evvel sene [1]334 / - / - / Sîret / - / - / 72 / Fî 26 Z. sene [1]336 [2 Ekim 1918] / Fî 2 Teşrîn-i evvel sene [1]334

Müzekkire Tophâne'de Kâdirîhâne Dergâhı Postnişinliğine

Bu kere vukû' bulan merâkiz-i tekâyâ teşkilâtı mücebince Beşiktaş'ta kâin Neccârzâde Dergâh-ı şerîfi ile Maçka'da Fahreddin Efendi ve Yıldız'da Şâzelî Dergâh-ı Şerîfleri de civâr olmak münâsebetiyle merkez-i âlilerine ilhâk edildiğinin beyânıyla müzekkire terkîm olundu efendim.

Safvet

Yazılmıştır

IST_MFT_MSH_DFT02_01739_0001-0124

Sofular'da Alaaddin Dergâhı Camii imam ve hatibi Sâlih Nâzım Efendi'nin vefatı üzerine, yerine müteveffanın oğlu Ahmed Hikmet Efendi'nin rüşd çağına gelinceye kadar, Müderris Mustafa Efendi vekâleten tayin edildiğinden maaş ve tahsisatın kendisine verilmesi.

Fî 25 Z. sene [1]336 / Fî 1 Teşrîn-i evvel sene [1]334 / Hüsâmeddin / - / - / Sîret / [Mühür] Mustafa/ 71 / Fî 26 Z. sene [1]336 [2 Ekim 1918] / Fî 2 Teşrîn-i evvel sene [1]334

Müzekkire Sofular'da Alaaddin Tekkesinin İmâmet ve Hitâbet Vazîfelerine dâir

Sofular'da kâin Alaaddin Dergâh-ı şerîfinin bâ-berât-ı âlî imâmet ve hitâbet cihetlerine mutasarrıf olan Sâlih Nazım Efendi'nin vukû'-ı vefâtına mebnî münhal olan ciheteyn-i mezkûreteyn müteveffâ-yı mûmâ-ileyhin sagîr oğlu Ahmed Hikmet Efendi bi'n-nefs ifâ-yı hizmete kesb-i iktidâr edinceye değin Dâru'l-hilâfeti'l-aliyye Medresesi mu'allimlerinden Mustafa Efendi niyâbetiyle tevcih edildiğinden ba'demâ ciheteyn-i mezkûreteyn vazîfelerini nâib-i mûmâ-ileyhin bâlâyâ matbû' mührünün tatbikiyle i'tâsı zımnında işbu müzekkire İstanbul Vilâyeti Evkâf Müdîriyeti'ne takdîm kılındı.

Safvet

Yazılmıştır

IST_MFT_MSH_DFT02_01739_0001-0125

Eyüpsultan'da Özbekler Kalenderhanesi şeyhi Burhaneddin Efendi'nin istifası üzerine; meşihate Fatih'te Emîr Buhârî Dergâhı postnişini Şeyh Mustafa Efendi vekâleten tayin edildiğinden dergâhın muhassasat ve muayyenatının kendisine verilmesi.

Fî 25 Z. sene [1]336 / Fî 1 Teşrîn-i evvel sene [1]334 / Hüsâmeddin / - / - / Sîret / [Mühür] Mustafa/ 70 / Fî 25 Z. sene [1]336 [1 Ekim 1918] / Fî 1 Teşrîn-i evvel sene [1]334

Müzekkire

Eyübsultân kurbünde kâin Özbekler Kalenderhânesi meşihat cihetine mutasarrıf olan Burhaneddin Efendi'nin vukû'-ı isti'fâsına mebnî münhal olan cihet-i mezkûre vekâletine Fâtih civârında Emir Buhari Dergâh-ı şerîfi postnişini Şeyh Mustafa Efendi ta'yîn kılındığından ba'demâ kalenderhâne-i mezkûr mu'ayyenât ve muhassasâtının vekîl-i mûmâ-ileyhin bâlâyâ

matbû' mührünün tatbikiyle i'tâsı zımında işbu müzekkire İstanbul Vilâyeti Evkâf Müdüriyyet-i aliyyesine takdîm kılındı.

Safvet

Yazılmıştır

IST_MFT_MSH_DFT02_01739_0001-0126

Sofular'da Alaaddin Dergâhı postnişini Şeyh Nâzım Efendi'nin vefatıyla, meşihate vekâleten Sofular Dergâhı postnişini Yusuf Selâhaddin Efendi tayin edildiğinden dergâhın muhassasâtının kendisine verilmesi.

Fî 19 Z. sene [1]336/ Fî 25 Eylül sene [1]334 / Hüsâmeddin / Sîret / [Mühür] Yusuf Salahaddin / - / - / 67 / Fî 19 Z. sene [1]336 [25 Eylül 1918] / Fî 25 Eylül sene [1]334

Sofular'da Alaaddin Dergâh-ı şerîfi postnişini Şeyh Nazım Efendi'nin vukû'-ı vefâtına mebnî taht-ı silâhta bulunan mahdûmu Ali Efendi'ye bi'l-vekâle münhal olan meşihat ciheti Sofular Dergâh-ı şerîfi postnişini Salahaddin Efendi'ye tevcih edildiğinden ba'demâ dergâh-ı mezkûr muhassasâtının vekîl-i mûmâ-ileyhin bâlâya matbû' mührünün tatbikiyle i'tâsı zımında işbu müzekkire İstanbul Vilâyeti Evkâf Müdüriyyet-i aliyyesine takdîm kılındı.

Safvet

Yazılmıştır

IST_MFT_MSH_DFT02_01739_0001-0127

Kırşehir'deki Hacı Bektâş-ı Velî Dergâhı meşihati imtihanına girecek olanların, belirtilen günde bizzat Meclis-i Meşâyihe başvurmaları gerektiğinin gazetelerde ilanı.

- / 25 Eylül sene [1]334 / - / - / - / - / - / 68 / Fî 20 Z. sene [1]336 [26 Eylül 1918] / Fî 26 Eylül sene [1]334

İ'lân

Kırşehri'nde kâin Hacı Bektâş-ı Velî -kuddise sırruhû- hazretlerinin hânkâh-ı âlilerinde tarîkat-i aliyye-i Nakşîyye usûl ve ezkârını îfâ etmek ve kasaba ile mütecavir nevâhî halkına eyyâm-ı mübâreke ve evkât-ı münâsibede va'z u nasihat eylemek şartıyla şehri iki bin gurus tahsîsâtı olan meşihat cihetine ulemâ ve fudela-yı meşâyihten tâlib olacak zevâtın Teşrîn-i evvel'in beşinci Cumartesi gününe kadar isimlerini kayd ettirmek üzere tezkire-i Osmâniyye ve icâzetnâmelerini mustashiben Meclis-i Meşâyihi Başkitâbetine mürâca'at ve yevm-i mezkûrda icrâsı mukarrer olan müsâbaka imtihânına dâhil olmak için zevâlî sâ'at onda meclis-i mezkûrda isbât-ı vücûd eylemeleri.

69

Matbû'ât-ı Umûmiyye Müdüriyyet-i aliyyesine

Hacı Bektâş-ı Velî -kuddise sırruhû- hazretleri hânkâh-ı şerîfi nakşî şeyhliği için icrâsı mukarrer olan imtihâna da'vet hakkında tanzim olunan dört kıt'a i'lân varakası evrâk-ı havâdisle neşrine müsâade buyurulmak üzere leffen takdîm kılındı.

Safvet

Yazılmıştır

IST_MFT_MSH_DFT02_01739_0001-0128

Edirne'de Şeyh Dâvud Efendi Dergâhı meşihatine tayinini talep edenlerin, Şeyh Celâleddin Efendi'ye neseben bağlı olup olmadıkları bilgisi ile dergâhın vakfiye suretinin Edirne Encümen-i Meşâyih riyâsetinden istenmesi.

18 Z. sene [1]336 / 24 Eylül sene [1]334 / - / - / 42 / Sîret / 66 / Fî 19 Z. sene [1]336 [15 Eylül 1918] / Fî 25 Eylül sene [1]334

Tahrîrât-ı Cevâbiyye

Edirne Encümen-i Meşâyih Riyâset-i aliyyesine

15 Eylül sene [1]334 târihli ve bir numaralı tahrîrât-ı aliyyeleri cevâbidır.

Edirne'de kâin Şeyh Davud Efendi Dergâh-ı şerîfi meşihat cihetinin bi'n-niyâbe edâ-yı hizmet olunmak üzere hasbe'l-meşrûtiyye uhdesine tevcîhi mürsel mazbatada beyân olunan sagîr Hasan Muhtâr ile mezkûr mazbatada asker olduğu muharrer evlâd-ı vâkıftan bulunan kimsenin peder ve cedleri esâmîsinin ve müteveffâ Şeyh Mehmed Celaledin Efendi'ye neseben ve derece-i kurbuyetlerinin muvazzahan iş'âr ve dergâh-ı mezkûr vakfiyesi sûret-i musaddakasının irsâl buyurulması siyâkında cevâbnâme-i senâverî terkîm olundu efendim.

Hüseyin, Vahyî, Mustafa, Ali, Safvet

Yazılmıştır

IST_MFT_MSH_DFT02_01739_0001-0129

Tekkelere verilecek erzâkın belirlenmesinde esas olmak üzere, dergâhlarda ikamet eden nüfus miktarını havi defterin tanzim edilip gönderilmesi hususunun tekke merkezlerine tebliği.

15 Z. sene [1]336 / 22 Eylül sene [1]334 / - / - / - / Sîret / 66 - 67 / Fî 17 Z. sene [1]336 [23 Eylül 1918] / Fî 23 Eylül sene [1]334

Taraf-ı Âlî-i Riyâset-penâhîden Merkezlere Ta'mîmen Müzekkire

Î'âşe Nezâret-i celîlesinden bi'l-umûm tekâyâyâ i'tâsı derdest tezekkür bulunan erzâkın makâdirine esâs olmak üzere dergâh-ı âlîleriyle mülhakâttan ma'mûr veya arsa hâlinde bulunup Evkâf-ı Hümayûn Nezâret-i celîlesince muhassasâtı i'tâ olunmakta olan tekâyâ meşâyih efendilerin ekmek ve teb'alarına nazaran i'âşelerine mecbûr oldukları nüfûsun adedini hâvî vesîka bir kıt'a defterinin serî'an tanzîm ve irsâli ve fî 27 Zilka'de sene [1]336 târih ve 37 numaralı müzekkire ile talep olunup henüz vürûd etmeyen defterin dahi tesrî-i tanzîmine himmet buyurmaları zımnında müzekkire takdîm kılındı.

Safvet

Yazılmıştır

IST_MFT_MSH_DFT02_01739_0001-0130

Silivrikapı'da Bâli Efendi Dergâhı Camii'nin imamet ve hitabet vazifeleri imtihanına katılacak olanların, belirtilen tarihte bizzat Meclis-i Meşâyihe başvurmaları gerektiğinin gazetelerde ilanı.

- / 21 Eylül sene [1]334 / - / - / - / Sîret / 64 / Fî 16 Z. sene [1]336 [22 Eylül 1918] / Fî 22 Eylül sene [1]334

İ'lân

Silivrikapı civârında Bâli Efendi Dergâhı Câmi-i şerîfinin münhal bulunan imâmet ve hitâbet cihetlerine tâlib olan zevâtın şehr-i Eylül'ün yirmi sekizinci Cumartesi gününe kadar isimlerini kaydettirmek üzere tezkire-i Osmâniyyelerini mustashiben Meclis-i Meşâyih Başkitâbetine mürâca'at ve yevm-i mezkûrda ba'de'z-zuhr sâ'at birde li-ecli'l-imtihân meclis-i mezkûrda isbât-ı vücûd etmeleri.

Safvet

65

Matbû'ât-ı Umûmiyye İdâre-i aliyyesine

Silivrikapı civârında Bâli Dergâhı Câmi'-i şerîfi imâmet ve hitâbet cihetlerinin tâlibleri miyânında icrâsı mukarrer olan imtihâna dâir melfûf dört kıt'a i'lân varakasının evrâk-ı havâdisle neşrine müsâ'ade buyurulması zımında müzekkire takdîm kılındı.

Safvet

Yazılmıştır

IST_MFT_MSH_DFT02_01739_0001-0131

Tekkelere verilecek erzaka esas olmak üzere hazırlanan defterin, İâşe Nezâretine gönderilmesi.

Fî 8 Z. sene [1]336 / Fî 14 Eylül sene [1]334 / - / - / - / - / - / 63 / Fî 8 Z. sene [1]336 [14 Eylül 1918] / Fî 14 Eylül sene [1]334

İâşe Nezâret-i celîlesine Taraf-ı Riyâsetten Müzekkire

Tekâyâya tevzî'-i erzâk husûsunda nezâret-i celîlelerince esâs olmak üzere bir kıt'a defter huzûr-ı sâmi-i nezâret-penâhîlerine takdîm kılındı ol bâbda.

Safvet

IST_MFT_MSH_DFT02_01739_0001-0132

Kurban Bayramının ikinci günü, Meclis-i Meşâyih heyetiyle birlikte meşihat makamında yapılacak bayramlaşmaya gelmeleri için tekke merkezlerine gönderilen tebligat.

Fî 6 Z. sene [1]336 / Fî 12 Eylül sene [1]334 / - / - / - / - / - / 61 - 62 / Fî 8 Z. sene [1]336 [14 Eylül 1918] / Fî 14 Eylül sene [1]334

Taraf-ı Riyâsetten Müzekkire

Reşâdetlü Efendim

Bi-mennihî te‘âlâ şeref-i tecelliyâtıyla kulûb-i ehl-i îmânı vâyedâr-ı feyz ve sürûr edecek olan îd-i sa‘îd-i adhânın ikinci günü vasatî sâ‘at bir raddelerinde Meclis-i Meşâyihle beraber merkez meşâyih-i kirâmı dâire-i Meşihat’ta bi’l-ictimâ‘ zât-ı hazret-i Meşihat-penâhiye arz-ı tebrikât eylemeleri Meclisce tensîb edilmekle zât-ı mürşidânelerinin dahi teşrîfleri ve arzu buyuranlar iştirâk etmek üzere mülhak tekâyâ meşâyihine de iş‘ar buyurmaları temennâsıyla tezkire-i senâverî takdîm kılındı efendim.

Safvet

IST_MFT_MSH_DFT02_01739_0001-0133

Gönderilen iki talimatnameden ve Meclis-i Meşâyih Nizamnamesi’nden, bin beşer yüz nüshanın bastırılıp Meclise gönderilmesi hususunun Levazım Müdüriyetine bildirilmesi.

4 Z. sene [1]336 / 10 Eylül sene [1]334 / - / - / - / Siret / 60 / Fî 5 Z. sene [1]336 [11 Eylül 1918] / Fî 11 Eylül sene [1]334

Müzekkire Taraf-ı âli-i Riyâset-penâhiden

Bi’l-umûm tekâyâda tatbîk edilecek hıfz-ı sıhhat ve muhâfaza-i nezâfet ve tahârete ve yine tekâyâda mâ-bihî’t-tatbîk olmak üzere kaleme alınan ve mücebince işâret-i aliyye-i Meşihat-penâhiye iktirân eyleyen merbût iki kıt’a ta‘lîmâtınâmenin Dersââdet ve taşrada bulunan tekâyâ ve zevâyâya gönderilmek üzere Meclis-i Meşâyih Nizamnamesi kıt’asında her ikisinden bin beşer yüz nüsha tab‘ ettirilerek Meclis’e tevdî‘i lâzım geldiğinden icrâ-yı îcâbı zımında işbu müzekkire Levâzım Müdüriyyet-i aliyyesine tevdî‘ kılındı.

Hüseyin, Vahyî, Mustafa, Mehmed Cevdet, Mehmed Abdülbâki, Safvet

Yazılmıştır

IST_MFT_MSH_DFT02_01739_0001-0134

Yoklama ilmühaberinin tanzim edilip gönderilmesi hususunun Nasûhî Dergâhı şeyhine tebliği.

Fî 3 Z. sene [1]336 / Fî 9 Eylül sene [1]334 / - / - / - / - / 59 / Fî 3 Z. sene [1]336 [9 Eylül 1918] / Fî 9 Eylül sene [1]334

Makâm-ı Riyâsetten Nasûhî Dergâhı şeyhine tezkire

Fî 5 Eylül sene [1]334 târihli ve 3 numaralı tezkire-i aliyyeleri cevâbıdır.

Şehr-i hâl yoklamasına mahsûs evkâfın matbû‘ ilmühaberleri hıfz ve neticesini mübeyyin cedvel tanzîm ve irsâli lâzım gelip ba‘demâ senede bir defa tekâyâ meşâyihinin bizzât tanzîm edecekleri ilmühaberleri üzerine aynı mu‘âmele icrâsı iktizâ edeceğinin beyânıyla tezkire-i senâverî terkîm kılındı efendim.

Safvet

Yazılmıştır

IST_MFT_MSH_DFT02_01739_0001-0135

Gönderilen cetvellerdeki vazifelere ait eski ve yeni maaş miktarlarının beyan edilerek, tekrar gönderilmesi için müzekkirenin Evkaf Nezâretine iadesi.

2 Z. sene [1]336 / 8 Eylül sene [1]334 / - / - / - / Sîret / 58 / Fî 3 Z. sene [1]336 [9 Eylül 1918] / Fî 9 Eylül sene [1]334

3 Numaralı Meclis Müzekkiresinin Rabtıyla Müzekkire

Merbût müzekkire zîrine Kuyûd-ı Vakfiyye Müdiriyyet-i behiyyesinden muharrer derkenâr ve melfûfu iki kıt'a cedvel kırâet olundu. Mezkûr cedvellerde mûnderic cihâtın vezâif-i kadîme ve hâzırası makâdirinin dahi bilinmesine lüzûm görülmüş olmağla vezâif-i mezkûrenin dahi ilâvesiyle irsâli zımında işbu müzekkirenin merbûtâtıyla beraber mazrûfen Evkâf-ı Hümâyûn Nezâreti Vekâlet-i celîlesine tesyâr buyurulması bâbında.

Safvet

Yazılmıştır

IST_MFT_MSH_DFT02_01739_0001-0136

Aksaray Sofular Mahallesi'nde Şeyh Alaaddin Dergâhı Camii'nin hitabetine vekâleten, imametine de asaleten görevlendirilmek üzere yapılacak imtihana katılmak isteyenlerin, bizzat Meclis-i Meşâyihe başvurmaları gerektiğinin gazetelerde ilanı.

- / 8 Eylül sene [1]334 / - / - / - / Sîret / 56 / Fî 3 Z. sene [1]336 [9 Eylül 1918] / Fî 9 Eylül sene [1]334

İ'ân

İstanbul'da Aksaray civârında Sofular Mahallesi'nde kâin kutbü'l-ârifin eş-Şeyh Alaaddin Dergâhı Camii-i şerîfi hitâbetine bi'n-niyâbe ve imâmet cihetine de bi'l-asâle tâlib olanlar miyânında şehr-i Eylül'ün on dördüncü Cumartesi günü icrâsı mukarrer olan müsâbakaya dâhil olmak arzu edenlerin tezkire-i Osmâniyelerini mustashiben yevm-i mezkûrda ba'de'z-zuhr sâ'at birde Meclis-i Meşâyihte behemehâl isbât-ı vücûd eylemeleri.

57

Matbû'ât-ı Umûmiyye Müdiriyyet-i aliyyesine

Evrâk-ı havâdisle i'ân olunmak üzere dört kıt'a varaka leffen takdîm kılındı.

Safvet

Yazılmıştır

IST_MFT_MSH_DFT02_01739_0001-0137

Kaydı yapılan evrakın Muhasebe Müdürlüğüne gönderilmesi.

Fî 2 Z. sene [1]336 / Fî 8 Eylül sene [1]334 / - / - / - / - / 55 / Fî 2 Zilhicce sene [1]336 [8 Eylül 1918] / Fî 8 Eylül sene [1]334

Meclis-i Meşâyihten idâresince mu'âmele-i kaydiyyesi tesviye edilmekle icrâ-yı icâbı temennîsiyle Muhâsebe Müdiriyyet-i aliyyesine tevdi' kılındı.

Safvet

Yazılmıştır

IST_MFT_MSH_DFT02_01739_0001-0138

Meclis-i Meşâyih Müfettişliğinde istihdam edilecek olan Dârü'l-hilâfeti'l-aliyye Medresesi müfettiş muavini Nurullah Bey ile Dârü'l-hikmeti'l-İslâmiyye Kalemi ketebesi Fahri Efendi'ye maaş tahsisi talebi.

Fî 2 Z. sene [1]336 / Fî 8 Eylül sene [1]334 / - / - / - / - / 54 / Fî 2 Zilhicce sene [1]336 [8 Eylül 1918] / Fî 8 Eylül sene [1]334

Meclis-i Meşâyih Müfettişliğinde istihdâmları makrûn-ı müsâ'ade-i aliyye-i Fetvâ-penâhîleri buyurulan Dârü'l-hilâfeti'l-aliyye Medresesi müfettiş mu'avinlerinden Nurullah Bey ile Dârü'l-hikmeti'l-İslâmiyye Kalemi ketebesinden Fahri Efendi'nin sâha-i teftişlerinde vüs'ati ve vazîfelerinin kesreti hasebiyle sermüfettiş unvânıyla Nurullah Bey'e bin ve Fahri Efendi'ye de beş yüz guruşun ücret-i şehriyye olarak maktû'an Dârü'l-hilâfeti'l-aliyye Medresesi müteferrika-sından tesviye ve i'tâsı hususunun mücebince işâret-i aliyyesiyle Muhâsebe Müdîriyyeti'ne emr ü havâle buyurulması bâbında emr ü fermân hazret-i men lehül-emrindir.

Safvet

Yazılmıştır

IST_MFT_MSH_DFT02_01739_0001-0139

Üsküdar'da Hüdâyî Dergâhı'nda vaizlik ve nasîhlik vazifesi varsa; deruhte kaydıyla vakfiye şartlarının Evkaf Nezâretinden istenmesi.

2 Z. sene [1]336 / 8 Eylül sene [1]334 / - / - / - / - / Sîret / 56 / Fî 2 Zilhicce sene [1]336 [8 Eylül 1918] / Fî 8 Eylül sene [1]334 Müzekkire

Üsküdar'da kâin Hazret-i Hüdâî Dergâh-ı şerîfinde vâ'iz ve nâsîh ciheti olup olmadığının mevcûd ise der'uhde kaydıyla şart-ı vâkıfının bâ-derkenâr inbâsı zımında işbu müzekkirenin mazrûfen Evkâf-ı Hümayûn Nezâreti Vekâlet-i celîlesine irsâl buyurulması bâbında.

Safvet

Yazılmıştır

IST_MFT_MSH_DFT02_01739_0001-0140

Taşradaki Encümen-i Meşâyihlerle bütün tekke ve zaviyelerin kaydının tutulması için dört cilt defterin Levazım Müdüriyetinden istenmesi.

Fî 28 Za. sene [1]336 / Fî 4 Eylül sene [1]334 / - / - / - / - / - / 53 / Fî 28 Za. sene [1]336 [4 Eylül 1918] / Fî 4 Eylül sene [1]334

Müzekkire

Taşra Encümen-i Meşâyihlerinin ve bi'l-umûm tekâyâ ve zevâyânın kaydına mahsûs olmak üzere yüz yirmişer varakalı ve eser-i cedîd kâğıdı kır'asında mücelled dört aded defterin sür'at-i mümkinine ile i'tâsı zımında işbu müzekkire Levâzım Müdüriyyet-i aliyyesine tevdi' kılındı.

Safvet

Yazılmıştır

IST_MFT_MSH_DFT02_01739_0001-0141

Gazetelerde ilan edilmek üzere, dört adet müzekkirenin Matbûât-ı Umûmiyye Müdüriyetine gönderilmesi.

26 Za. sene [1]336 / 3 Eylül sene [1]334 / - / - / - / - / 52 / Fî 27 Za. sene [1]336 [3 Eylül 1918] / Fî 3 Eylül sene [1]334

Taraf-ı Âlî-i Riyâset-penâhîden Müzekkire

Matbûât-ı Umûmiyye Müdüriyyet-i aliyyesine

Melfûf dört kıt'a müzekkire evrâk-ı havâdisle neşr olunmak üzere takdîm kılındı.

Safvet

Yazılmıştır

IST_MFT_MSH_DFT02_01739_0001-0142-143

Haftada bir gün, belirtilen saatte vaaz yapılacak dergâhlar ile vaaz edecek şeyhlerin isim listesi.

26 Za. sene [1]336 / 2 Eylül sene [1]334 / - / - / - / - / Sîret / - / Fî 27 Za. sene [1]336 [3 Eylül 1918] / Fî 3 Eylül sene [1]334

Taraf-ı Âlî-i Riyâset-penâhîden Müzekkire

Mesâlik-i celîle-i sûfiyyenin esâsât-ı mübârekesiyle gâyyât ve makâsıd-ı hasenesi hakkında turuk-ı aliyye müntesibîni ile mevki'an münâsib olan dergâhlarda bi'l-umûm ihvân-ı dîne urefâ-yı ümmetten birer zât taraflarından mukâbele-i şerîfeden evvel mevâ'iz-i dîniyye ifâsı için Meclis-i Meşâyih kararıyla taraf-ı âlî-i Cenâb-ı Meşîhat-penâhîden ta'yîn buyurulan zevâtın dergâhlarının esâmîleri ber-vech-i âtîdir:

Safvet

		Eyyâm ve leyâlî-i mahsûsaları
Hazret-i Sünbül Sinan Hânkâh-ı şerîfinde	Dâru'l-Hikmeti'l-İslâmiyye a'zâsından Haydarizâde İbrâhîm Efendi	Cuma vakt-i zuhurda
Çarşamba'da Hazret-i Nureddin-i Cerrâhî Hânkâh-ı şerîfinde	Dâru'l-Hikmeti'l-İslâmiyye a'zâsından Cevdet Efendi	Pazartesi " "
Unkapanı'nda Ahmed el-Buhârî Dergâh-ı şerîfinde	Dâru'l-hilâfeti'l-aliyye Medresesi Müfettiş-i umûmîlerinden Nasuhizâde Mustafa Asım Efendi	Pazar " "
Yenikapı Mevlevihânesi'nde	Postnişîni Meclis-i Meşâyih a'zâsından Şeyh Abdülbâki Efendi	Perşembe " "
Eyüb'de İzzet Mehmed Paşa Dergâh-ı şerîfinde	Meclis-i Meşâyih a'zâsından Şeyh Cevdet Efendi	Cuma gecesi vakt-i işâ
Bâbâlî civârında Safvetî Paşa Dergâh-ı şerîfinde	Meclis-i Meşâyih a'zâsından Şeyh Hasan Efendi	Cuma vakt-i zuhur
Üsküdar'da Hazret-i Hüdâî Hânkâh-ı şerîfinde	Hânkâh-ı mezkûr hatîb vekîli Hoca Veysel Efendi	" " " " "
Üsküdar'da Hazret-i Nasûhî Hânkâh-ı şerîfinde	Huzûr-ı hümayûn ders-i şerîfi mukarrirlerinden Hoca Vildan Efendi	" " " " "

Beşiktaş'ta Yayha Efendi Dergâh-ı şerifinde	Postnişini Şeyh Hayri Efendi	Perşembe " " " "
Beylerbeyi'nde Bedevî Dergâh-ı şerifinde	Postnişini Şeyh Nesib Efendi	Cuma gecesi vakt-i ıfâ
Kasımpaşa'da Hüsameddin-i Uşşâkî hazretleri hânkâh-ı şerifinde	Postnişini Şeyh Mustafa Efendi	Perşembe vakt-i zuhur
Sütlüce'de Hasirîzâde Dergâh-ı şerifinde	Postnişini Şeyh Elif Efendi	Cuma " " "
Aksaray civârında Sofular Dergâh-ı şerifinde	Postnişini Şeyh Yusuf Salahaddin Efendi	Cuma vakt-i zuhur
Tophânede Kâdirî Dergâh-ı şerifinde	Abdurrahman Sami Efendi	Salı vakt-i zuhur
[0143] Galata Mevlevî Dergâh-ı şerifinde	Postnişini Şeyh Ahmed Efendi	Cuma vakt-i zuhur
Kasımpaşa Mevlevî Dergâh-ı şerifinde	Tâhirü'l-Mevlevî Efendi	Pazar " " "
Bahariye Mevlevî Dergâh-ı şerifinde	Postnişin vekili Şeyh Ahmed Efendi	Çarşamba " " "
Haseki'de Bayram Paşa Dergâh-ı şerifinde	Postnişini Şeyh Ali Efendi	Cuma gecesi vakt-i ıfâ

IST_MFT_MSH_DFT02_01739_0001-0144

Eylül yoklama ilmühaberleri muamelesinin tamamlanmasının, tekke merkezlerine bildirilmesi.

27 Za. sene [1]336 / 3 Eylül sene [1]334 / - / - / - / Sîret / 51 / Fî 27 Za. sene [1]336 [3 Eylül 1918] / Fî 3 Eylül sene [1]334

Taraf-ı âli-i Riyâset-penâhiden ta'mîmen müzekkire

Merâkiz-i Tekâyâ Ta'limât-nâmesi'nin dördüncü maddesi mücebince merkez ve mülhakâtı tekâyâ muhassasâtının sene-i hâliyye Eylül yoklama ilmühaberleri mu'amelesinin serî'an icrâsına himmet buyurulması zımnında müzekkire takdîm kılındı.

Safvet
Yazılmıştır

IST_MFT_MSH_DFT02_01739_0001-0145

Dergâhların vakfiye ve beratlarındaki isimlerin, varsa ikinci isimleri ile, berat ve vakfiyelerin tarih ve numaralarının bildirilmesine dair tekke merkezlerine yapılan tebligat.

26 Za. sene [1]336 / 2 Eylül sene [1]334 / - / - / - / Sîret / 37 ilâ 50 / Fî 27 Za. sene [1]336 [3 Eylül 1918] / Fî 3 Eylül sene [1]334

Bi'l-umûm Merâkize Taraf-ı Âli-i Riyâset-penâhiden Müzekkire

Meclis-i Meşâyih Nizâm-nâmesi'nin beşinci maddesi mücebiyle tekâyâyâ âid vakfiyelerin tescili lâzım geldiğinden Evkâf-ı Hümâyûn Nezâret-i celîlesince kayıdları suhûletle bulunabilmek için mülhak tekâyâdan vakfiyelerinde ve meşîhat ciheti berâtlarında tekkenin ismi ne sûretle muhar-rer ise o isimle ve diğer nâmla da yâd olunuyor ise onu da mülâhazât sütununda gösterilmek ve berât ve vakfiye târih ve numaraları derc olunmak sûretiyle bir kıt'a defterinin tanzîm ve irsâline himmet buyurulması siyâkında müzekkire takdîm kılındı.

Safvet
Yazılmıştır

IST_MFT_MSH_DFT02_01739_0001-0146

Mihrişah Vâlide Sultan Türbesi'nde hatim ve tevhit okuyanlar hakkında bilgi alınması için Kaşgarî ve Şah Sultan dergâhları postnişinlerinin Meclis-i Meşâyihe çağırılması.

26 Za. sene [1]336 / 2 Eylül sene [1]334 / - / - / - / Sîret / 36 / Fî 26 Za. sene [1]336 [2 Eylül 1918] / Fî 2 Eylül sene [1]334

Taraf-ı âlî-i Riyâset-penâhîden Müzekkire

Yedinci Merkez Postnişinliğine

Mihrişah Vâlide Sultân -tâbet serâhâ- türbesinde kırâet olunan hatim ve tevhid-i şerîfin kârî'leri hakkında bazı istîzâhta bulunulmak üzere mülhakâtınızdan Kaşgarî ve Şahsultân dergâh-ı şerîfleri postnişinleri efendilerin Eylül'ün dördüncü Çarşamba günü ba'de'z-zuhr Meclis-i Meşâyihe'ye gelmeleri husûsunun kendilerine tebliği zımında işbu müzekkire terkîm olundu.

Safvet

Yazılmıştır

IST_MFT_MSH_DFT02_01739_0001-0147

Kasımpaşa'da Hüsâmeddin Uşşâkî Dergâhı şeyhi İzzet Efendi'nin vefatı üzerine, yerine Şeyh Mustafa Efendi tayin edildiğinden dergâhın muayyenatının kendisine verilmesi.

25 Za. sene [1]336 / 1 Eylül sene [1]334 / - / - / - / Sîret / [Mühür] Mustafa / 35 / Fî 25 Za. sene [1]336 [1 Eylül 1918] / Fî 1 Eylül sene [1]334

Taraf-ı âlî-i Riyâset-penâhîden Müzekkire

Kasımpaşa'da kâin Hüsâmeddin-i Uşşâkî Dergâh-ı şerîfi şeyhi İzzet Efendi'nin vukû'-ı vefâtına mebnî münhal olan meşîhat ciheti Şeyh Mustafa Efendi uhdesine tevcih edilmiş olduğundan dergâh-ı mezkûra Bahriye Nezâreti'nden muhassas mu'ayyenâtın şeyh-i mûmâ-ileyhin bir sûreti bâlâda matbû' tatbik mührüyle i'tâsı zımında işbu müzekkire nezâret-i müşârun-ileyhâya takdîm kılındı.

Safvet

Yazılmıştır

IST_MFT_MSH_DFT02_01739_0001-0147-M

Eyüp'te Molla Çelebi Dergâhı'ndaki bazı eşyalar ile sakal-ı şerifin çalındığı ihbar edildiğinden gerekli tahkikatın yapılması.

24 Za. sene [1]336 / 1 Eylül sene [1]334 / - / - / - / Sîret / 34 / Fî 25 Za. sene [1]336 [1 Eylül 1918] / Fî 1 Eylül sene [1]334

Taraf-ı âlî-i Riyâset-penâhîden Müzekkire

Eyübsultân civârında Molla Çelebi Dergâhından bazı eşyâ-i mevkûfenin fûrûhtuna mücâseret olduğu istihbâr edildiğinden men'î hakkında lâzım gelen mu'âmelenin ifâ buyurulması 24 Ağustos sene [1]334 târîhli müzekkire ile me'mûriyyet-i behiyyelerine iş'âr edilmiş idi. Mülhak olduğu merkez-i tekâyâdan bu defa dahi vukû' bulan ihbâra nazaran dergâh-ı mezkûr sekenesi lihye-i sa'âdeti fûrûht ettikleri gibi dergâhın ebniyesinden bazı aksâmını dahi söküp sattıkları

anlaşıldığından mu'âmele-i mukteziyenin biran evvel ifâsıyla mütecâsirler hakkında ta'kibât-ı kânûniyye icrâsı zımında işbu müzekkire Evkâf-ı Hümâyûn Nezâreti Mebânî-i Hayriyye Müdiriyyet-i aliyyesine isrâ kılındı.

Safvet

Yazılmıştır

IST_MFT_MSH_DFT02_01739_0001-0148-148A

Aksaray'da Olanlar Dergâhı'na yerleşmiş, uygunsuz hal ve hareketleri görülen yangınzedelerin Merkez Efendi Dergâhı'na nakledilmeleri.

- / - / - / 33/ Fî 22 Za. sene [1]336 [29 Ağustos 1918] / Fî 29 Ağustos sene [1]334

Fî 15 Temmuz sene [1]334 târihli Meclis-i Meşâyih Nizâmnâmesi'nin ikinci ve on birinci maddelerinin ahkâm-ı sarîhası muktezâsıyla bi'l-umûm tekâyâ Meclis-i Meşâyih'in hey'et-i kânûniyyesine merbût mebânî-i resmiyyeden bulunmağla makâm-ı ulyâ-yı Meşihat-penâhîlerinden bi'l-istizân Meclis'in kararı istihsâl edilmedikçe devâir-i sâire tarafından tekâyâyâ müdahale edilmesi kat'iyen câiz olamayacağı ve harîkzedegândan bir takım âilelerin muvakkaten barındırılması gibi fevka'l-âde ahvâl-i zarûriyye esnâsında Meclis-i Meşâyih'in dahi hissiyâtı insâniyet-kârâne ile mütehassis olup me'vâsız kalan bîçâregânın muvakkaten îvâsı husûsunda tekâyâ arasında münâsib olanları tefrik ile devâir-i âidesine irâe edeceği vâreste-i iştibâh iken geçende vukû' bulan Fâtih harîkini müte'âkib Meclis-i dâ'iyânemize i'tâ-yı ma'lûmât ile ber-vech-i ma'rûz turuk-ı nizâmîsine mürâca'at edilmeksizin harîkzedegândan bir takım âilelerin tekâyâyâ iskân edildiği ve bunlar miyânında ahvâl ve ef'âl-i gayri- merziyyeye mütecâsir kimseler bulunduğu görülmüş ve bu misilli eşhâsın tekâyâyâ iskânları hiçbir vechile câiz olamayacağı gibi ma'âzallâh harîk vukû'una da sebebiyet vermeleri akvâ-yı ihtimâlden bulunmuştur. Ez-cümle Aksaray'da kâin Olanlar Dergâh-ı şerîfinin sema'hâne kısımlarına ve dervîşâna mahsûs odalarına birçok âileler idhâl edildiği gibi bâ-sened-i resmî emlâk-ı husûsiyyeden olan dergâhın harem dâiresine dahi bir takım âileler iskân ettirilmiş ve bunların dergâhın her tarafında ikâ' etmekte oldukları tahrîbât ve telvîsâttan mâ'adâ dergâhın ve harem dâiresinin kapıları bu âileler tarafından açık bırakılarak leylen ve nehâran mechûl kimselerin duhul ve hurûcları dolayısıyla her türlü inzibât ve intizâm muhtel olmuş ve şu nâ-sezâ ahvâlden fırsat-yâb olarak Aksaray Polis Merkezinin bile ma'lûmâtı olmaksızın ayrıca bir takım âileler hod be-hod dergâha girerek ikâmet etmekte bulunmuşlardır. Binâen alâ-hâzâ ba'demâ tekâyâyâ [0148A] iskân ettirmek zarûretleri hâsıl oldukça merci'-i kânûnîsi bulunan Meclis-i dâ'iyânemizin re'y ve kararına mürâca'at edilmesi ve mezkûr Olanlar Dergâh-ı şerîfi dâirelerinde bulunan âileleri dahi Merkez Efendi Dergâh-ı şerîfinin evvelce asâkir-i şâhâne tarafından işgâl edilmiş iken muahharan tahliye edilen selamlık dâiresinde kâin hâlî odalara serî'an nakl olunması hakkında me'mûrîn-i âidesine evâmîr-i kat'iyeye i'tâsı husûsunun bâ-tezkire-i aliyye taraf-ı sâmi-i Cenâb-ı Sadâret-penâhiye iş'âr buyurulması tezekkür kılındı.

Hüseyin, Mustafa, Ali, Safvet

IST_MFT_MSH_DFT02_01739_0001-0149

Merâkiz-i Tekâyâ Talimatnamesi'ne göre muamele olunmasının, tekke merkezlerine tebliği.

Fî 19 Za. sene [1]336 / Fî 26 Ağustos sene [1]334 / - / - / - / - / 14 ilâ 32 / Fî 21 Za. sene [1]336 [28 Ağustos 1918] / Fî 28 Ağustos sene [1]334

Makâm-ı Riyâsetten Merâkiz-i Tekâyâyâ Tezkire

Tasdîk-i Cenâb-ı Meşîhat-penâhîye iktirân eden merâkiz-i tekâyâyâ âid ta'limât-nâmenin melfûf sûret-i musaddakası mücebiyle ifâ-yı mu'âmeleye himmet buyurulmak üzere işbu tezkire-i senâverî takdîm kılındı.

Safvet

Yazılmıştır

IST_MFT_MSH_DFT02_01739_0001-0150

Üsküdar'da kapalı bulunan Mevlevî Dergâhı ile Silivrikapı'daki Bâlâ Dergâhı meşihat cihetine ait vakfiye kayıtlarının, Evkaf Nezâretinden istenmesi.

19 Za. sene [1]336 / 26 Ağustos sene [1]334 / - / - / - / - / 13 / Fî 19 Za. sene [1]336 [26 Ağustos 1918] / Fî 26 Ağustos sene [1]334 Taraf-ı âlî-i Riyâset-penâhîden Müzekkire

“Silivrikapısı'nda Bâlâ Dergâhı denmekle ma'rûf -Sertopçu-i Hazret-i Fâtih Bâli Ağa- tekkesinin meşîhat ile cihât-ı sâiresi hakkında mukaddem ve muahhar şürût-ı vakfiyye ile kimlerin uhdelerinde olduklarına dâir kuyûdun serî'an ihrâc ve irsâli zımında işbu müzekkire Evkâf-ı Hümayûn Nezâreti Kuyûd-ı Vakfiyye Müdiriyyet-i behiyyesine tesyâr kılındı.”

Üsküdar'da mesdûd ve mu'attal olup îcâb-ı nizâmîsinin icrâsı derdest bulunan Mevlevî Dergâh-ı şerîfinin meşîhat cihetine müte'allık şürût ve kuyûd-ı vakfiyyesinin serî'an bi'l-ihrâc irsâli zımında işbu müzekkire Evkâf-ı Hümayûn Nezâreti Kuyûd-ı Vakfiyye Müdiriyyet-i behiyyesine isrâ kılındı.

Safvet

Yazılmıştır

IST_MFT_MSH_DFT02_01739_0001-0151

Aksaray Sofular Mahallesi'ndeki Alaaddin Zaviyesi imamet ve hitabet cihetleri niyâbeti için yapılacak imtihana katılmak isteyenlerin, bizzat Meclis-i Meşâyihe başvurmaları gerektiğinin gazetelerde ilanı.

18 Za. sene [1]336 / 25 Ağustos sene [1]334 / - / - / - / - / Sîret / 12 / Fî 18 Za. sene [1]336 [25 Ağustos 1918] / Fî 25 Ağustos sene [1]334

İ'lân

Matbû'ât-ı Umûmiyye İdâre-i aliyyesine

İstanbul'da Aksaray civârında Sofular Mahallesi'nde kâin kutbü'l-ârifin Şeyh Alaaddin hazretleri Zâviyesi imâmet ve hitâbet cihetleri niyâbeti için icrâsı mukarrer olan müsâbakaya dâhil olmak arzu eden zevâtın tezkire-i Osmâniyyelerini mustashiben şehr-i hâli-i Arabî'nin yirmi sekizinci

gününe kadar Meclis-i Meşâyih'e mürâca'at etmelerinin evrâk-ı havâdisle i'lân edilmesi zımnında işbu müzekkire takdîm kılındı.

Safvet
Yazılmıştır

IST_MFT_MSH_DFT02_01739_0001-0152

Adetleri belirtilen matbu tercüme-i hal varakası, zabıt defteri ve vakfiye tesciline ait defterlerin, Levazım Müdüriyetinden istenmesi.

17 Za. sene [1]336 / 24 Ağustos sene [1]334 / - / - / - / Sîret / 11 / Fî 17 Za. sene [1]336 [24 Ağustos 1918] / Fî 24 Ağustos sene [1]334

Taraf-ı âlî-i Riyâset-penâhîden Müzekkire

Meclis-i Meşâyih Nizâm-nâmesi ahkâmının tatbîki için merbût numûneleri vechile taşra encümenlerine dahi kısmen gönderileceği cihetle bin aded tercüme-i hâl varakası ve bir kıt'a seksen yapraklı zabıt defteri ve yüzer yapraklı iki kıt'a vakfiye tesciline mahsûs defterin tab' ve teclîd ettirilerek Meclis'e tevdi'i muktezî bulunduğundan işbu müzekkire Bâb-ı Fetvâ Levâzım Müdüriyyet-i aliyyesine tevdi' kılındı.

Safvet
Yazılmıştır

IST_MFT_MSH_DFT02_01739_0001-0153

Eyüp'te Molla Çelebi Dergâhı'nın bazı eşyalarının askerde olan Şeyh Hüseyin Efendi'nin ailesi tarafından satıldığı ihbarının tahkiki.

Molla Çelebi Dergâhı hakkındaki görüşleri doğrultusunda Mebani-i Hayriye Müdürlüğüne müzekkire gönderilmesinin Yahya Efendi Dergâhı Postnişinliğine bildirilmesi.

15 Za. sene [1]336 / 22 Ağustos sene [1]334 / - / - / - / Sîret / 9 / Fî 17 Za. sene [1]336 [24 Ağustos 1918] / Fî 24 Ağustos sene [1]334

Taraf-ı âlî-i Riyâset-penâhîden Müzekkire
Hazret-i Ebâ Eyyûb el-Ensârî -radiye anhu'l-Bârî- civârında kâin Molla Çelebi Dergâh-ı şerîfi şeyhi Hüseyin Efendi'nin vazîfe-i askeriyyesini ifâ için Edirne'de bulunmasından intihâz-ı fırsat eden âilesi dergâhta mevcûd seccâde-i post elvâh ve sancak gibi eşyâ-yı mevkûfe ve müteberrikeyi fûrûht etmekte oldukları mülhak olduğu merkez tekâyâ tarafından ihbâr edilmiş ve şu hâlin devamı kat'iyen câiz olamayacağı derkâr bulunmuş olduğundan usûlü dâiresinde men'iyile zâyî edilenlerin bulundurulması ve bakiyye-i eşyanın muhâfazası husûsunda lâzım gelen mu'âmelenin icrâsına müsâra'at buyurulması zımnında işbu müzekkire Evkâf-ı Hümayûn Nezâreti Mebânî-i Hayriyye Müdüriyyet-i aliyyesine tesyâr kılındı.

Safvet

Beşinci Merkez İzzet Mehmed Paşa Dergâh-ı şerîf Postnişinliğine

19 Ağustos sene [1]334 târihli ve iki numaralı müzekkireleri cevâbıdır.

Molla Çelebi Tekkesi hakkındaki iş'âr-ı âlîleri nazar-ı dikkate alınarak icâbı Mebânî-i Hayriyye Müdüriyyeti'ne yazılmış ve yakında tebliğ olunacak Merâkiz Ta'lîmnâmesi mundericâtıyla icrâ olunacak mu'âmele ayrıca şu'be teşkiline lüzûm bırakmayacağının beyânıyla müzekkire terkîm kılındı.

Safvet

IST_MFT_MSH_DFT02_01739_0001-0154

Belirtilen tekkelerde, haftada birer saat mukabeleden önce vaaz ve nasihat etmek üzere görevlendirilen şeyhlerin isim listesi.

14 Za. sene [1]336 / 21 Ağustos sene [1]334 / - / - / - / Sîret / 8 ilâ 16 / Fî 15 Za. sene [1]336 [22 Ağustos 1918] / Fî 22 Ağustos sene [1]334

1	Hânkâh-ı Hazret-i Sünbül Sinan'a: Fudelâ-yı benâmdan Dâru'l-Hikmeti'l-İslâmiyye a'zâ-yı kirâmından Haydarîzâde İbrâhîm Efendi
2	Ahmed el-Buhârî Dergâh-ı şerîfine: Fudelâ-yı benâmdan Nasûhîzâde Mustafa Asım Efendi
3	Nureddin-i Cerrâhî Hânkâh-ı şerîfine: Dâru'l-Hikmeti'l-İslâmiyye a'zâ-yı kirâmından ve fudelâ-yı benâmdan Cevdet Efendi
4	Safvetî Paşa Dergâh-ı şerîfine: Meclis-i Meşâyih a'zâ-yı kirâmından Şeyh Hüseyin Efendi
5	İzzet Mehmed Paşa Dergâhına: Meclis-i Meşâyih a'zâ-yı kirâmından Şeyh Cevdet Efendi
6	Kâdirîhâne Dergâh-ı şerîfine: Kasımpaşa'da Yahya Kethüdâ Tekkesi şeyhi Abdurrahman Sami Efendi
7	Hazret-i Hüdâî Hânkâh-ı şerîfine: Hânkâhın hatîb vekîli Veysel Efendi
8	Hazret-i Nasûhî Hânkâh-ı şerîfine: Huzûr-ı Hümâyûn mukarrirîn-i kirâmından ve fudelâ-yı benâmdan Hoca Vildan Efendi
9	Kasımpaşa Mevlevîhânesine urefâ-yı ümmetten Tâhirü'l-Mevlevî Efendi

Taraf-ı âlî-i Riyâset-penâhîden Müzekkire

Turuk-ı aliyye müntesibîni ile bi'l-umûm ihvân-ı dîne mesâlik-i celîle-i sûfiyyenin esâsât-ı mübârekesiyle gâ-yât ve makâsîd-ı hasenesi hakkında haftada birer sâ'at mukâbele-i şerîfeden evvel mevâ'iz-i dîniyye ifâsıyla efkâr-ı umûmiyyenin tenvîr ve irşâdına sa'y olunması husûsu lede'l-istîzân tasvîb-i sâmi-i Cenâb-ı Fetvâ-penâhiye iktirân ederek bu emr-i hayrın ifâsı için dergâh-ı şerîflerine Dâru'l-Hikmeti'l-İslâmiyye a'zâ-yı kirâmından ve fudelâ-yı benâmdan Haydarîzâde İbrâhîm Efendi hazretleri ta'yîn buyurulmuş olmağla haklarında ihtirâmât-ı fâika ifâ buyurulması beyânıyla müzekkire-i senâverî terkîm kılındı efendim.

Safvet

Yazılmıştır

IST_MFT_MSH_DFT02_01739_0001-0155

Medrese müfettişlerinden olan fakat tekke müfettişliğinde istihdam edilen Hüsnü Efendi'nin görevine devam etmemesi sebebiyle, medrese müfettişliğine iade edilerek yerine münasip bir müfettişin tayin edilmesi.

13 Za. sene [1]336 / 20 Ağustos sene [1]334 / - / - / - / Sîret / 7 / Fî 13 Za. sene [1]336 [20 Ağustos 1918] / Fî 20 Ağustos sene [1]334

Taraf-ı âlî-i Riyâset-penâhîden Müzekkire

Medâris müfettişlerinden olup bir müddetten beri tekâyâ müfettişliğinde istihdâmına idâre-i aliyye-i Meşihat-penâhîleri şâyân buyurulan Şeyh Hüsnü Efendi bir ma'zeret-i meşrû'a beyân etmeksizin vazîfesine devam etmemekte ve nizâm-nâme-i cedîd ile teferru'âtından olan ta'lîmât-nâmelerin ahkâmı mücebince İstanbul ve Bilâd-ı selâsede bulunan tekâyâ ve zevâyânın emr-i teftîş ve icrâ-yı tahkîkâtı için mevcûd bir müfettişin vakti gayr-i kâfi bulunmakta olduğundan

mu‘âmelât-ı câriyyenin teahhurdan vikâyesi zımında mûmâ-ileyh Hüsnü Efendi’nin kemâ-kân medâris müfettişliğinde istihdâmıyla müfettişlerden diğer münâsibinin ta‘yîni husûsuna müsâ‘ade-i celîle-i Cenâb-ı Meşîhat-penâhileri şâyân buyurulmak bâbında.

Safvet

Yazılmıştır

IST_MFT_MSH_DFT02_01739_0001-0156-157

Tevcih-i Cihât Nizamnamesi’nin kırk dokuzuncu maddesinin uygulanmasında ortaya çıkan tereddütler hakkında, Şûrâ-yı Devletten görüş istenmesi.

Bihî

Numara: 6

Meclis-i Meşâyih Nizâmnâmesi’nin dokuzuncu maddesi mücebiyle tekâyâyâ âid bi’l-umûm cihetlerin tevcihi husûsunda Tevcîh-i Cihât Nizâmnâmesi’ne tevfiikan ifâ-yı mu‘âmele edilmesi muktezî olup nizâmnâme-i mezkûrun kırk dokuzuncu maddesinde “Meşrûta olmayan cihâtın tevcihine muvazzafen hizmet-i devlette bulunmak mâni’dir” denilmiş ve işbu maddenin esbâb-ı mucibesi ise “Hizmet-i devlette müstahdem bulunanların hıdemât-ı cihâtı bi-hakkın edâyâ vakit bulamayacakları ve yâhûd uhdelindeki cihât vezâif-i me’mûrelerinin ifâsını işkâl eyleyeceği derkâr ve her iki sûretin dahi muvâfık olamayacağı bedîdâr olmağla kırk dokuzuncu maddenin tanzîmi münâsib görülmüştür” sûretinde gösterilmiş olmasına binâen maddenin mefhûmundaki mutlakiyet ile esbâb-ı mucibesinin husûsiyeti arasında hâsıl olan ibhâm ber-vech-i âtî tereddüdlere mucib olmaktadır:

Evvelâ: Madde-i mezkûre meselâ Cuma geceleri yâhûd gündüzleri bir tekke derûnunda ifâsı meşrût olan vâ‘izlik, muhaddislik, devirhânlık gibi bir cihet ile bir me’mûriyet-i resmiyye-nin ictimâ’ında yekdiğerinin bi-hakkın ifâsına kat’iyyen te’siri olmayan aksâma şâmil olup olamayacağı.

Sâniyen: Dersâadet’teki tekâyânın ekseriyyetle muhassasâtı pek cüz’î olup meşîhat cihetlerini der’uhde eden zevât ayrıca me’mûriyet ma‘âşlarıyla tekkelerini idâre etmekte ve vazîfe-i me’mûrelerinin ifâsı zamanları hâricinde sabah ve akşamları meşîhat vazîfelerini ifâ eylemekte olduklarından meşîhat cihetiyle me’mûriyetin ictimâ’ı tecvîz edilmediği sûrette bi’t-tabî‘ meşîhatten sarf-ı nazar edeceklerinden ve muhassasât-ı cüz’iyye ile başka bir [0157] tâlib dahi bulunamayacağından şu hâl birçok tekâyânın insidâd ve harâbîsini istilzâm edeceği vâreste-i iştibâh olmağla madde-i mezkûre mefhûm-ı mutlakının meşîhat cihetlerine de şûmûlu olup olmadığı.

Sâlisen: Meclis-i Meşâyih Teşkilâtı’na âid ve binâen aleyh mesâlik-i sûfiyye ile münâsebetdâr olan resmî me’mûriyetler ile tekâyânın meşîhat cihetlerinin ictimâ’ edip edemeyeceği.

Râbi’an: Bilâ-kayd ü şart herhangi bir me’mûriyet ile bir cihetin ictimâ’ı tecvîz edilmediği sûrette Tevcîh-i Cihât Nizâmnâmesi’nin neşriyle Meclis-i Meşâyih Teşkilât-ı Cedîdesinden mukaddem cihet ve me’mûriyeti cem’ etmiş olan zevâtın uhdelindeki cihetlerin ref’i lâzım gelip gelmeyeceği.

Ber-vech-i ma'rûz husûsât-ı ânifede hâsıl olan tereddüdlere binâen Şûrâ-yı Devlet'in madde-i mezkûreye nazaran ittihâz buyuracağı karar dâiresinde ifâ-yı mu'amele edilmek üzere şûrâ-yı müşârun-ileyhâ riyâset-i celîlesine iş'âr-ı keyfiyyet buyurulması bâbında.

Fî 10 Zilka'de sene [1]336, fî 17 Ağustos sene [1]334

Yazılmıştır

IST_MFT_MSH_DFT02_01739_0001-0158

Tekkelerdeki vakıf kitaplarının isimleriyle matbu veya yazma olduklarının belirtildiği bir defterin hazırlanarak gönderilmesinin tekke merkezlerine tebliği.

4 Za. sene [1]336 / 11 Ağustos sene [1]334 / - / - / Sîret / 5 / Fî 7 Za. sene [1]336 [14 Ağustos 1918] / Fî 14 Ağustos sene [1]334

Merâkize Ta'mîm

Tekâyâda Mevcûd Kütüb-i Vakfiyye Hakkında

Bazı tekâyâda mevcûd kütüb-i mevkûfenin Meclisce bilinmesine lüzûm görülmüş ve keyfiyyet bi'l-umûm merâkize tebliğ edilmiş olmağla dergâh-ı şerîfinizle mülhakât tekâyâda kütüb-i mevkûfe mevcûd ise esâmisini ve matbû' ve yazma olduğunu mübeyyin bir kıt'a defterin serî'an tanzîm ve irsâline himmet buyurulması siyâkında tezkire-i muhibbî terkîm olundu efendim.

Hüseyin, Mustafa, Mehmed Abdülbâki, Ali, Safvet

IST_MFT_MSH_DFT02_01739_0001-0159

Encümen-i İlmiyye tarafından tarikatların usul, âdâb, zikir ve diğer uygulamalarını konu alan Mecelle-i Sûfiyye tertip edileceğinden; isimleri belirtilen dergâh şeyhleri tarafından, her tarikatın usullerini havi bir risale hazırlanarak Meclise takdim etmeleri gerektiğinin kendilerine tebliği.

Gurre-i Za. sene [1]336 / 8 Ağustos sene [1]334 / - / - / - / Sîret / 4 / Fî 6 Za. sene [1]336 [13 Ağustos 1918] / Fî 13 Ağustos sene [1]334

Kâdirihâneye, Müftühamâmı'nda Şeyh Râşid Efendi'ye, Şeyh Vahyî Efendi'ye, Safvetî Paşa Dergâhına, Nasûhî, Hüdâî, Uşşâkî, Beylerbeyi'nde Bedevî, Südlüce, Salmatomruk'da Gülşenî, Nureddin-i Cerrâhî, Galata Mevlevihânesi, Üsküdar'da Himmetzâde, Beşiktaş'ta Şeyh Zafir Efendi dergâh-ı şerîfleri meşâyihî efendilere

Taraf-ı âlî-i Riyâset-penâhîden Tezkire

Meclis-i Meşâyih Nizâmname-i Cedîdi'yle Ta'lîmâtname-i ahkâmına tevfiқан Encümen-i İlmi tarafından bi'l-umûm turuk-ı aliyye-i sûfiyyenin usûl, âdâb, erkân ve seyr ü sülûkuyla evrâd ve ezkârını mübeyyin ve câmi' olmak üzere bir mecelle-i sûfiyye tertibine ihtimâm edileceği ve bunlar esâsât-ı kadîmesiyle tahkîk ve tevsik olunacağı cihetle mensûb oldukları tarikat-i aliyyenin minvâl-i meşrûh usûl ve âdâbı hakkında tarikat-i aliyye-i müşârun-ileyhâya mensûb meşâyih-i kirâm ile bi'l-ictimâ' risâle şeklinde bir eserin cem' ve tertibiyle Meclis-i Meşâyih'e itâsına himmet buyurulması husûsunda tezkire-i senâverî takdîm kılındı.

Hüseyin, Mustafa, Mehmed Abdülbâki, Ali, Safvet

IST_MFT_MSH_DFT02_01739_0001-0160

Tekkelerin muhassasat ve muayyenatının, dergâh şeyhleri tarafından seçilecek bir mutemet vasıtasıyla alınıp tevzi edilmesi sebebiyle, mutemede belli bir ücret takdir edilmesi.

29 Şevvâl sene [1]336 / 7 Ağustos sene [1]334 / - / - / - / Sîret / 1 ilâ 15 / Fî 4 Şevvâl sene [1]336 [11 Ağustos 1918] / Fî 11 Ağustos sene [1]334 Taraf-ı âlî-i Riyâset-penâhiden Merâkize Ta'mîm Tekâyânın muhassasât ve mu'ayyenâtı merkez dâhilinde bulunan meşâyihin intihâb edecekleri bir mu'temed ma'rifetiyle alınıp merkeze îsâl ve oradan tevzî'i meşâyih-i kirâm ve dervîşânın şeref ve haysiyetlerini muhâfaza nokta-i nazarından münâsib ve mu'ayyenâtın merkeze kadar Evkâf-ı Hümâyûn Nezâreti'nin vesâit-i nakliyyesiyle naklettirilmesi mümkün olacağı Meclisce tezekkür edilmiş [silik] mu'temedlere i'tâsî îcâb eden ücret karşılığı için merkezlerce tekâyânın muhassasâtından yüzde münâsib görülecek nisbette bir meblağ ayrılması lâzım geleceğinden bu husûs hakkında istifsâr-ı mütâlâ'a olunması tensîb edilmiş olmağla mühlakât-ı tekâyâ meşâyih-i kirâmıyla bi'l-istizân [kesik] sür'at-i mümkinine ile inbâ buyurulması siyâkında tezkire-i senâverî terkîm olundu [efendim].

Hüseyin, Mustafa, Ali, Mehmed Abdülbâki, [Safvet]IST_MFT_MSH_DFT02_01739_0001-0161

Tekke merkezlerinin yeniden belirlenmesi ve belirlenen tekke merkezlerine farzların ve tarikat erkânının ifası hususunda itina gösterilmesi için hazırlanan talimatname.

25 Şevvâl sene [1]336 / 2 Ağustos sene [1]334 / - / - / - / Sîret / - / Fî 27 Şevvâl sene [1]336 [5 Ağustos 1918] / Fî 5 Ağustos sene [1]334

[1]

(Sofular Dergâhına) beşinci merkez ittihâzı tezekkür olunarak

(Yahya Efendi Dergâhına)

Dokuzuncu merkez ittihâzı tezekkür olunarak

[2]

(Sofular'a) matbû'asıyla sâbık beşinci merkez olan Müştâkzâde Dergâhı mühr-i resmîsinin bi'l-ahz Meclis'e tevdi'i

(Yahya Efendi Dergâhına)

Matbû'asıyla sâbık dokuzuncu merkez olan Neccârzâde Dergâhı mühr-i resmîsinin bi'l-ahz Meclis'e tevdi'i

Taraf-ı âlî-i Riyâset-penâhiden Tezkire

1, 2, 3, 4, 5, 6, 8, 10, 11, 12, 13, 14, 15'inci merâkiz-i tekâyâ postnişinlerine

Nizâmname-i mahsûs mücebince tecdîden teşekkül buyurulan meclisimizde dergâh-ı âlîlerinin [1] kemâ-kân olmak üzere ibkâsı tezekkür olunarak mülhakâtı tekâyânın esâmîsini mübeyyin varaka leffen irsâl kılınmış, mührünün bir nüsha-i [2] matbû'asının li-ecli't-tatbîk Meclis'e tevdi'i lâzimedden bulunmuştur. Merkez ve mülhakâtta ferâiz-i dîniyye ve erkân-ı turuk-ı aliyenin ifâsına bir kat daha i'tinâ ile [kesik] hazret-i Hilâfet-penâhî ve millet-i mu'azzama ve siyyemâ asâkir-i zafer-me'ser-i Osmâniyyeleri [kesik] da'avât-ı hayriyye-i me'sûre tilâvetine muvâzebet olunması husûsunun mülhakât tekâyâ [şeyhlerine tebliğ] buyurmaları beyânıyla tezkire-i senâverî terkîm olundu efendim.

IST_MFT_MSH_DFT02_01739_0001-0162

Vezir İzzet Mehmed Paşa Dergâhı'nın yedinci merkez tekke olarak takdir edildiğinin tekke şeyhine tebliği.

26 Şevvâl sene [1]336 / 3 Ağustos sene [1]334 / - / - / - / Siret / - / Fî 27 Şevvâl sene [1]336 [5 Ağustos 1918] / Fî 5 Ağustos sene [1]3341

(Mevlevîhânelere)

Kılınmış ve merkez mühr-i resmîsiyle mahtûm bir varakanın li-eclî't-tatbîk Meclis'e tevdî'i lâzimededen bulunmuştur.

Taraf-ı Riyâset-i aliyyeden tezkire

Vezîr İzzet Mehmed Paşa Dergâhı meşîhatine

Nizâmnâme-i mahsûs mücebince tecdîden teşkil buyurulan meclisimizde dergâh-ı âlîlerinin müstakil merkez olmak [kesik] tezkire (1) ittihâzı tezekkür olunarak mülhakâtı tekâyânın esâmîsini mübeyyin varaka leffen irsâl kılınmak [kesik] hakk ve tevdî'ine kadar mu'âmelât dûçâr-ı tehhur olmamak üzere mühr-i zâtînize [kesik] bir nüsha-i matbû'asıyla sâbık yedinci merkez olan Taşlıburun Dergâh-ı şerîfine [kesik] bi'l-ahz Meclis'e tevdî' olunması lâzimededen bulunmuştur.

Merkez ve mülhakâtta ferâiz-i dîniyye ve erkân-ı turuk-ı aliyyenin icrâsına bir kat daha [kesik] zât-ı akdes-i hazret-i Hilâfet-penâhî ve millet-i mu'azzama ve siyyemâ [kesik] zimmetimiz olan da'avât-ı hayriyye-i me'sûre tilâvetine muvâzebet [kesik] tebliğ buyurmaları beyânıyla tezkire-i senâverî terkîm olundu.

